

中國文學精華

注音

韓 昌 黎 文

曾濂生選本

上册



3 1761 9870 7

注音  
韓昌黎文

揭要

文至六朝，炫采飾詞，駢麗相尙，延及於唐，頽靡極矣！公乃起而振之。其說理之文，周情孔思，排斥釋老，不遺餘力，洵足以羽翼六經；餘亦日光玉潔，氣盛言宜，如大河長江，渾浩流轉，魚鼈蛟龍，萬怪惶惑，而抑遏掩蔽，不使自露，可謂極文章之能事矣。

小傳

韓愈，唐昌黎人，字退之。介弟生三歲而孤，嫂鄭鞠之。比長，盡通六經，百家學，擢進士第，張建封辟爲府推官，調四門博士，遷監察御史；上疏極論宮市，貶陽山令；元和中，復爲博士，累遷中書舍人。憲宗將平蔡，命裴度宣慰淮西，奏愈行軍司

馬，愈請乘遽先入汴，說韓宏使協力。吳元濟平，遷刑部侍郎，憲宗遣使往鳳翔迎佛骨入禁中，愈上表極諫，貶潮州刺史，改袁州，召拜國子祭酒，轉兵部侍郎，鎮州亂，召愈宣撫之。歸，轉吏部侍郎，長慶中卒，贈禮部尚書，諡文。愈性弘通，與人交，榮悴不易。成就後進，往往知名。內外親故交友無後者，爲嫁遣孤女而恤其家云。

音注韓昌黎文

目次

卷一

原道	一	師說	一一
原性	五	送窮文	二三
原毀	八	進學解	二五
伯夷頌	一〇	五箴	二八
獲麟解	一一	後漢三賢贊	三一
雜說四首	一二	張中丞傳後序	三三
改葬服議	一五	讀儀禮	三七
爭臣論	一七	讀荀子	三七
		贈鄭尙書序	三八



- 送李愿歸谷盤序……………四一  
送王秀才墳序……………四二  
祭鱷魚文……………四四  
禘祫議……………四六  
論佛骨表……………四九  
與孟尙書書……………五二  
與鄂州柳中丞書……………五五  
再與鄂州柳中丞書……………五七  
與崔羣書……………五八  
答崔立之書……………六二  
答呂鑿山人書……………六四  
答李翊書……………六六
- 
- 答劉正夫書……………六八  
答尉遲生書……………六九  
與馮宿論文書……………七〇  
答竇秀才書……………七二  
與衛中行書……………七三  
與孟東野書……………七四  
答劉秀才論史書……………七五  
上兵部李侍郎書……………七七  
祭田橫墓文……………七九  
祭河南張員外文……………八〇  
祭柳子厚文……………八三  
獨孤申叔哀辭……………八四

歐陽生哀辭·····	八四
祭兄子十二郎老成文·····	八七
祭鄭夫人文·····	九〇
弔武侍御所畫佛文·····	九二
祭穆員外文·····	九三
祭郴州李使君文·····	九五
祭馬總僕射文·····	九七
祭張給事文·····	九九
祭女挈女文·····	一〇一
祭薛助教文·····	一〇二
祭虞部張員外文·····	一〇三

卷二

曹成王碑·····	一
貞曜先生墓誌銘·····	六
南陽樊紹述墓誌銘·····	八
試大理評事王君墓誌銘·····	一〇
給事中清河張君墓誌銘·····	一二
贈太尉許國公神道碑銘·····	一四
河南令張君墓誌銘·····	一〇
柳子厚墓誌銘·····	二三
清邊郡王楊燕奇碑·····	二六
唐故相權公墓碑·····	二九
殿中少監馬君墓誌銘·····	三三
國子監司業竇公墓誌銘·····	三四

清河郡公房公墓碣銘……………	三七	氏墓誌銘……………	五六
尙書庫部郎中鄭君墓誌銘……………	三九	女挈壙銘……………	五七
太原王公墓誌銘……………	四一	贈太傅董公行狀……………	五八
尙書左僕射右龍武軍統軍劉公 墓誌銘……………	四四	監察御史衛府君墓誌銘……………	六五
司勳員外郎孔君墓誌銘……………	四七	尙書左丞孔公墓誌銘……………	六七
集賢校理石君墓誌銘……………	四九	故貝州司法參軍李君墓誌銘……………	七三
李元賓墓銘……………	五〇	毛穎傳……………	七五
施先生墓銘……………	五一	平淮西碑……………	七七
唐河中府法曹張君墓碣銘……………	五三	藍田縣丞廳壁記……………	八三
扶風郡夫人墓誌銘……………	五四	鄆州溪堂詩……………	八五
河南府法曹參軍盧府君夫人苗 畫記……………	五四	南海神廟碑……………	九〇

汴州東西水門記	九三	袁氏先廟碑	一〇二
處州孔子廟碑	九五	烏氏廟碑	一〇五
衢州徐偃王廟碑	九七	新修滕王閣記	一〇八
柳州羅池廟碑	一〇〇	科斗書後記	一一〇



注音  
韓昌黎文 卷一

曾滌生先生選本

原道

博愛之謂仁，行而宜之之謂義，由是而之之謂道，足乎己無待於外之謂德。仁與義爲定名，道與德爲虛位。故道有君子小人，而德有凶有吉。老子之小仁義，非毀之也，其見者小也；坐井而觀天，曰天小者，非天小也；彼以煦煦爲仁，孑孑爲義，其小之也則宜。其所謂道，道其所道，非吾所謂道也；其所謂德，德其所德，非吾所謂德也。凡吾所謂道德云者，合仁與義言之也，天下之公言也。老子之所謂道德云者，去仁與義言之也，一人之私言也。周道衰，孔子沒，火於秦，黃老於漢，佛於晉，魏、梁、隋之間，其言道德仁義者，不入於楊，則入於墨，不入於老，則入於佛。入於彼，必出於此；入者主之，出者奴之；入者附之，出者汙之。噫！後之人其欲聞仁義道德之說，孰從而聽之？老者曰：『孔子，吾師之弟子也。』佛者曰：『孔子，吾師之

弟子也。』爲孔子者，習聞其說，樂其誕而自小也，亦曰：『吾師亦嘗師之云爾。』不惟舉之於其口，而又筆之於其書。噫！後之人雖欲聞仁義道德之說，其孰從而求之？甚矣！人之好怪也！不求其端，不訊其末，惟怪之欲聞。古之爲民者四，今之爲民者六。古之教者處其一，今之教者處其三。農之家一，而食粟之家六。工之家一，而用器之家六。賈之家一，而資焉之家六。奈之何民不窮且盜也。古之時，人之害多矣，有聖人者立，然後教之以相生相養之道；爲之君，爲之師，驅其蟲蛇禽獸而處之中土；寒然後爲之衣，飢然後爲之食，木處而顛，土處而病也，然後爲之宮室。爲之工，以贍其器用；爲之賈，以通其有無；爲之醫藥，以濟其天死；爲之葬埋祭祀，以長其恩愛；爲之禮，以次其先後；爲之樂，以宣其湮鬱音煙，爲之政，以率其怠勸倦同，爲之刑，以鋤其彊梗。相欺也，爲之符璽徒音，斗斛權衡以信之。相奪也，爲之城郭甲兵以守之。害至而爲之備，患生而爲之防。今其言曰：『聖人不可死，大盜不止，剖斗折衡，而民不爭。』嗚呼！其亦不思而已矣！如古之無聖人，人之類滅久矣。何也？無

羽毛鱗介以居寒熱也，無爪牙以爭食也。是故君者出令者也，臣者行君之令而致之民者也。民者出粟米麻絲，作器皿，通貨財，以事其上者也。君不出令，則失其所以爲君；臣不行君之令而致之民，則失其所以爲臣。民不出粟米麻絲作器皿通貨財以事其上，則誅。今其法曰：必棄而君臣去，而父子禁，而相生相養之道，以求其所謂清淨寂滅者。嗚呼！其亦幸而出於三代之後，不見黜於禹、湯、文、武、周公、孔子也。其亦不幸而不出於三代之前，不見正於禹、湯、文、武、周公、孔子也。帝之與王，其號名殊，其所以爲聖一也。夏葛而冬裘，渴飲而飢食，其事雖殊，其所以爲智一也。今其言曰：曷不爲太古之無事；是亦責冬之裘者曰：曷不爲葛之之易也。責飢之食者曰：曷不爲飲之之易也。傳曰：『古之欲明明德於天下者，先治其國；欲治其國者，先齊其家；欲齊其家者，先修其身；欲修其身者，先正其心；欲正其心者，先誠其意。』然則古之所謂正心而誠意者，將以有爲也。今也欲治其心而外天下國家，滅其天常，子焉而不父其父，臣焉而不君其君，民焉而不事其事。孔子之



作春秋也。諸侯用夷禮則夷之，進於中國則中國之。經曰：『夷狄之有君，不如諸夏之亡也。』詩曰：『戎狄是膺，荆舒是懲。』今也舉夷狄之法而加之先王之教之上，幾何其不胥而爲夷也。夫所謂先王之教者，何也？博愛之謂仁，行而宜之之謂義，由是而之之謂道，足乎己無待於外之謂德。其文詩書易春秋，其法禮樂刑政，其民士農工商，其位君臣父子師友賓主昆弟夫婦，其服麻絲，其居宮室，其食粟米果蔬魚肉，其爲道易明，而其爲教易行也。是故以之爲己，則順而祥；以之爲人，則愛而公；以之爲心，則和而平；以之爲天下國家，無所處而不當。是故生則得其情，死則盡其常，郊焉而天神假，音格廟焉而人鬼饗。曰：『斯道也，何道也？』曰：『斯吾所謂道也，非向所謂老與佛之道也。堯以是傳之舜，舜以是傳之禹，禹以是傳之湯，湯以是傳之文武周公，文武周公傳之孔子，孔子傳之孟軻，若何軻之死，不得其傳焉。苟與揚也，擇焉而不精，語焉而不詳。由周公而上，上而爲君，故其事行。由周公而下，下而爲臣，故其說長。』然則如之何而可也？曰：『不塞不流，不

止不行，人其人，火其書，廬其居，明先王之道，以道之，鰥寡孤獨廢疾者有養也，其亦庶乎其可也。」

【老子】

姓李名耳，字伯陽，楚之苦縣人。仕周，爲柱下史，著道德經。

【煦煦】小惠貌。

【孑孑】小也。

【火於秦】始皇從

李斯議，收天下書，除醫藥卜筮種樹之書外，悉燒之。

【黃老於漢】漢文景世，崇黃帝老子之言。

【佛於晉魏梁隋】佛於漢

明帝時入中國，至北魏齊梁，隋代而益甚，翻譯經典，蓋始于此時。

【楊】名朱，學主爲我。

【墨】名翟，學主兼愛。

【老者曰一

句】孔子至周，問禮老聃。

【佛者二句】佛家稱孔子爲儒童菩薩。

【符】以竹爲之，分爲兩片，各持一以爲信。

【璽】王者印

【皿】盤盂之屬。

【禹】姓姁，名文命，夏之始君。

【湯】姓子，名履，商之始君。

【文】周文王，姓姬，名昌。

【武】周武王名發，

文王子。

【周公】名旦，武王弟。

【聖人不死四句】出（莊子）莊之學本于老。

【戎狄是膺二句】見（詩魯頌）膺，當也。

【荆舒】二國名，在今湖南省。

【郊焉句】郊祭天，假至也。

【荀】周荀卿，名況，著荀子。

【不塞二句】言異端不塞，吾道

不流，下句同此意。

【鰥】無妻。

【寡】無夫。

【孤】無父。

【獨】無子。

## 原性

性也者，與生俱生也。情也者，接於物而生也。性之品有三，而其所以爲性者

五情之品有二，而其所以爲情者七。曰：何也？曰：性之品，有上中下三。上焉者善焉而已矣；中焉者可導而上下也；下焉者惡焉而已矣。其所以爲性者五：曰仁，曰禮，曰信，曰義，曰智。上焉者之於五也，主於一而行於四；中焉者之於五也，一不少有焉，則少反焉，其於四也混；下焉者之於五也，反於一而悖於四。性之於情，視其品情之品，有上中下三。其所以爲情者七：曰喜，曰怒，曰哀，曰懼，曰愛，曰惡，曰欲。上焉者之於七也，動而處其中；中焉者之於七也，有所甚，有所亡，然而求合其中者也；下焉者之於七也，亡與甚，直情而行者也。情之於性，視其品。孟子之言性曰：『人之性善。』荀子之言性曰：『人之性惡。』揚子之言性曰：『人之性善惡混。』夫始善而進惡，與始惡而進善，與始也混而今也善惡，皆舉其中而遺其上下者也。得其一而失其二者也。叔魚之生也，其母視之，知其必以賄死。楊食去聲我之生也，叔向之母聞其號也，知必滅其宗。欒椒之生也，子文以爲大戚，知若敖氏之鬼不食也。人之性果善乎？音香后稷之生也，其母無災，其始匍音香匍音香也，則岐岐然，巖音香巖

然。文王之在母也，母不憂；既生也，傅不勤；既學也，師不煩。人之性果惡乎？堯之朱，舜之均，文王之管蔡，習非不善也，而卒爲姦。瞽叟之舜，古本之禹，習非不惡也，而卒爲聖。人之性善惡果混乎？故曰：三子之言性也，舉其中而遺其上下者也，得其一而失其二者也。曰：然則性之上下者，其終不可移乎？曰：上之性就學而愈明，下之性畏威而寡罪，是故上者可教，而下者可制也。其品則孔子謂不移也。曰：今之言性者，異於此，何也？曰：今之言者，雜佛老而言也，雜佛老而言也者，奚言而不異。

【主於一句】以一爲主，四者亦並行。【一不少有焉二句】言於五者之中，其一者或偏多，或偏少，其四者亦雜而不純。

耳。【反於一句】無所主於一，而辟反之，并四者，亦逆之也。【性善】（孟子）人性之善也。猶水之就下也。【性惡】（荀子）

人之性惡，其善者僞也。【性善惡混】（法言修身）人之性也，善惡混。修其善，則爲善人；修其惡，則爲惡人。【叔魚】姓羊舌，名

鮒，春秋時晉人。叔向弟。（國語）叔魚生，其母視之曰：是虎目而豕喙，鵝膺而牛腹，豁鑿可盈，是不可厭，必以貽死。【楊食我】（左

昭二十八年）叔向生伯石，叔向之母視之，及堂，聞其聲，還曰：是豺狼之聲也。狼子野心，非是莫喪羊舌氏矣。伯石食我字，食采於櫟。

【叔向】姓羊舌，名肸，以賢稱。【越椒】楚司馬子良生子越椒，子文曰：是子也，熊虎之狀，而豺狼之聲，弗殺，必滅若敖氏矣。見（左

意。

【子文】姓闕，名穀，於菟，楚賢臣。

【若敖氏】子文姓氏。

【匍匐】伏行。

【岐岐然】意有所指。

【嶷嶷然】意

有所譏別也。

【朱】丹朱，堯子。

【均】商均，舜子。

【管蔡】武王封子武庚，命弟管叔鮮、蔡叔度、霍叔處監之，武王崩，三叔以

武庚叛。

【瞽叟】舜父。

【鯀】禹父。

## 原毀

古之君子，其責己也重，以周，其待人也輕，以約。重以周，故不怠；輕以約，故人樂爲善。聞古之人有舜者，其爲人也，仁義人也。求其所以爲舜者，責於己曰：彼人也，予人也，彼能是，而我乃不能是，早夜以思，去其不如舜者，就其如舜者。聞古之人有周公者，其爲人也，多才與藝人也。求其所以爲周公者，責於己曰：彼人也，予人也，彼能是，而我乃不能是，早夜以思，去其不如周公者，就其如周公者。舜大聖人也，後世無及焉；周公大聖人也，後世無及焉。是人也，乃曰：不如舜，不如周公，吾之病也；是不亦責於身者重，以周乎！其於人也，曰：彼人也，能有是，是足爲良人矣；

能善是，是足爲藝人矣。取其一，不責其二；卽其新，不究其舊；恐恐然惟懼其人之不得爲善之利。一善易修也，一藝易能也。其於人也，乃曰：能有是，是亦足矣；曰：能善是，是亦足矣；不亦待於人者輕以約乎！今之君子則不然，其責人也詳，其待己也廉。詳故人難於爲善，廉故自取也少。己未有善，曰：我善是，是亦足矣；己未有能，曰：我能是，是亦足矣。外以欺於人，內以欺於心，未少有得而止矣，不亦待其身者已廉乎！其於人也，曰：彼雖能是，其人不足稱也；彼雖善是，其用不足稱也。舉其一，不計其十；究其舊，不圖其新；恐恐然惟懼其人之有聞也，是不亦責於人者已詳乎！夫是之謂不以衆人待其身，而以聖人望於人，吾未見其尊己也。雖然，爲是說，有本有原，怠與忌之謂也。怠者不能修，而忌者畏人修。吾嘗試之矣，嘗語於衆曰：某良士，某良士，其應者必其人之與也；不然，則其所疎遠不與同其利者也；不然，則其畏也；不若是，强者必怒於言，懦者必怒於色矣。又嘗語於衆曰：某非良士，某非良士，其不應者必其人之與也；不然，則其所疎遠不與同其利者也；不然，則其

畏也；不若是，強者必說悅於言，懦者必說於色矣。是故事修而謗興，德高而毀來。嗚呼！士之處此世，而望名譽之光，道德之行，難已！將有作於上者，得吾說而存之，其國家可幾而理歟！

【舜周公】均見原道注。

### 伯夷頌

士之特立獨行，適於義而已，不顧人之是非，皆豪傑之士，信道篤而自明者也。一家非之，力行而不惑者寡矣；至於一國一州，非之，力行而不惑者，蓋天下一人而已矣；若至舉世非之，力行而不惑者，則千百年乃一人而已耳！若伯夷者，窮天地亘萬世而不顧者也。昭乎日月，不足爲明；嶽乎泰山，不足爲高；巍乎天地，不足爲容也。當殷之亡，周之興，微子賢也，抱祭器而去之；武王周公，聖也，從天下之賢士，與天下之諸侯而往攻之，未嘗聞有非之者也。彼伯夷叔齊者，乃猶

以爲不可。殷既滅矣，天下宗周，彼二子乃獨恥食其粟，餓死而不顧。繇由是而言，夫豈有求而爲哉？信道篤而自知明也。今世之所謂士者，一凡人譽之，則自以爲有餘；一凡人沮咀之，則自以爲不足；彼獨非聖人而自是如此。夫聖人乃萬世之標準也。余故曰：若伯夷者，特立獨行，窮天地，亘萬世而不顧者也。雖然，微二子，亂臣賊子，接跡於後世矣。

【舉】危峻貌。

【微子】名啓，紂庶兄。數諫紂不聽，遂抱祭器奔周。

【伯夷叔齊】伯夷，姓墨名允，字公信。叔齊，名智，字公達。暨

夷齊，武王伐紂，夷齊叩馬諫，不聽。殷既滅，餓死首陽山。

【沮】毀也，敗也。

### 獲麟解

（春秋）哀公十四年，西狩獲麟。按：麟，古稱爲瑞獸，其種已亡，今之麒麟，疑非一類。

麟之爲靈昭昭也，詠於詩，書於春秋，雜出於傳記百家之書。雖婦人小子，皆知其爲祥也。然麟之爲物，不畜於家，不恆有於天下，其爲形也不類，非若馬牛犬豕豺狼麋鹿然。然則雖有麟，不可知其爲麟也。角者吾知其爲牛，鬣者吾知



其爲馬，犬豕豺狼麋鹿，吾知其爲犬豕豺狼麋鹿，惟麟也不可，不可知，則其謂之不祥也亦宜。雖然，麟之出，必有聖人在乎位，麟爲聖人出也。聖人者必知麟，麟之果不爲不祥也。又曰：麟之所以爲麟者，以德不以形。若麟之出，不待聖人，則謂之不祥也亦宜。

【詠於詩】（詩）有麟之趾焉。

【雜出於傳記百家】如（大戴禮）（史記）（漢書）（荀子）（鶡冠子）俱言之。【豺】狼屬，

身瘦，毛黃褐色，口吻深裂，尾長下垂。

【狼】如狗，頭銳喙尖，毛深黃色，頰有白色小斑，尾粗大下垂。

【麋】似鹿而大。

【鬣】頸

項長毛。

### 雜說四首

龍嘘氣成雲，雲固弗靈於龍也。然龍乘是氣，茫洋窮乎玄間，薄音日月，伏光景，音影感震電，神變化，水下土，汨音陵谷，雲亦靈怪矣哉！雲，龍之所能使爲靈也；若龍之靈，則非雲之所能使爲靈也。然龍弗得雲，無以神其靈矣。失其所憑依，信不

可歟！異哉！其所憑依，乃其所自爲也。易曰：『雲從龍。』旣曰龍，雲從之矣。

【茫洋】雲水之氣。

【玄間】猶言天空。玄，天色。

【薄】近也。

【伏】蔽也。

【水下土】水偏乎下土也。

【汨】沒也。

善醫者，不視人之瘠肥，察其脈之病否而已矣。善計天下者，不視天下之安危，察其紀綱理亂而已矣。天下者，人也；安危者，肥瘠也；紀綱者，脈也。脈不病，雖瘠不害，脈病而肥者死矣。通於此說者，其知所以爲天下乎！夏、商、周之衰也，諸侯作而戰伐日行，傳數十王而天下不傾者，紀綱存焉耳！秦之王天下也，無分勢於諸侯，聚兵而焚之，傳二世而天下傾者，紀綱亡焉耳！是故四支雖無故，不足恃也，脈而已矣；天下雖無事，不足矜也，紀綱而已矣。憂其所可恃，懼其所可矜，善醫善計者，謂之天持與之。易曰：『視履考祥。』善醫善計者爲之。

【聚兵】始皇聚天下兵，鑄爲金人十二。

【二世】始皇少子。

【視履考祥】祥，謂徵祥。易注：上九處履之極，履道已成，故視

其所履之行善惡，先得考其禍福之徵祥。

談生之爲崔山君傳稱鶴言者，豈不怪哉！然吾觀於人，其能盡其性而不類

於禽獸異物者希矣！將憤世嫉邪，長往而不來者之所爲乎？昔之聖者，其首有若牛者，其形有若蛇者，其喙有若鳥者，其貌有若蒙俱<sub>丘</sub>者。彼皆貌似而心不同焉，可謂之非人邪？卽有平脅曼膚，顏如渥丹，美而狠者，其貌則人，其心則禽獸，又惡可謂之人邪？然則觀貌之是非，不若論其心與其行事之可否爲不失也。怪神之事，孔子之徒不言。余將特取其憤世嫉邪而作之，故題之云爾！

【談生】其名不詳。

【長往不來】謂隱遯而不仕也。

【蒙俱】（荀子）仲尼面如蒙俱。（注）楊倞曰：其首蒙茸，故曰蒙俱。

【平脅曼膚】

（楚詞）平脅曼膚，何以肥之。（注）謂紂也。

【顏如渥丹】（詩）顏如渥丹，其君也哉。渥，厚漬也。言顏如厚漬之

丹也。

【孔子句】（論語）子不語怪力亂神。崔山君傳稱鴆言者，是爲怪。

世有伯樂，然後有千里馬。千里馬常有，而伯樂不常有，故雖有名馬，祇辱於奴隸人之手，駢<sub>蒲</sub>死於槽櫪之間，不以千里稱也。馬之千里者，一食或盡粟一石，食<sub>寺</sub>馬者不知其能千里而食也。是馬也，雖有千里之能，食不飽，力不足，才不外見，且欲與常馬等不可得，安求其能千里也。策之不以其道，食之不能盡其

材，鳴之而不能通其意，執策而臨之曰：天下無馬。嗚呼！其真無馬邪？其真不知馬也！

【伯樂】姓孫，名陽，秦穆公時人。善相馬，嘗過冀坂，有騏驎伏鹽車下，見之長鳴，伯樂下車泣之。

【槽櫪】馬之食器曰槽。繫馬之

木曰櫪。【策】馬鞭。

## 改葬服議

經曰改葬總。

思音

春秋穀梁傳亦曰：改葬之禮總，舉下緇也。此皆謂子之於父

母，其他則皆無服，何以識其必然？經次五等之服，小功之下，然後著改葬之制，更

無輕重之差；

凝音

以此知惟記其最親者，其他無服，則不記也。若主人當服斬衰，

催音

其餘親各服其服，則經亦言之，不當惟云總也。傳稱舉下緇者，緇猶遠也。下謂服

之最輕者也；以其遠，故其服輕也。江熙曰：禮，天子諸侯易服而葬，以爲交於神明

者，不可以純凶，況其緇者乎？是故改葬之禮，其服惟輕，以此而言，則亦明矣。衛司

徒文子，改葬其叔父，問服於子思，子思曰：禮，父母改葬總，既葬而除之，不忍以無服送至親也。非父母無服，無服則弔服而加麻，此又其著者也。文子又曰：喪服既除，然後乃葬，則其服何服？子思曰：三年之喪，未葬服不變，除何有焉。然則，改葬與未葬者有異矣。古者，諸侯五月而葬，大夫三月而葬，士逾月。無故，未有過時而不葬者也。過時而不葬，謂之不能葬，春秋譏之。若有故而未葬，雖出三年，子之服不變，此孝子之所以著其情，先王之所以必其時之道也。雖有其文，未有著其人者，以是知其至少也。改葬者，爲山崩水涌毀其墓，及葬而禮不備者。若文王之葬王季，以水齧其墓，魯隱公之葬惠公，以有宋師，太子少，葬故有闕之類，是也。喪事有進而無退，有易以輕服，無加以重服，殯於堂則謂之殯，瘞於野則謂之葬。近代以來，事與古異，或游或仕在千里之外，或子幼妻稚而不能自還，甚者拘以陰陽畏忌，遂葬於其土。及其返葬也，遠者或至數十年，近者亦出三年。其吉服而從於事也久矣，又安可取未葬不變服之例，而反爲之重服歟！在喪當葬，猶宜易以輕服，

況既遠而反純凶以葬乎？若果重服，是所謂未可除而除；不當重而更重也。或曰：喪與其易也寧戚，雖重服不亦可乎？曰：不然，易之與戚，則易固不如戚矣。雖然，未若合禮之爲懿也。儉之與奢，則儉固愈於奢矣。雖然，未若合禮之爲懿也。過猶不及，其此類之謂乎！或曰：經稱改葬總而不著其月數，則似三月而後除也。子思之對文子，則曰：既葬而除之，今宜如何？曰：自啓至於既葬，而三月則除之，未三月，則服以終三月也。曰：妻爲夫如何？曰：如子。無弔服而加麻，則何如？曰：今之弔服，猶古之弔服也。

【改葬總】見《儀禮喪服》。

【五等服】斬衰、齊衰、大功、小功、總麻。

【小功】小功五月服，用稍麤熟布爲服。

麻布製，旁及下邊不緝者。

【古者諸侯五月而葬三句】（左傳）天子七月而葬，同軌畢至。諸侯五月，同盟至。大夫三月，同位

至，士逾月，外姻至。

【春秋譏之】公羊傳：過時而不日，謂之不能葬之也。

【喪事有進而無退】猶言往而不返也。下復二

句申明之。【懿】美也。

## 爭臣論

陽城拜諫議大夫，久而不言，作此議之。及陸贄坐貶，城疏論其無罪，德宗欲相裴延齡，城曰：延齡爲相，當取白麻壞

之，遂不果相。按：城字，元宗，定州北平人。

或問諫議大夫陽城於愈，可以爲有道之士乎哉？學廣而聞多，不求聞於人也；行古人之道，居於晉之鄙，晉之鄙人，薰其德而善良者幾千人；大臣聞而薦之，天子以爲諫議大夫，人皆以爲華，陽子不色喜，居於位五年矣，視其德如在野，彼豈以富貴移易其心哉？愈應之曰：是易所謂恆其德貞，而夫子凶者也，惡得爲有道之士乎哉！在易蠱之上九云：『不事王侯，高尚其事。』蹇之六二，則曰：『王臣蹇蹇，匪躬之故。』夫亦以所居之時不一，而所蹈之德不同也。若蠱之上九，居無用之地，而致匪躬之節；以蹇之六二，在王臣之位，而高不事之心，則冒進之患生，曠官之刺興，志不可則，而尤不終無也。今陽子在位，不爲不久矣；閱天下之得失，不爲不熟矣；天子待之，不爲不加矣。而未嘗一言及於政，視政之得失，若越人視秦人之肥瘠，忽焉不加喜戚於其心。問其官，則曰諫議也；問其祿，則曰下大夫之秩也；問其政，則曰我不知也。有道之士，固如是乎哉？且吾聞之，有官守者，不得其

職則去；有言責者，不得其言則去。今陽子以爲得其言乎哉？得其言而不言，與不得其言而不去，無一可者也。陽子將爲祿仕乎？古之人有云：仕不爲貧，而有時乎爲貧。謂祿仕者也，宜乎辭尊而居卑，辭富而居貧，若抱關擊柝者可也。蓋孔子嘗爲委吏矣，嘗爲乘田矣，亦不敢曠其職，必曰會計當而已矣，必曰牛羊遂而已矣。若陽子之秩祿，不爲卑且貧，彰彰明矣。而如此，其可乎哉？或曰：否，非若此也。夫陽子惡訕上者，惡爲人臣招翹音，其君之過而以爲名者，故雖諫且議，使人不得而知焉。書曰：『爾有嘉謀嘉猷，則入告爾后於內，爾乃順之於外。』斯謀斯猷，惟我后之德。』夫陽子之用心，亦若此者。愈應之曰：若陽子之用心如此，滋所謂惑者矣。入則諫其君，出不使人知者，大臣宰相之事，非陽子之所宜行也。夫陽子本以布衣隱於蓬蒿之下，主上嘉其行誼，擢在此位，官以諫爲名，誠宜有以奉其職，使四方後代，知朝廷有直言骨鯁之臣，天子有不僭賞從諫如流之美，庶巖穴之士，聞而慕之，束帶結髮，願進於闕下，而伸其辭說，致吾君於堯舜，熙鴻號於無窮也。若



書所謂，則大臣宰相之事，非陽子之所宜行也。且陽子之心，將使君人者惡聞其過乎？是啓之也。或曰：陽子之不求聞而人聞之，不求用而君用之，不得已而起，守其道而不變，何子過之深也。愈曰：自古聖人賢士，皆非有求於聞用也。閱其時之不平，人之不义，得其道，不敢獨善其身，而必以兼濟天下也。致音致音矻矻，死而後已。故禹過家門不入，孔席不暇暖，而墨突不得黔，彼二聖一賢者，豈不知自安佚之爲樂哉？誠畏天命而悲人窮也。夫天授人以賢聖才能，豈使自有餘而已，誠欲以補其不足者也。耳目之於身也，耳司聞而目司見，聽其是非，視其險易，然後身得安焉。聖賢者，時人之耳目也；時人者，聖賢之身也。且陽子之不賢，則將役於賢以奉其上矣；若果賢，則固畏天命而閔人窮也，惡得以自暇逸乎哉！或曰：吾聞君子不欲加諸人，而惡訐音，以爲直者。若吾子之論，直則直矣，無乃傷於德而費於辭乎？好盡言以招人過，國武子之所以見殺於齊也，吾子其亦聞乎？愈曰：君子居其位，則思死其官；未得位，則思修其辭以明其道；我將以明道也，非以爲直而加

人也。且國武子不能得善人，而好盡言於亂國，是以見殺。傳曰：「惟善人能受盡言。」謂其聞而能改之也。子告我曰：陽子可以爲有道之士也，今雖不能及已，陽子將不得爲善人乎哉！

【學廣句】誠食不能得書，求爲集賢殿寫書吏，得盡讀之。

【晉】今山西省。

【大臣薦之】德宗四年，李泌薦之。

【恆其

德貞二句】

（易恆卦）六五恆其德貞，婦人吉，夫子凶。（疏）婦人吉者，用心專貞，從唱而已。夫子凶者，夫子須制斷事，宜不可專貞。

從唱也。

【王臣蹇蹇二句】見（易蹇卦）六二，言以柔順中正之臣，而當王朝大難，自宜鞠躬盡瘁，以求濟之。

【志不可則

二句】

（易上九象曰：不事王侯，志可則也。蹇六二象曰：王臣蹇蹇，終無尤也。）

【有官守者四句】見（孟子）【抱關擊柝】

抱關，司門擊柝，守夜，皆小吏。

【委吏】主倉廩者。

【乘田】苑囿芻牧之吏。

【招】舉也。

【爾有嘉謀嘉猷五句】見

（書君陳）【滋】益也。

【骨鯁】忠言逆耳，如魚骨之鯁在喉間。（後漢書）骨鯁可任。

【熙鴻號】熙，廣也。鴻，號，大名。【孜孜

矻矻】勤勉之意。

【墨突句】墨，謂墨翟。突，窟也。言窟口不及黑即去也。

【國武子】名佐，柯陵之會，單襄公見

國武子，其言盡。張公曰：立於淆亂之國，而好盡言，以招人之過，怨之本也。後果見殺。

【今雖不能二句】言今雖不能及聖人，將

終不失爲善人也。

## 師說

古之學者必有師，師者所以傳道授業解惑也。人非生而知之者，孰能無惑？惑而不從師，其爲惑也終不解矣。生乎吾前，其聞道也固先乎吾，吾從而師之；生乎吾後，其聞道也亦先乎吾，吾從而師之。吾師道也，夫庸知其年之先後生於吾乎！是故無貴無賤，無長無少，道之所存，師之所存也。嗟乎！師道之不傳也久矣，欲人之無惑也難矣。古之聖人，其出人也遠矣，猶且從師而問焉。今之衆人，其下聖人也亦遠矣，而恥學於師。是故聖益聖，愚益愚，聖人之所以爲聖，愚人之所以爲愚，其皆出於此乎！愛其子，擇師而從之，於其身也則恥師焉，惑矣。彼童子之師，授之書而習其句讀者也，非吾所謂傳其道解其惑者也。句讀之不知，惑之不解，或師焉，或不焉，小學而大遺，吾未見其明也。巫醫樂師百工之人，不恥相師。士大夫之族，曰師曰弟子云者，則羣聚而笑之。問之，則曰：彼與彼年相若也，道相似也。位卑則足羞，官盛則近諛。嗚呼！師道之不復可知矣。巫醫樂師百工之人，君子不齒，今其智乃反不能及，其可怪也歟！聖人無常師，孔子師郯音談、子萇音長、弘、師襄、老聃。

鄉子之徒，其賢不及孔子。孔子曰：『三人行，則必有我師。』是故弟子不必不如師，師不必賢於弟子，聞道有先後，術業有專攻，如是而已。李氏子蟠，盤音年十七，好古文，六藝經傳皆通習之，不拘於時，學於余，余嘉其能行古道，作師說以貽之。

【鄉子】

鄉，國名，少昊後。鄉子，朝魯，孔子從而問官。

【萇弘】周敬王時大夫，孔子嘗從而問樂。

【師襄】樂官。《家語》：孔子學

琴於師襄子。

【老聃】詳上原道註。聆其說。

## 送窮文

元和六年正月乙丑晦，主人使奴星，結柳作車，縛草爲船，載糗去九輿張。

牛繫軛厄音

下，引帆上檣，三揖窮鬼而告之曰：『聞子行有日矣，鄙人不敢問所塗，

竊具船與車，備載糗緡，日吉時良，利行四方。子飯一孟，子啜昌悅一觴，攜朋挈儔，

去故就新。駕塵曠霍音風，與電爭先，子無底滯之尤，我有資送之恩，子等有意於行

乎？』屏息潛聽，如聞音聲，若嘯若啼，若畫音欵許物切，嘍麥音嬰嬰音，毛髮盡豎，竦肩縮頸，

疑有而無，久乃可明。若有言者曰：『吾與子居，四十年餘；子在孩提，吾不子愚；子學子耕，求官與名，惟子是從；不變於初。門神戶靈，我叱我呵；包羞詭隨，志不在他。子遷南荒，熱爍濕蒸；我非其鄉，百鬼欺陵。太學四年，朝齏暮鹽；惟我保汝，人皆汝嫌。自初及終，未始背汝；心無異謀，口絕行語；於何聽聞，云我當去。是必夫子信讒，有間於予也。我鬼非人，安用車船；鼻嗅許致切臭香，糗糲可捐。單獨一身，誰爲朋儔。子苟備知，可數上已不否同？子能盡言，可謂聖智。情狀旣露，敢不迴避。』主人應之曰：『子以吾爲眞不知也邪？子之朋儔，非六非四，在十去五，滿七除二。各有主張，私立名字；捩手覆羹，轉喉觸諱。凡所以使吾面目可憎，語言無味者，皆子之志也。其名曰智窮；矯矯亢亢，惡圓喜方；羞爲奸欺，不忍害傷。其次名曰學窮；傲數與名，摘抉杳微；高挹羣言，執神之機。又其次曰文窮；不專一能，怪怪奇奇；不可時施，祇以自嬉。又其次曰命窮；影與形殊，面醜心妍；利居衆後，責在人先。又其次曰交窮；磨肌戛音骨骨，吐出血肝；企足以待，寘我讎冤。凡此五鬼，爲吾五患；飢我寒我，興

訛造訛。去能使我迷，人莫能問；朝悔其行，暮已復然；蠅營狗苟，驅去復還。

未畢，五鬼相與張眼吐舌，跳踉良音偃仆，抵掌頓腳，失笑相顧。徐謂主人曰：『子知

我名，凡我所爲，驅我令去，小黠胡入切大癡。人生一世，其久幾何？吾立子名，百世不

磨。小人君子，其心不同，惟乖於時，乃與天通。攜持琬音琰以冉切，易一羊皮，飫於肥

甘，慕彼糠糜；天下知子，誰過於余。雖遭斥逐，不忍子疏。謂余不信，請質詩書。』主

人於是垂頭喪氣，上手稱謝，燒車與船，延之上座。

【軛】轅端橫木，駕馬領者。【糗】麥也。【糗】糧也。【曠】迅疾也。【善】皮骨相離聲。【欸】忽也。【嗻】嘆聲。

【嚶】鳥鳴。【南荒】指謫潮州。【太學】指爲國子博士。【捩】拗也。【矯矯亢亢】不卑屈也。【曷】擊也。【跳

踉】足亂動貌。【琬琰】美玉。【飮】食多也。

### 進學解

元和七年，愈再爲國子博士，自傷才高數黜，官又下遷，作此自嘲。

國子先生，晨入太學，招諸生立館下，誨之曰：『業精於勤，荒於嬉；行成於思，毀於隨。方今聖賢相逢，治具畢張，拔去兇邪，登崇峻同俊良，占小善者率以錄，名一

藝者無不庸。爬音羅剔抉，刮垢磨光；蓋有幸而獲選，孰云多而不揚？諸生業患不能精，無患有司之不明；行患不能成，無患有司之不公。」言未既，有笑於列者曰：「先生欺余哉！弟子事先生，於茲有年矣。先生口不絕吟於六藝之文，手不停披於百家之編；記事者必提其要，纂言者必鉤其玄；貪多務得，細大不捐；焚膏油以繼晷，恆兀兀以窮年；先生之業，可謂勤矣！音觝音排異端，攘斥佛老；音補苴音罅漏，張皇幽眇；尋墜緒之茫茫，獨旁搜而遠紹；障百川而東之，迴狂瀾於既倒；先生之於儒，可謂有勞矣！沈浸醲郁，含英咀華，作為文章，其書滿家；上規姚姒，渾渾無涯；周誥殷盤，佶屈聱牙；春秋謹嚴，左氏浮誇，易奇而法，詩正而葩；音下逮莊騷，太史所錄，子雲相如，同工異曲；先生之於文，可謂閎其中而肆其外矣！少始知學，勇於敢爲，長通於方，左右具宜；先生之於爲人，可謂成矣！然而公不見信於人，私不見助於友，跋音前疋音後，動輒得咎。暫爲御史，遂竄南夷。三年博士，音冗不見治。命與仇謀，取敗幾時。冬煖而兒號寒，年豐而妻啼飢。頭童齒豁，

竟死何裨。不知慮此，而反教人爲？」先生曰：「吁！子來前。夫大木爲杗，杗音博榑，榑音博欂，欂音博櫨，櫨音博侏儒，侏音博椳，椳音博闌，闌音博居，居音博楔，楔音博各得其宜，施以成室者，匠氏之工也。玉札丹砂，赤箭青芝，牛溲馬勃，敗鼓之皮，俱收並蓄，待用無遺者，醫師之良也。登明選公，雜進巧拙，紆餘爲妍，卓犖犖音角爲傑，校短量長，惟器是適者，宰相之方也。昔者孟軻好辯，孔道以明，轍環天下，卒老於行；荀卿守正，大論是弘，逃讒於楚，廢死蘭陵。是二儒者，吐辭爲經，舉足爲法，絕類離倫，優入聖域，其遇於世何如也？今先生學雖勤而不繇由同其統，言雖多而不要要音平，其中文雖奇而不濟於用，行雖修而不顯於衆，猶且月費俸錢，歲糜廩粟，子不知耕，婦不知織，乘馬從徒，安坐而食，踵常途之促促，窺陳編之盜竊。然而聖主不加誅，宰臣不見斥，茲非其幸歟？得謗名亦隨之，投閒置散，乃分之宜。若夫商賈賄之有亡，無同計班資之崇庳，音半忘己量之所稱，指前人之瑕疵，是所謂詰匠氏之不以杙杙音弋爲楹，而訾醫師以昌陽引年，欲進其豨音希苓也。」



- 【隨】因循也。【爬羅句】搜取人才。【刮垢句】造就人才。【纂】集也。【玄】幽深也。【兀兀】用心貌。【飢】餓也。【補苴句】草枯落曰苴。縛裂也。言以草補其破處。【張皇】張大而發揮也。【醴】味厚。【姚】舜姓。【妣】禹姓。【渾渾】揚子曰：「虞夏之書渾渾爾。」【周誥】大誥、酒誥、康誥、洛誥等篇。【殷盤】盤庚三篇。【佶屈句】辭不平易也。【左氏句】邱明作傳釋經。虛浮誇大。【易奇句】變易甚奇，正當可法。【詩正句】葩華也。義理正，辭亦華美。
- 【莊】莊周所作莊子。【騷】屈原所作。【太史所錄】司馬遷史記。【方】禮法。【跋前疐後】跋，躓也。疐，踉也。蹇，踉也。詩爾風：狼跋其胡，蹇疐其尾。（注）胡爲老狼頰下懸肉，狼進而躓其胡，退而踉其尾，喻進退失據也。【暫爲御史二句】貞元間，愈爲監察御史，上疏極論宮市。德宗怒，貶陽山令。按：陽山，今屬廣東嶺南道。【穴不見治】穴，散也。處閒散而不足見才。【取敗句】言失敗之時多。【童】頭無髮。【豁】落也。【采】棟也。【桷】椽之方者。【構榑】榑，短柱，榑，今之斗棋。【侏儒】上短柱。【椳】戶樞。【闌】門限。【居】戶牡。【楔】門兩旁木。【玉札】一名玉屑，生藍田山谷。【丹砂】硃砂。【赤箭】生陳倉及太山少室。【青芝】出泰山，四者皆貴藥。【牛溲】牛溺。【馬勃】馬屁菌。【敗鼓皮】圭治蟲毒，三者皆賤藥。
- 【紆餘】作緩急者。【卓犖】行直道者。【蘭陵】今山東嶧縣，荀卿爲齊襄王祭酒，避讒適楚，春申君以爲蘭陵令。【要】約也，會也。【促促】迫也。【班資】品秩也。【杙】斷木。【楹】柱也。【昌陽】卽菖蒲。久服延年。【豨苓】一名猪苓，主滲泄。

五箴 并序

人患不知其過，既知之不能改，是無勇也。余生三十有八年，髮之短者日益白，齒之搖者日益脫，聰明不及於前時，道德日負於初心；其不至於君子而卒爲小人也昭昭矣！作五箴以訟其惡云。

【昭昭】明也。【訟】責也。（論語）吾未見能見其過而內自訟者也。

### 游箴

余少之時，將求多能，蚤夜以孜孜。音咨余今之時，既飽而嬉，蚤夜以無爲。嗚呼！余乎其無知乎！君子之棄，而小人之歸乎！

【孜孜】勤勉也。（書）予思日孜孜。

### 言箴

不知言之人，烏可與言。知言之人，默焉而其意已傳。幕中之辯，人反以汝爲叛。臺中之評，人反以汝爲傾。汝不懲邪，而呶女交切以害其生邪！

【幕】將帥所居曰幕府，蓋軍旅無常居，故以幕言之也。

【臺】御史稱臺臣。

【傾】邪也。

【懲】戒也。

【呶呶】噎語不已也。

行箴

行與義乖，言與法違。後雖無害，汝可以悔。行也無邪，言也無頗。坡音死而不死，汝悔而何？宜悔而休，汝惡曷瘳？抽音宜休而悔，汝善安在？悔不可追，悔不可爲。思而斯得，汝則弗思。

【頗】偏也。【瘳】病瘳也。

好惡箴

無善而好，不觀其道。無悖而惡，不詳其故。前之所好，今見其尤。從也爲比，捨也爲讐。前之所惡，今見其臧。從也爲愧，捨也爲狂。維讐維比，維狂維愧。於身不祥，於德不義。不義不祥，維惡之大。幾如是爲，而不顛沛。齒之尙少，庸有不思。今其老矣！不愼胡爲！

【比】偏黨也。【齒】年節也。

知名箴

內不足者，急於人知，霈音沛焉有餘，厥聞四馳。今日告汝，知名之法，勿病無聞，病其曄音葉。曄，昔者子路，惟恐有聞，赫然千載，德譽愈尊。矜汝文章，負汝言語，乘人不能，揜音掩以自取。汝非其父，汝非其師，不請而教，誰云不欺。欺以賈音古憎，揜以媒怨。汝曾不悟，以及於難。小人在辱，亦克知悔；及其既寧，終莫能戒。既出汝心，又銘汝前。汝如不顧，禍亦宜然。

【霈】雨多貌。

【曄】盛貌。

【子路二句】（論語）子路有聞，未之能行，惟恐有聞。

【賈憎】賈，買也。言購取憎惡也。

## 後漢二賢贊

王充者何，會稽上虞，本自元城，爰來徙居。師事班彪，家貧無書，閱書於市，肆是遊；一見誦憶，遂通衆流。閉門潛思，論衡以修。爲州治中，自免歸歟。同郡友人，謝姓夷吾，上書薦之，待詔公車。以病不行，年七十餘，乃作養性，一十六篇。肅宗之時，終於永元。王符節信，安定臨涇。涇音經好學有志，鄉人所輕。憤世著論，潛夫是名。述

赦之篇，以赦爲賊。良民之患，其旨甚明。皇甫度遼，聞至乃驚。衣不及帶，屣履出迎。豈若雁門，問雁呼卿。不仕終家，嗟吁先生！

長統公理，山陽高平，謂高幹有雄志而無雄才，其後果敗。以此有聲，倜儻敢言。語默無常，人以爲狂生。州郡會召，稱疾不就。著論見情，初舉高第尙書郎，後參丞相軍事，卒不至於榮。論說古今，發憤著書，昌言是名。友人繆襲稱其文章，足繼西京。四十一終，何其短邪！嗚呼先生！

【會稽上虞】屬浙江省。

【元城】漢豈縣名，今屬河北。

【班彪】漢安陵人，字叔皮，才高而好述作。

【論衡】凡八十

五篇，充所著。

【爲州治中二句】刺史董勳辟充爲從事，轉治中，自免還家。治中，刺史佐吏。勳上書薦充才。特詔公車行，以病不行。

養性，書篇名。

【永元】漢和帝年號。

【節信】充字。

【安定臨涇】屬甘肅省。

【潛夫】充著。《潛夫論》言當時得失，以

不欲顯名，故號曰潛夫論。

【皇甫度遼六句】皇甫規解官歸安定鄉，人有以貨得雁門太守者，亦還家。投刺謁規，規臥不起，既

入而問卿前在郡食雁美乎？有頃，王符在門，規素聞符名，衣不及帶，屣履出迎。

【高幹四句】并州刺史高幹素貴，有名，士多歸附。

統謂之曰：君有雄志而無雄才，好士而不擇人，所以爲君深誠，幹不之納，未幾以并州反，卒至於敗。【初舉高第二句】荀彧開統

名，舉爲尙書郎，後參丞相軍事。

【公車】署名。公車所在，諸待詔者居以待命。

【繆襲】字熙伯，嘗稱統文章，足繼西京。董仲舒買

諷劉向揚雄也。

### 張中丞傳後敘

張中丞，名巡，鄧州南陽人。傳爲李翰所作。

元和二年四月十三日夜，愈與吳郡張籍閱家中舊書，得李翰所爲張巡傳。翰以文章自名，爲此傳頗詳密；然尙恨有闕者，不爲許遠立傳，又不載雷萬春事首尾。遠雖材若不及巡者，開門納巡，位本在巡上，授之柄而處其下，無所疑忌，竟與巡俱守死，成功名。城陷而虜，與巡死，先後異耳！兩家子弟材智下，不能通知二父志，以爲巡死而遠就虜，疑畏死而辭服於賊；遠誠畏死，何苦守尺寸之地，食其所愛之肉，以與賊抗而不降乎？當其圍守時，外無蚍蜉切脂脂，蟻子浮音之援，所欲忠者，國與主耳！而賊語以國亡主滅，遠見救援不至而賊來益衆，必以其言爲信。外無待而猶死守，人相食且盡，雖愚人亦能數日而知死處矣。遠之不畏死亦明矣。烏有城壞，其徒俱死，獨蒙愧恥求活，雖至愚者不忍爲。嗚呼！而謂遠之賢而爲之。

邪！說者又謂遠與巡分城而守，城之陷，自遠所分始，以此詬遠，此又與兒童之見無異。人之將死，其臟腑必有先受其病者；引繩而絕之，其絕必有處。觀者見其然，從而尤之，其亦不達於理矣。小人之好議論，不樂成人之美如是哉！如巡遠之所成就，如此卓卓，猶不得免，其他則又何說。當二公之初守也，寧能知人之卒不救，棄城而逆遁。苟此不能守，雖避之他處何益。及其無救而且窮也，將其創殘餓羸之餘，雖欲去，必不達，二公之賢，其講之精矣。守一城，捍天下，以千百就盡之卒，戰百萬日滋之師，蔽遮江淮，沮遏其勢，天下之不亡，其誰之功也？當是時，棄城而圖存者，不可一二數，擅彊兵坐而觀者相環也。不追議此，而責二公以死守，亦見其自比於逆亂，設淫辭而助之攻也。愈嘗從事於汴徐二府，屢道於兩府間，親祭於其所謂雙廟者，其老人往往說巡遠時事。云南霽雲之乞救於賀蘭也，賀蘭嫉巡遠之聲威功績出己上，不肯出師救。愛霽雲之勇且壯，不聽其語，彊留之，具食與樂，延霽雲坐。霽雲慷慨語曰：『雲來時，睢陽之人不食月餘日矣；雲雖欲獨食，義』

不忍，雖食且不下咽。』因拔所佩刀，斷一指，血淋漓，以示賀蘭，一座大驚，皆感激爲雲泣下。雲知賀蘭終無爲雲出師意，卽馳去，將出城，抽矢射佛寺浮圖，矢著其上，輒半箭。曰：『吾歸破賊，必滅賀蘭，此矢所以志也。』愈貞元中過泗州，船人猶指以相語。城陷，賊以刃脅降巡，巡不屈，卽牽去，將斬之，又降霽雲，雲未應。巡呼雲曰：『南八，男兒死耳，不可爲不義屈。』雲笑曰：『欲將以有爲也，公有言，雲敢不死，卽不屈。』張籍曰：有于嵩者，少依於巡，及巡起事，嵩常在圍中。籍大歷中，於和州烏江縣見嵩，嵩時年六十餘矣。以巡初嘗得臨渙縣尉，好學無所不讀，籍時尙小，粗問巡遠事，不能細也。云：巡長七尺餘，鬚髯若神，嘗見嵩讀漢書，謂嵩曰：『何爲久讀此？』嵩曰：『未熟也。』巡曰：『吾於書讀不過三遍，終身不忘也。』因誦嵩所讀書，盡卷不錯一字。嵩驚，以爲巡偶熟此卷，因亂抽他帙以試，無不盡然。嵩又取架上諸書，試以問巡，巡應口誦無疑。嵩從巡久，亦不見巡常讀書也。爲文章，操紙筆立書，未嘗起草。初守睢陽時，士卒僅萬人，城中居人戶亦且數萬，巡因一見問姓名，其



後無不識者。巡怒，鬚髯輒張，及城陷，賊縛巡等數十人坐，且將戮，巡起旋，其衆見巡起，或起或泣。巡曰：『汝勿怖，死，命也。』衆泣不能仰視。巡就戮時，顏色不亂，陽陽如平常。遠寬厚長者，貌如其心，與巡同年生，月日後於巡，呼巡爲兄，死時年四十九。嵩，貞元初，死於亳宋間；或傳嵩有田在亳宋間，武人奪而有之，嵩將詣州訟理，爲所殺。嵩無子，張籍云。

【元和】

憲宗年號。

【吳郡】

治今江蘇吳縣。

【張籍】

字文昌。

【李翰】

贊皇人。官左補闕翰林學士，巡死，節，隴陽人，

其功，以爲降賊，翰傳功狀表上之肅宗。

【許遠】

杭州鹽官人。

【雷萬春】

巡裨將，令狐潮圍雍丘，射萬春六矢而不動。

【食

所愛肉】巡出愛妾，殺以享士，遠亦殺其奴。

【蚍蜉】

大蟻。【汴】

治今河南開封縣。

【徐】

紀巡遠，在隴陽。

【南霽雲】

魏州頓邱人，巡初被圍，募萬死一生者，數日無人應，俄有啼鳴而來者，霽雲也。

【賀蘭】

時在臨淮，擁兵不救。

【隴陽】

治今河南商邱縣。

【浮圖】

塔也。

【貞元】

德宗年號。

【泗州】

【歷】

代宗年號。

【和州烏江】

和州，治今安徽和縣。烏江縣在其東北。

【臨渙】

治今安徽宿縣。

【縣尉】

縣佐。

【起旋】

旋便也。

【亳】

治今安徽亳縣。

【宋】

治今河南商邱縣。

## 讀儀禮

（儀禮）有二本，高堂生所傳者爲今文，古文則魯恭王壞孔子宅而得者。鄭玄注參用二本，唐賈公彥爲之疏凡十

七卷。

余嘗苦儀禮難讀，又其行於今者蓋寡，沿襲不同，復之無由；考於今，誠無所用之。然文王、周公之法制，粗在於是。孔子曰：『吾從周。』謂其文章之盛也。古書之存者希矣！百氏雜家，尙有可取，況聖人之制度邪？於是掇其大要奇辭，與旨著於篇，學者可觀焉。惜乎吾不及其時，進退揖讓於其間，嗚呼盛哉！

【儀禮難讀】每篇句字多相同，一篇中前後亦多同。記憶頗難。

## 讀荀子

始吾讀孟軻書，然後知孔子之道尊，聖人之道易行，王易王，霸易霸也。以爲孔子之徒沒尊聖人者，孟氏而已。晚得揚雄書，益尊信孟氏。因雄書而孟氏益尊，

則雄者亦聖人之徒與！聖人之道，不傳於世，周之衰，好事者各以其說干時君，紛  
紛籍籍相亂，六經與百家之說錯雜，然老師大儒猶在，火於秦，黃老於漢，其存而  
醇者，孟軻氏而止耳！揚雄氏而止耳！及得荀氏書，於是又知有荀氏者也。考其辭，  
時若不粹；要其歸，與孔子異者鮮矣；抑猶在孟雄之間乎？孔子刪詩書，筆削春秋，  
合於道者著之，離於道者黜去之，故詩書春秋無疵。余欲削荀氏之不合者，附於  
聖人之籍，亦孔子之志與！孟氏醇乎醇者也，荀與揚大醇而小疵。

【籍籍】語聲。

【火於秦二句】均見原道註。

### 送鄭尙書序

鄭尙書名權，汴州開封人，貞元六年，舉進士第。

嶺之南，其州七十，其二十二。隸嶺南節度府，其四十餘分四府，府各置帥，然  
獨嶺南節度爲大府。大府始至，四府必使其佐啓問起居，謝守地不得卽賀以爲  
禮。歲時必遣賀問，致水土物。大府帥或道過其府，府帥必戎服，左握刀，右屬弓矢，

帕首袴鞬，靴同迎郊。及既至，大府帥先入據館，帥守屏，必部切若將趨入拜庭之爲者。

大府與之爲讓，至一再，乃敢改服，以賓主見。適位執爵，皆興拜，不許乃止。虔若小

侯之事大國。有大事，諮而後行。隸府之州，離府遠者至三千里，懸隔山海，使必數

月而後能至。蠻夷悍輕，易怨以變。其南州皆岸大海，多洲島，帆同風一日蹕，步教切

數千里，漫瀾不見蹤迹。控御失所，依險阻，結黨仇，機毒矢以待將吏。撞，宅江切塘，唐音

呼號，以相和應。蜂屯蟻雜，不可爬，蒲巴切梳好則人怒，則獸；故常薄其征入，簡節而

疏目，時有所遺漏，不究切之，長養以兒子。至紛不可治，乃草薙，替音而禽獮，息淺切之，

盡根株痛斷乃止。其海外雜國，若耽浮羅，流求，毛人夷，亶之州，林邑，扶南，眞臘，于

陀利之屬，東南際天地以萬數，或時候風潮朝貢，蠻胡賈人，舶交海中。若嶺南帥

得其人，則一邊盡治，不相寇盜賊殺，無風魚之災，水旱癘毒之患；外國之貨日至，

珠香象犀玳瑁奇物，溢於中國，不可勝用。故選帥常重於他鎮，非有文武威風知

大體可畏信者，則不幸往往有事。長慶三年四月，以工部尙書鄭公爲刑部尙書，

兼御史大夫，往踐其任。鄭公嘗以節鎮襄陽，又帥滄景德棣，歷河南尹，華州刺史，皆有功德可稱道。入朝爲金吾將軍，散騎常侍，工部侍郎尚書。家屬百人，無數畝之宅，傲酒去聲屋以居，可謂貴而能貧，爲仁者不富之效也。及是命朝廷莫不悅。將行，公卿大夫士，苟能詩者，咸相率爲詩，以美朝政，以慰公南行之思。韻必以來字者，所以祝公成政而來歸疾也。

【起四句】（通典）嶺南五府經略，治廣州，領州二十二。邕管經略使，治邕州，領州十三。容管經略使，治容州，領州十四。桂管經略使，治桂州，領州十四。嶺南經略使，安南都護府，治交州，領州十一。至德元年，升五府經略使爲嶺南節度使。

【漫瀾】大水。

【獮】殺也。

【耽浮羅】今濟州島。在朝鮮西南。

【流求】即琉球。在日本南，臺灣東北。今屬日本，改爲沖繩縣。

【毛人】今日本蝦夷。

【夷亶】二洲名，在海中。孫權使人求之，得夷洲數千人還。

【林邑】安南地。

【扶南】古國名，今暹羅地。

【真臘】在漢名扶南，盛時有安南南圻及暹羅地。今僅有柬埔寨一地，爲法保護國。

【于陀利】國名。梁時通焉。

在南海洲上。見（通典）

【長慶】穆宗年號。

【襄陽】今湖北襄陽縣。元和十一年七月，權爲山南東道節度使，駐襄陽。

【滄

景德棣】滄州，治今直隸滄縣。景州，治今直隸東光縣。德州，治今山東德縣。棣州，治今山東無棣縣。十三年，四月權爲德州刺史，德棣

滄景節度使。

【華州】治今陝西華縣。權自河南尹帥山南東道爲華州刺史。

【金吾至尙書】元和十四年十一月，權爲右

金吾衛大將軍。穆宗卽位，改左散騎常侍。長慶元年，自河南尹入爲工部侍郎。二年十月遷本曹尚書。〔儻〕租也。

### 送李愿歸盤谷序

愿，洮州臨潭人，處子。

太行之陽有盤谷，盤谷之間，泉甘而土肥，草木叢茂，居民鮮少。或曰：『謂其環兩山之間，故曰盤。』或曰：『是谷也，宅幽而勢阻，隱者之所盤旋。』友人李愿居之。愿之言曰：『人之稱大丈夫者，我知之矣。利澤施於人，名聲昭於時，坐於廟朝，進退百官，而佐天子出令。其在外，則樹旗旄，羅弓矢，武夫前呵，從者塞途，供給之人，各執其物，夾道而疾馳；喜有賞，怒有刑；才峻俊同滿前，道古今而譽盛德，入耳而不煩；曲眉豐頰，清聲而便體，秀外而惠中，飄輕裙，翳於計切長袖，粉白黛綠者，列屋而閒居，妒寵而負恃，爭妍而取憐。大丈夫之遇知於天子，用力於當世者之所爲也。吾非惡此而逃之，是有命焉，不可幸而致也。窮居而野處，升高而望遠，坐茂樹以終日，濯清流以自潔；採於山，美可茹，釣於水，鮮可食；起居無時，惟適之安。與其

有譽於前，孰若無毀於其後；與其有樂於身，孰若無憂於其心。車服不維，刀鋸不加，理亂不知，黜陟不聞。大丈夫不遇於時者之所爲也，我則行之。伺候於公卿之門，奔走於形勢之途，足將進而越音起，音口將言而囁日涉，音處穢污而不羞，觸刑辟而誅戮，徼倖於萬一，老死而後止者，其於爲人賢不肖何如也！昌黎韓愈，聞其言而壯之，與之酒而爲之歌曰：『盤之中，維子之宮。盤之土，維子之稼。盤之泉，可濯可沿。盤之阻，誰爭子所。窈而深，廓其有容。繚而曲，如往而復。嗟！盤之樂兮，樂且無央。虎豹遠跡兮，蛟龍遁藏。鬼神守護兮，呵禁不祥。飲且食兮，壽而康。無不足兮，奚所望。膏吾車兮，秣吾馬。從子於盤兮，終吾生以徜徉。』

【太行】山名。居滹沱河南，漳河衛河以北。

【盤谷】在今河南濟源縣北。

【茹】食也。

【越起】欲行不行貌。

【囁嚅】

欲言不言貌。【徜徉】戲蕩也。

## 送王秀才墳序

吾嘗以爲孔子之道大而能博，門弟子不能徧觀而盡識也，故學焉而皆得其性之所近。其後離散，分處諸侯之國，又各以所能授弟子，原遠而未益分。蓋子夏之學，其後有田子方，子方之後，流而爲莊周。故周之書，喜稱子方之爲人。苟卿之書，語聖人必曰孔子子弓，子弓之事業不傳，惟太史公書弟子傳，有姓名字，曰駢臂子弓，子弓受易於商瞿。孟軻師子思，子思之學，蓋出曾子。自孔子沒，羣弟子莫不有書，獨孟軻氏之傳得其宗，故吾少而樂觀焉。太原王墳，同音示予所爲文，好舉孟子之所道者。與之言，信悅孟子而屢贊其文辭。夫沿河而下，苟不止，雖有遲疾，必至於海。如不得其道也，雖疾不止，終莫幸而至焉。故學者必慎其所道，道於楊墨、老莊、佛之學，而欲之聖人之道，猶航斷港絕潢，以望至於海也。故求觀聖人之道，必自孟子始。今墳之所由，旣幾於知道，如又得其船與楫，同知沿而不止。嗚呼！其可量也哉！

【子夏】姓卜，名商，魏人。講學西河。

【田子方】魏人，文侯師之。

【駢臂子弓】江東人。商瞿受易於孔子，以授魯橋庇子庸。



子庸授江東新脣子弓。

【商瞿】字子木，魯人。

【子思】名伋，孔子孫。

【曾子】名參，字子輿，武城人。

【太原】今山西太

原縣。

### 祭鱷魚文

潮州惡谿有鱷魚，食民產且盡。惡至任數日，乃作此文以投水，其夕有暴風震雷起湫水中，數日水盡涸，自是

潮州無鱷魚患。

維年月日，潮州刺史韓愈，使軍事衙推秦濟，以羊一豬一，投惡谿之潭水，以

與鱷音魚食而告之，曰：『昔先王既有天下，烈山澤，罔同蠲擗音刃，以除蟲蛇惡

物爲民害者，驅而出之四海之外。及後王德薄，不能遠有，則江漢之間，尙皆棄之，

以與蠻夷楚越，況潮嶺海之間，去京師萬里哉！鱷魚之涵淹卵育於此，亦固其所。

今天子嗣唐位，神聖慈武，四海之外，六合之內，皆撫而有之。況禹跡所揜，揚州之

近地，刺史縣令之所治，出貢賦以供天地宗廟百神之祀之壤者哉！鱷魚其不可

與刺史雜處此土也。刺史受天子命，守此土，治此民，而鱷魚睥音然不安谿潭，據

處食民畜熊豕鹿麋，章音以肥其身，以種其子孫，與刺史亢拒，爭爲長雄。刺史雖鷲弱，亦安肯爲鱷魚低首下心，必上佻睨顯音睨，爲民吏羞，以偷活於此邪！且承天子命而來爲吏，固其勢不得不與鱷魚辨，鱷魚有知，其聽刺史言。潮之州，大海在其南，鯨鵬之大，蝦蟹之細，無不容歸，以生以食，鱷魚朝發而夕至也。今與鱷魚約，盡三日，其率醜類南徙於海，以避天子之命吏。三日不能，至五日，五日不能，至七日，七日不能，是終不肯徙也。是不有刺史聽從其言也。不然，則是鱷魚冥頑不靈，刺史雖有言，不聞不知也。夫傲天子之命吏，不聽其言，不徙以避之，與冥頑不靈而爲民物害者，皆可殺；刺史則選材技吏民，操強弓毒矢，以與鱷魚從事，必盡殺乃止，其無悔。」

【潮州】唐潮州潮陽郡，屬嶺南東道，治今廣東潮安縣。

【軍事衙推】軍府之屬官。唐制：節度使、觀察使、團練使，皆有衙推，刺史

領使，亦置衙推。

【惡谿】韓江入潮安縣境，名惡谿，又曰鱷谿，在縣之東北。（寰宇記）梅州有惡水東流，至潮州出海，其水險惡，多損

舟船。江水泛漲時，常有鱷魚隨水至州前。【鱷魚】爬蟲中之最猛惡者。產於熱帶，長者至丈餘，口巨，齒銳，皮堅，背有鱗甲，四足，趾有蹼。

（秀水閒居錄）鯉魚之狀：龍吻，虎爪，蟹目，鬣鱗，尾長數尺，末大如箕，芒刺成鈎，仍有膠黏，多於水濱潛伏，人畜近，以尾擊取，蓋猶象之任鼻也。

【烈】焚也。

【擗】刺取鼈蟹也。（莊子）冬則擗鼈於江。

【嶺海】陝嶺南海。

【涵淹】潛伏也。

【禹跡所掩】言

夏禹治水足跡之所至也。

【揚州】禹分九州之一。（書禹貢）淮海雜揚州，今江蘇安徽浙江福建等地。

【睥然】張目貌。（左

宣）睥其目。

【靡】似鹿而小，無角，毛褐色。

【佻佻】恐懼貌。

【睨睨】小視貌。

【鯨】海獸名，居海洋中，大者長六七十丈，

頭扁平闊大，外形如魚，實獸類。雄曰鯨，雌曰鯨。

【鵬】大鳥。

## 禘祫議

右今月十六日敕旨，宜令百僚議，限五日內聞奏者。將仕郎守國子監四門博士韓愈謹獻議曰：「伏以陛下追孝祖宗，肅敬祀事。凡在擬議，不敢自專，聿求厥中，延訪羣下。然而禮文繁漫，所執各殊。自建中之初，迄今歲，屢經禘祫，未合適從。臣生遭聖明，涵泳恩澤，雖賤不及議，而志切效忠。今輒先舉衆議之非，然後申明其說。一日，獻懿廟主，宜永藏之夾室；臣以爲不可，夫祫者，合也，毀廟之主，皆當合食於太祖。獻懿二祖，卽毀廟主也；今雖藏於夾室，至禘祫之時，豈得不食

於太廟乎？名曰合祭，而二祖不得祭焉，不可謂之合矣。二曰：獻懿廟主，宜毀之。瘞之；臣又以爲不可。謹按禮記：天子立七廟，一壇一墀。音善其毀廟之主，皆藏於祧廟。雖百代不毀；祫則陳於太廟，而饗焉。自魏晉已降，始有毀瘞之議，事非經據，竟不可施行。今國家德厚流光，創立九廟，以周制推之，獻懿二祖，猶在壇墀之位，況於毀瘞而不禘祫乎！三曰：獻懿廟主，宜各遷於其陵所；臣又以爲不可。二祖之祭於京師，列於太廟也，二百年矣；今一朝遷之，豈惟人聽疑惑，抑恐二祖之靈，眷顧依遲，不卽饗於下國也。四曰：獻懿廟主，宜附於興聖廟而不禘祫；臣又以爲不可。傳曰：「祭如在。」景皇帝雖太祖，其於屬乃獻懿之子孫也。今欲正其子東向之位，廢其父之大祭，固不可爲典矣。五曰：獻懿二祖，宜別立廟於京師；臣又以爲不可。夫禮有所降，情有所殺，是故去廟爲祧，去祧爲壇，去壇爲墀，去墀爲鬼；漸而之遠，其祭益稀。昔者魯立煬音陽宮，春秋非之，以爲不當取已毀之廟，旣藏之主，而復築宮以祭；今之所議，與此正同。又雖違禮立廟，至于禘祫也，合食則禘無其所，廢祭

則於義不通。此五說者，皆所不可，故臣博采前聞，求其折中，以爲殷祖玄王，周祖后稷，太祖之上，皆自爲帝。又其代數已遠，不復祭之。故太祖得正東向之位，子孫從昭穆之列，禮所稱者，蓋以紀一時之宜，非傳於後代之法也。傳曰：「子雖齊聖，不先父食。」蓋言子爲父屈也。景皇帝雖太祖也，其於獻懿則子孫也。當禘祫之時，獻祖宜居東向之位，景皇帝宜從昭穆之列。祖以孫尊，孫以祖屈，求之神道，豈遠人情。又常祭甚衆，合祭甚寡。則是太祖所屈之祭至少，所伸之祭至多。比於仲孫之尊，廢祖之祭，不亦順乎！事異殷周，禮從而變，非所失禮也。臣伏以制禮作樂者，天子之職也。陛下以臣議有可采，粗合天心，斷而行之，是則爲禮。如以爲猶或可疑，乞召臣對，面陳得失，庶有發明。謹議。」

【今月十六日敕旨】時貞元十八年。

【將仕郎】爲文階從九品下。

【國子監四門博士】四門館博士，隸國子監，正

七品上。掌教七品以上侯伯子男子爲生，及庶人子爲俊士生者。

【獻懿二祖】獻祖熙，爲唐高祖之高祖。懿祖天賜，爲高祖之曾

祖。【禘祫】禮三年一禘，五年一祫。禘者，合也。謂以昭穆合食於太祖之廟。禘者，諦也。謂衆諦尊卑而祀之。

【夾室】唐置祫主

之所。【壇壝】土封爲壇。除地爲壇。【祧廟】遠廟爲祧，謂遷廟之主。皆以昭穆合藏於祧廟之中。【九廟】開元十年，詔宣

皇帝復祔於正室，謚爲獻祖，并謚高皇帝爲懿祖，又以中宗還祔太廟，增太廟爲九室。【興聖廟】卽景皇帝廟，爲高祖之祖，名虎

【去廟爲祧四句】見《禮祭法》。鬼無廟者，主入石函，祔則祭之。【煬宮】魯定公九年九月，立煬宮。煬，公伯禽子，其廟已毀。

季氏逐昭公而懼，就祧而禱之。昭公死，季氏以爲獲厲，故立之。【女王】商之始祖契也。

## 論佛骨表

時功德使上言，鳳翔法門寺塔，有佛指骨，相傳三十年一開，開則年豐人安，請迎之。憲祭從之，留宮中三日，王公士民瞻奉捨施，惟恐不及；愈因上書論之，遂貶潮州刺史。

臣某言，伏以佛者，夷狄之一法耳，自後漢時流入中國，上古未嘗有也。昔者

黃帝在位百年，年百一十歲。少昊在位八十年，年百歲。顓頊許玉切在位七十九年，

年九十八歲。帝嚳音酷在位七十年，年百五歲。帝堯在位九十八年，年百一十八歲。

帝舜及禹年皆百歲。此時天下太平，百姓安樂壽考，然而中國未有佛也。其後殷

湯亦年百歲。湯孫太戊音茂在位七十五年，武丁在位五十九年。書史不言其年壽

所極，推其年數，蓋亦俱不減百歲。周文王年九十七歲，武王九十三歲，穆王在位

百年。此時佛法亦未入中國，非因事佛而致然也。漢明帝時，始有佛法，明帝在位纔十八年耳！其後亂亡相繼，運祚不長。宋齊梁陳元魏已下，事佛漸謹，年代尤促。惟梁武帝在位四十八年，前後三度捨身施佛，宗廟之祭，不用牲牢，盡日一食，止於菜果，其後竟爲侯景所逼，餓死臺城，國亦尋滅。事佛求福，乃更得禍；由此觀之，佛不足事，亦可知矣。高祖始受隋禪，則議除之；當時羣臣材識不遠，不能深知先王之道，古今之宜，推闡聖明以救斯弊，其事遂止，臣常恨焉。伏惟睿聖文武皇帝陛下，神聖英武，數千百年以來，未有倫比。卽位之初，卽不許度人爲僧尼道士，又不許創立寺觀。臣常以爲高祖之志，必行於陛下之手；今縱未能卽行，豈可恣之轉令盛也。今聞陛下令羣僧迎佛骨於鳳翔，御樓以觀，昇入大內。又令諸寺遞迎供養，臣雖至愚，必知陛下不惑於佛，作此崇奉以祈福祥也。直以年豐人樂，徇人之心，爲京都士庶設詭異之觀，戲翫<sub>玩</sub>之具耳。安有聖明若此，而肯信此等事哉！然百姓愚冥，易惑難曉；苟見陛下如此，將謂真心事佛，皆云天子大聖，猶一心

敬信，百姓何人，豈合更惜身命。焚頂燒指，百十爲羣。解衣散錢，自朝至暮。轉相倣效，惟恐後時。老少奔波，棄其業次。若不卽加禁遏，更歷諸寺，必有斷臂鬻力轉切身以爲供養者。傷風敗俗，傳笑四方，非細事也。夫佛本夷狄之人，與中國言語不通，衣服殊製，口不言先王之法言，身不服先王之法服，不知君臣之義，父子之情。假如其身至今尙在，奉其國命來朝京師，陛下容而接之，不過宣政一見，禮賓一設，賜衣一襲，衛而出之於境，不令惑衆也。況其身死已久，枯朽之骨，凶穢之餘，豈宜令人宮禁。孔子曰：『敬鬼神而遠之。』古之諸侯，行弔於其國，尙令巫祝先以桃荆列音弗音除不祥，然後進弔。今無故取朽穢之物，親臨觀之。巫祝不先，桃荆不用，羣臣不言其非，御史不舉其失，臣實恥之。乞以此骨付之有司，投諸水火，永絕根本，斷天下之疑，絕後代之惑。使天下之人，知大聖人之所作爲，出於尋常萬萬也。豈不盛哉！豈不快哉！佛如有靈，能作禍祟，粹音凡有殃咎，宜加臣身。上天鑒臨，臣不怨悔。無任感激懇悃。切音本之至，謹奉表以聞。



【黃帝】姓軒轅，名公孫。【少昊】名摯，姓己，黃帝子。【帝嚳】少昊孫，嚳父，名稷，姓姬。【堯】姓伊耆，名放勳。【舜禹

湯】均見原道注。【穆王】名滿。【明帝】名莊，光武子。【始有佛法】明帝遣羽林郎蔡愔，博士秦景王遵等十三

人，至天竺國迎取佛書，佛教始入中國。【梁武帝】名衍，齊稱帝，嗜佛，捨身同泰寺爲奴。敕宗廟祭祀，以麩爲犧牲，後爲侯景餓

死。【臺城】在今南京城內。【則議除之】唐高祖即位，傅奕請除佛法，帝命天下沙汰僧尼道士。【鳳翔】今陝西鳳

翔縣。【宣政】殿名。【一襲】猶一副也。【桃荊句】（禮檀弓）君臨臣喪，以巫祝桃荊執戈，按：荊，華也。言以桃爲棒，荊爲

帚也。

### 與子孟尚書書

孟尚書，字簡，字幾道，德州平昌人，最嗜佛。元和十四年正月，愈以言佛骨貶潮州，與潮僧大顛遊，人遂云

奉佛氏。其冬，移袁州，明年簡以書言及，愈作此書答之。

愈白：行官自南迴，過吉州，得吾兄二十四日手書數番，忻悚兼至。未審入秋來眠食何似？伏惟萬福。來示云：「有人傳愈近少信奉釋氏。」此傳之者妄也。潮州時，有一老僧，號大顛，頗聰明，識道理，遠地無可與語者，故自山召至州郭，留十數日，實能外形骸，以理自勝，不爲事物侵亂，與之語，雖不盡解，要自胸中無滯礙，

以爲難得，因與來往。及祭神至海上，遂造其廬，及來袁州，留衣服爲別。乃人之情，非崇信其法，求福田利益也。孔子云：『丘之禱久矣！』凡君子行己立身，自有法度。聖賢事業，具在方冊，可效可師。仰不愧天，俯不愧人，內不愧心，積善積惡，殃慶自各以其類至。何有去聖人之道，捨先王之法，而從夷狄之教，以求福利也。詩不云乎：『愷悌君子，求福不回。』傳又曰：『不爲威惕，不爲利疚。』假如釋氏能與人爲禍崇，粹音非守道君子之所懼也；況萬萬無此理。且彼佛者，果何人哉？其行事類君子邪？小人邪？若君子也，必不妄加禍於守道之人。如小人也，其身已死，其鬼不靈，天地神祇，昭布森列，非可誣也。又肯令其鬼行胸臆，切伊力作威福於其間哉！進退無所據而信奉之，亦且惑矣。且愈不助釋氏而排之者，其亦有說。孟子云：『今天下不之楊，則之墨。』楊墨交亂，而聖賢之道不明，則三綱淪而九法斁，斯禮樂崩而夷狄橫，幾何其不爲禽獸也。故曰：『能言距楊墨者，聖人之徒也。』揚子雲云：『古者楊墨塞路，孟子辭而闢之，廓如也。』夫楊墨行，正道廢，且將數百年。

以至於秦，卒滅先王之法。燒除其經，坑殺學士，天下遂大亂。及秦滅，漢興且百年，尙未知修明先王之道，其後始除挾書之律，稍求亡書，招學士。經雖少得，尙皆殘缺，十亡二三。故學士多老死，新者不見全經，不能盡知先王之事，各以所見爲守，分離乖隔，不合不公。二帝三王羣聖人之道，於是大壞。後之學者，無所尋逐，以至於今，泯泯也。其禍出於楊墨肆行而莫之禁故也。孟子雖聖賢，不得位，空言無施，雖切何補。然賴其言，而今學者尙知宗孔氏，崇仁義，貴王賤霸而已。其大經大法，皆亡滅而不救，壞爛而不收，所謂存十一於千百，安在其能廓如也。然向無孟氏，則皆服左衽，切如煬而言侏離矣。朱音故愈嘗推尊孟氏，以爲功不在禹下者，爲此也。漢氏已來，羣儒區區修補，百孔千瘡，隨亂隨失，其危如一髮引千鈞，縣縣延延，寢以微滅。於是時也，而唱釋老於其間，鼓天下之衆而從之。嗚呼！其亦不仁甚矣！釋老之害，過於楊墨。韓愈之賢，不及孟子。孟子不能救之於未亡之前，而韓愈乃欲全之於已壞之後。嗚呼！其亦不量其力。且見其身之危，莫之救以死也。雖然，使其

道由愈而粗傳，雖滅死萬萬無恨。天地鬼神，臨之在上，質之在旁，又安得因一摧折，自毀其道，以從於邪也！籍滉滉音殖輩雖屢指教，不知果能不叛去否？辱吾兄眷厚，而不獲承命，惟增慚懼，死罪死罪，愈再拜。

【吉州】唐屬江南西道治，今江西臨慶縣。元和十五年，貶孟簡爲吉州司馬。

【潮州】唐屬嶺南道治，今廣東潮安縣。【袁州】

唐屬江南西道治，今江西宜春縣。【愷悌君子二句】見《詩旱麓篇》。【不爲威惕二句】《左哀》：楚白公有不爲威惕，不

爲利詭語。【敦】敦也。【左袷】袷，衣襟也。左袷，夷狄之俗。【侏離】蠻人之語。《後漢書南蠻傳》：衣裳斑蘭，語言侏離。

【籍】張籍，字文昌，和州烏江人。工樂府，官終國子司業。【滉】皇甫滉，字持正，睦州新安人。工文，裴度嘗辟爲判官。

## 與鄂州柳中丞書

鄂州，唐屬江南西道治，今湖北武昌縣。柳中丞，名公綽，字寬，京兆華原人，自御史中丞出爲湖

南觀察使，後徙鄂岳觀察使。

淮南殘孽，尙守巢窟。環寇之師，殆且十萬。瞋瞋音切人目語難，自以爲武人，不肯循法度。頽頽音切頽頽音航作氣勢，竊爵位自尊大者，肩相摩，地相屬也；不聞有一人援桴桴音孚鼓誓衆而前者，但日令走馬來求賞給，助寇爲聲勢而已。閣下書生也，詩書

禮樂是習，仁義是修，法度是束，一日去文就武，鼓三軍而進之，陳師鞠旅，親與爲辛苦，慷慨感激，同食下卒，將二州之牧，以壯士氣，斬所乘馬，以祭隄，音死之士，雖古名將，何以加茲。此由天資忠孝，鬱於中而大作於外。動皆中於機會，以取勝於當世，而爲戎臣師。豈常習於威暴之事，而樂其鬪戰之危也哉！愈誠怯弱，不適於用，聽於下風，竊自增氣，誇於中朝稠人廣衆會集之中，所以羞武夫之顏，令議者知將國兵而爲人之司命者，不在彼而在此也。臨敵重慎，戒輕出入，良食自愛，以副見慕之徒之心，而果爲國立大功也。幸甚幸甚！

【淮右殘孽】指吳元濟，元濟爲少陽子。少陽爲淮西節度使，元濟繼之，後反。裴度等討平之。【眞目】張目也。【語難】難與

言也。【頡頏】猶言強項。【桴】擊鼓杖。【陳師鞠旅】句見《詩小雅》。二千五百人爲師，五百人爲旅。鞠，告也。【二州】

指岳州安州。時方討吳元濟，詔發鄂岳兵五千，蘇安州刺史李聽、公綽曰：「朝廷謂吾儒生不知兵邪？」請自行，許之。引兵渡江，抵安州，

即以鄧知兵馬，使中軍先鋒行營都虞候三傑授聽，遣兵六千屬焉。戒諸將曰：「行營事一決都將。」聽畏威，遂盡力。【斬所乘馬

二句】隄，弱也。公綽所乘馬，隄殺圍人，命殺馬祭之。

## 再與鄂州柳中丞書

愈愚不能量事勢可否，比常念淮右以靡弊困頓三州之地，蚊蚋蟻蟲之聚，感兇豎煦切虛羽濡飲食之惠，提童子之手，坐之堂上，奉以爲帥，出死力以抗逆明詔，戰天下之兵，乘機逐利，四出侵暴，屠燒縣邑，賊殺不辜，環其地數千里，莫不被其毒。洛、汝、襄、荆、許、潁、淮、江，爲之騷然。丞相公卿士大夫，勞於圖議，握兵之將，熊羆音羆貔、虎之士，畏懼蹙切子六躅切所六，莫背杖戈爲士卒前行者。獨閣下奮然率先，揚兵界上，將二州之守，親出入行間，與士卒均辛苦，生其氣勢。見將軍之鋒穎，凜然有向敵之意。用儒雅文字章句之業，取先天下武夫，關其口而奪之氣。余初聞時，方食，不覺棄匕箸起立。豈以爲閣下眞能引孤軍單進，與死寇角逐，爭一日僥倖之利哉！就令如是，亦不足貴，其所以服人心，在行事適機宜，而風采可畏愛故也。是以前狀輒述鄙誠。眷惠手翰還答，益增忻悚！夫一衆人心力耳目，使所至如時

雨，三代用師，不出是道。閣下果能充其言，繼之以無倦，得形便之地，甲兵足用，雖國家故所失地，旬歲可坐而得；況此小寇，安足置齒牙間。勉而卒之，以俟其至，幸甚幸甚！夫遠徵軍士，行者有羈旅離別之思，居者有怨曠騷動之憂，本軍有饋餉煩費之難，地主多姑息形迹之患。急之則怨，緩之則不用命，浮寄孤懸，形勢銷弱，又與賊不相諳委，臨敵恐駭，難以有功。若召募土人，必得豪勇，與賊相熟，知其氣力所極，無望風之驚，愛護鄉里，勇於自戰，徵兵滿萬，不如召募數千，閣下以爲何如？儻可上聞行之否？計已與裴中丞相見，行營事宜，不惜時賜示及，幸甚！不宣。

【三州】申光蔡。

【兗豎】指吳元濟。

【洛】州名。今河南洛陽縣等地。

【汝】州名。治今河南臨汝縣。

【襄】州名。治今湖

北襄陽縣。

【荆】州名。治今湖北江陵縣。

【許】州名。治今河南許昌縣。

【潁】州名。治今安徽阜陽縣。

【淮】淮陽郡名。治

今河南淮陽縣。

【江】州名。治今江西九江縣。

【獮】大如豹，文如狸。

與崔羣書

羣，字敦詩，貝州武城人，貞元八年進士，時爲宣州判官。

自足下離東都，凡兩度枉問，尋承已達宣州。主人仁賢，同列皆君子，雖抱羈旅之念，亦且可以度日。無入而不自得，樂天知命者，固前修之所以禦外物者也。況足下度越此等百千輩，豈以出處近遠，累其靈臺邪！宣州雖稱清涼高爽，然大江之南，風土不並於北，將息之道，當先理其心，心閒無事，然後外患不入，風氣所宜，可以審備，小小者亦當自不至矣。足下之賢，雖在窮約，猶能不改其樂。況地至近，官榮祿厚，親愛盡在左右者邪！所以如此云云者，以爲足下賢者，宜在上位，託於幕府，則不爲得其所，是以及之，乃相親重之道耳，非所以待足下者也。僕自少至今，從事於往還朋友間，一十七年矣，日月不爲不久，所與交往相識者千百人，非不多，其相與如骨肉兄弟者，亦且不少。或以事同，或以藝取，或慕其一善，或以其久故，或初不甚知，而與之已密，其後無大惡，因不復決捨，或其人雖不皆入於善，而於己已厚，雖欲悔之不可，凡諸淺者固不足道，深者止如此。至於心所仰服，考之言行而無瑕尤，窺之閫切苦本奧而不見畛域，明白純粹，輝光日新者，惟吾



崔君一人。僕愚陋無所知曉，然聖人之書，無所不讀；其精粗巨細，出入明晦，雖不盡識，抑不可謂不涉其流者也。以此而推之，以此而度之，誠知足下出羣拔萃，無謂僕何從而得之也。與足下情義，寧須言而后自明邪！所以言者，懼足下以爲吾所與深者多，不置白黑於胸中耳。既謂能粗知足下，而復懼足下之不我知，亦過也。比亦有人，說足下誠盡善盡美，抑猶有可疑者。僕謂之曰：何疑？疑者曰：『君子當有所好惡，好惡不可不明。如清河者，人無賢愚，無不說其善，伏其爲人，以是而疑之耳。』僕應之曰：『鳳凰芝草，賢愚皆以爲美瑞；青天白日，奴隸亦知其清明。譬之食物，至於遐方異昧，則有嗜者，有不嗜者。至於稻也，粱也，膾也，炙也，豈聞有不嗜者哉。』疑者乃解。解不解，於吾崔君無所損益也。自古賢者少，不肖者多，自省事已來，又見賢者恆不遇，不賢者比肩青紫；賢者恆無以自存，不賢者志滿氣得；賢者雖得卑位則旋而死，不賢者或至眉壽。不知造物者意竟如何？無乃所好惡與人異心哉？又不知無乃都不省記，任其死生壽夭邪？未可知也。人固有薄卿

相之官，千乘之位，而甘陋巷菜羹者。同是人也，猶有好惡如此之異者，況天之與人，當必異其所好惡無疑也。合於天而乖於人何害，況又時有兼得者耶！崔君！君！無怠無怠！僕無以自全活者，從一官於此，轉困窮甚；思自放於伊潁之上，當亦終得之。近者尤衰憊，左車第二牙，無故動搖脫去。目視昏花，尋常間便不分人顏色。兩鬢半白，頭髻五分亦白其一，鬚亦有一莖兩莖白者。僕家不幸，諸父諸兄，皆康彊早世。如僕者，又可以圖於久長哉！以此忽忽，思與足下相見，一道其懷。小兒女滿前，能不顧念。足下何由得歸北來，僕不樂江南，官滿便終老嵩下。足下可相就，僕不可去矣。珍重自愛，慎飲食，少思慮，惟此之望！愈再拜。

【東都】今河南洛陽縣。

【宜州】唐屬江南西道，治今安徽宣城縣。

【主人仁賢二句】貞元十二年八月，以崔衍爲宣歙

觀察使，羣與李俱在幕府，公送揚儀之序，亦云當今蕃翰之資，客惟宜州多賢，與之遊者，二人焉，隴西李博，清河羣。

【靈臺】心

也。（莊子庚桑楚篇）不可內於靈臺。

【閭奧】房室深處。

【畛域】界限。

【伊潁】並水名，在河南省。潁東南流入安徽，經太

和阜陽潁上，至西正陽關入淮。

【左車第二牙】（左僖五年）輔車相依，唇亡齒寒。（注）車謂牙車。【嵩】山名，在河南登封縣北。

答崔立之書

立之，字斯立，貞元四年進士。時愈三試吏部不售，斯立遺書比之獻玉者，故作此書以報之。

斯立足下，僕見險不能止，動不得時，顛頓狼狽，失其所操持，困不知變，以至辱於再三，君子小人之所憫笑，天下之所背而馳者也。足下猶復以爲可教，貶損道德，乃至手筆以問之，攀援古昔，辭義高遠，且進且勸，足下之於故舊之道得矣。雖僕亦固望於吾子，不敢望於他人者耳。然尙有似不相曉者，非故欲發余乎？不然，何子之不以丈夫期我也。不能默默，聊復自明。僕始年十六七時，未知人事，讀聖人之書，以爲人之仕者皆爲人耳，非有利乎己也。及年二十時，苦家貧，衣食不足，謀於所親，然後知仕之不惟爲人耳。及來京師，見有舉進士者，人多貴之；僕誠樂之，就求其術，或出禮部所試賦詩策等以相示，僕以爲可無學而能，因詣州縣求舉，有司者好惡出於其心，四舉而後有成，亦未卽得仕。聞吏部有以博學宏辭選者，人尤謂之才，且得美仕，就求其術，或出所試文章，亦禮部之類，私怪其故，然

猶樂其名，因又詣州府求舉，凡二試於禮部；一既得之，而又黜於中書，雖不得仕，人或謂之能焉。退自取所試讀之，乃類於俳音優者之辭，顏忸女六切、怩音而心不寧者數月。既已爲之，則欲有所成就，書所謂恥過作非者也。因復求舉，亦無幸焉，乃復自疑，以爲所試與得之者不同其程度；及得觀之，余亦無甚愧焉。夫所謂博學者，豈今之所謂者乎？夫所謂宏辭者，豈今之所謂者乎？誠使古之豪傑之士，若屈原、孟軻、司馬遷、相如、揚雄之徒，進於是選，必知其懷慙，乃不自進而已耳。設使與夫今之善進取者，競於蒙昧之中，僕必知其辱焉。然彼五子者，且使生於今之世，其道雖不顯於天下，其自負何如哉！肯與夫斗筭師交切者，決得失於一夫之目而爲之憂樂哉！故凡僕之汲汲於進者，其小得，蓋欲以具裘葛，養窮孤；其大得，蓋欲以同吾之所樂於人耳。其他可否，自計已熟，誠不待人而後知。今足下乃復比之獻玉者，以爲必俟工人之剖，然後見知於天下，雖兩刖音足不爲病，且無使勅渠京切者再剋音，誠足下相勉之意厚也。然仕進者，豈捨此而無門哉！足下謂我必

待是而後進者，尤非相悉之辭也。僕之玉固未嘗獻，而足固未嘗別，則足下無爲我戚戚也。方今天下，風俗尙有未及於古者，邊境尙有被甲執兵者，主上不得怡而宰相以爲憂，僕雖不賢，亦且潛究其得失，致之乎吾相，薦之乎吾君。上希卿大夫之位，下猶取一鄣而乘之。若都不可得，猶將耕於寬閒之野，釣於寂寞之濱，求國家之遺事，考賢人哲士之終始，作唐之一經，垂之於無窮；誅姦諛於既死，發潛德之幽光。二者將必有一可；足下以爲僕之玉凡幾獻，而足凡幾別也？又所謂勅者果誰哉？再剋之刑，信如何也。士固信同於知己，微足下無以發吾之狂言。愈再拜。

【忸怩】慙貌。

【斗筭】言部細也。斗，量名，容十升。筭，竹器，容斗二升。

【獻玉別足】下和得玉璞，獻之武王，王示玉人，曰：石

也，則其右足。武王殺復獻文王；玉人復曰：石也，則其左足。至成王時，抱其璞哭於郊，王乃使玉人攻之，果得寶玉。

## 答呂鑿山人書

愈白惠書責以不能如信陵執轡者。夫信陵戰國公子，欲以取士，聲勢傾天下而然耳！如僕者，自度若世無孔子，不當在弟子之列。以吾子始自山出，有樸茂之美意，恐未龔龍音磨以世事。又自周後文弊，百子爲書，各自名家，亂聖人之宗，後生習傳，雜而不貫，故設問以觀吾子。其已成熟乎，將以爲友也。其未成熟乎，將以講去其非而趨是耳！不如六國公子，有市於道者也。方今天下入仕，惟以進士明經，及卿大夫之世耳。其人率皆習熟時俗，工於語言，識形勢，善候人主意，故天下靡靡日入於衰壞，恐不復振起，務欲進足下趨死，不顧利害去就之人於朝，以爭救之耳。非謂當今公卿間，無足下輩文學知識也，不得以信陵比。然足下衣破衣，繫麻鞋，率然叩吾門，吾待足下，雖未盡賓主之道，不可謂無意者。足下行天下，得此於人蓋寡，乃遂能責不足於我，此真僕所汲汲求者。議雖未中節，其不肯阿曲以事人，灼灼明矣。方將坐足下，三浴而三薰之，聽僕之所爲，少安無躁。愈頓首。

【信陵】即魏公子無忌，安釐王即位，封爲信陵君。魏有隱士侯嬴，爲大梁夷門監者，公子從車騎虛左自迎侯，侯生解衣冠直上。

公子執轡相迎。【進士明經】唐科目。【三浴三熏】魯縛管仲與齊，齊受之；三薰三浴之，薰以香塗身也。見《國語》。

### 答李翊書

六月二十六日，愈白：李生足下。生之書辭甚高，而其問何下而恭也？能如是，誰不欲告生以其道，道德之歸也，有日矣。況其外之文乎！抑愈所謂望孔子之門牆而不入於其宮者，焉足以知是且非邪！雖然，不可不爲生言之。生所謂立言者是也。生所爲者，與所期者，甚似而幾矣。抑不知生之志，蘄音祈勝於人而取於人邪？將蘄至於古之立言者邪？蘄勝於人而取於人，則固勝於人而可取於人矣。將蘄至於古之立言者，則無望其速成，無誘於勢利，養其根而竦其實，加其膏而希其光；根之茂者其實遂，膏之沃者其光曄，切均輒仁義之人，其言藹如也。抑又有難者，愈之所爲，不自知其至猶未也。雖然，學之二十餘年矣。始者非三代兩漢之書不敢觀，非聖人之志不敢存，處若忘，行若遺，儼乎其若思，茫乎其若迷。當其取於心

而注於手也。惟陳言之務去，夏音夏乎其難哉。其觀於人，不知其非笑之爲非笑也。如是者亦有年，猶不改；然後識古書之正僞，與雖正而不至焉者，昭昭然白黑分矣。而務去之，乃徐有得也。當其取於心而注於手也，音音汨然來矣。其觀於人也，笑之則以爲喜，譽之則以爲憂，以其猶有人之說者存也。如是者亦有年，然後浩乎其沛然矣。吾又懼其雜也，迎而距之，平心而察之，其皆醇也，然後肆焉。雖然，不可以不養也。行之乎仁義之途，游之乎詩書之源，無迷其途，無絕其源，終吾身而已矣。氣，水也，言，浮物也，水大而物之浮者大小畢浮，氣之與言猶是也。氣盛則言之短長，與聲之高下者皆宜。雖如是，其敢自謂幾於成乎。雖幾於成，其用於人也奚取焉！雖然，待用於人者，其肖於器邪！用與舍屬諸人。君子則不然？處心有道，行己有方，用則施諸人，舍則傳諸其徒，垂諸文而爲後世法；如是者其亦足樂乎？其無足樂也。有志乎古者希矣！志乎古，必遺乎今，吾誠樂而悲之。亟稱其人，所以勸之，非敢褒其可褒，而貶其可貶也。問於愈者多矣，念生之言，不志乎利，聊相爲



言之愈白。

【蘄】求也。

【睡】明也。

【戛戛】阻礙貌。

【汨汨】波聲。比喻文思之勃發。

### 答劉正夫書

一本正作函，給事劉伯弼之子，按伯弼有三子：寬夫、端夫、巖夫，正夫當即端夫，蓋端正二字之義同也。

愈白：進士劉君足下。辱箋教以所不及，既荷厚賜，且愧其誠然，幸甚幸甚！凡舉進士者，於先進之門，何所不往。先進之於後輩，苟見其至，寧可以不答其意邪？來者則接之，舉城士大夫，莫不皆然。而愈不幸，獨有接後輩名，名之所存，謗之所歸也。有來問者，不敢不以誠答。或問爲文宜何師？必謹對曰：『宜師古聖賢人。』曰：『古聖賢人所爲書具存，辭皆不同，宜何師？』必謹對曰：『師其意，不師其辭。』又問曰：『文宜易宜難？』必謹對曰：『無難易，惟其是爾。』如是而已，非固開其爲此而禁其爲彼也。夫百物朝夕所見者，人皆不注視也。及覩其異者，則共觀而言之；夫文豈異於是乎！漢朝人莫不能爲文，獨司馬相如、太史公、劉向、揚雄爲之。

最。然則用功深者，其收名也遠。若皆與世浮沉，不自樹立，雖不爲當時所怪，亦必無後世之傳也。足下家中百物，皆賴而用也。然其所珍愛者，必非常物。夫君子之於文，豈異於是乎！今後進之爲文，能深探而力取之，以古聖賢人爲法者，雖未必皆是，要若有司馬相如、太史公、劉向、揚雄之徒出，必自於此，不自於循常之徒也。若聖人之道，不用文則已，用則必尙其能者；能者非他，能自樹立不因循者是也。有文字來，誰不爲文，然其存於今者，必其能者也。顧常以此爲說耳。愈於足下，忝同道而先進者，又常從游於賢尊給事。旣辱厚賜，又安敢不進其所有以爲答也。足下以爲何如？愈白。

【箋】猶信也。

【賢尊給事】謂伯芻也。伯芻字素之，洛州廣平人，迺子。登進士第，遷考功郎中，集賢院學士，轉給事中。

### 答尉遲生書

尉遲生，名汾。

愈白：尉遲生足下。夫所謂文者，必有諸其中；是故君子慎其實。實之美惡，其

發也不揜；本深而未茂，形大而聲宏，行峻而言厲，心醇而氣和，昭晰者無疑，優游者有餘。體不備，不可以爲成人；辭不足，不可以爲成文；愈之所聞者如是，有問於愈者，亦以是對。今吾子所爲皆善矣，謙謙然若不足，而以徵於愈，愈又敢有愛於言乎！抑所能言者，皆古之道；古之道，不足以取於今，吾子何其愛之異也？賢公卿大夫，在上比肩，始進之賢士，在下比肩，彼其得之，必有以取之也。子欲仕乎？其往問焉，皆可學也。若獨有愛於是而非仕之謂，則愈也嘗學之矣，請繼今以言。

【比肩】謂肩相並，言人之多也。（晏子春秋）比肩繼踵而在。

### 與馮宿論文書

宿字拱之，齊州東陽人，與愈同年進士。

辱示初筮賦，實有意思。但力爲之，古人不難到。但不知直似古人，亦何得於今人也？僕爲文久，每自測意中以爲好，則人必以爲惡矣。小稱意，人亦小怪之；大稱意，卽人必大怪之也。時時應事作俗下文字，下筆令人慙，及示人，則人以爲好。

矣。小慙者亦蒙謂之小好；大慙者，卽必以爲大好矣。不知古文直何用於今世也？然以俟知者知耳！昔揚子雲著太玄，人皆笑之。子雲之言曰：『世不我知，無害也。後世復有揚子雲，必好之矣。』子雲死近千載，竟未有揚子雲，可嘆也！其時桓譚亦以爲雄書勝老子，老子未足道也。子雲豈止與老子爭彊而已乎！此未爲知雄者。其弟子侯芭，音巴頗知之，以爲其師之書勝周易。然侯之他文，不見於世，不知其人果如何耳！此而言，作者不祈人之知也明矣。直百世以俟聖人而不惑，質諸鬼神而無疑耳。足下豈不謂然乎？近李翱從僕學文，頗有所得；其人家貧多事，未能卒其業。有張籍者，年長於翱，而亦學於僕，其文與翱相上下，一二年業之，庶幾乎至也。然閱其棄俗尙而從於寂寞之道，以爭名於時也。久不談，聊感足下能自進於此，故復發憤一道，愈再拜。

【太玄】雜作，劉歆見之，謂雄爲空自苦。

【桓譚】字君山，沛國相人，能文章，篤好古學，著書二十九篇，鑿新論。

【侯芭】鉅鹿人，

嘗從雄問奇字。

【李翱】字習之。

【張籍】見吳孟尚書注。

答竇秀才書

竇秀才，名存亮，長安人。聞愈名，心慕之。後愈以言事黜爲陽山令，存亮裹糧數千里，往從之遊。事之益謹。

愈白：愈少駑怯，於他藝能，自度無可努力；又不通時事，而與世多齟齬。音齟，音齬。念終無以樹立，遂發憤篤專於文學，學不得其術，凡所辛苦而僅有之者，皆符於空言而不適於實用；又重以自廢。是故學成而道益窮，年老而智愈困。今又以罪黜於朝廷，遠宰蠻縣，愁憂無聊，瘡痍音障癘侵加，惴音惴焉無以冀朝夕。足下年少才俊，辭雅而氣銳，當朝廷求賢如不及之時，當道者又皆良有司，操數寸之管，書盈尺之紙，高可以鈞爵位，循序而進，亦不失萬一於甲科。今乃乘不測之舟，入無人之地，以相從問文章爲事。身勤而事左，辭重而請約，非計之得也。雖使古之君子，積道藏德，遁其光而不曜，膠其口而不傳者，遇足下之請懇懇，猶將倒廩傾囷，區倫切羅列而進也。若愈之愚不肖，又安敢有愛於左右哉！願足下之能，足以自奮，愈之所有，如前所陳，是以臨事愧恥而不敢答也。錢財不足以賄左右之匱急，文

章不足以發足下之事業。稠苦載而往，垂橐而歸。足下亮之而已。

【齟齬】意見不合。【遠宰禮縣】貞元十九年，愈爲陽山令。【瘴癘】內病爲瘴，外病爲癘，南方瘴溼之地有之。【甲科】

唐初以經，有甲乙丙丁四科，進士有甲乙二科。見《通考》。【廩】米穀曰廩。【困】廢之圃者。【稠載】稠，滿也。管子小匡篇。

諸侯之使，垂橐而入，稠載而歸。

### 答衛中行書

中行字大受，御史中丞晏之子，貞元九年進士。

大受足下：辱書爲賜甚大，然所稱道過盛。豈所謂誘之而欲其至於是與？不敢當，不敢當！其中擇其一二近似者而竊取之，則於交友忠而不反於背面者，少似近焉，亦其心之所好耳。行之不倦，則未敢自謂能爾也。不敢當，不敢當！至於汲汲於富貴，以救世爲事者，皆聖賢之事業，知其智能謀力能任者也；如愈者又焉能之。始相識時，方甚貧，衣食於人；其後相見於汴徐二州，僕皆爲之從事。日月有所入，比之前時，豐約百倍。足下視吾飲食衣服，亦有異乎？然則僕之心，或不爲此汲汲也。其所不忘於仕進者，亦將小行乎其志耳，此未易遽言也。凡禍福吉凶之

來，似不在我；惟君子得禍爲不幸，而小人得禍爲恆；君子得福爲恆，而小人得福爲幸。以其所爲，似有以取之也。必曰：君子則吉，小人則凶者，不可也。賢不肖存乎己；貴與賤，禍與福，存乎天；名聲之善惡存乎人。存乎己者，吾將勉之；存乎天存乎人者，吾將任彼而不用吾力焉。其所守者，豈不約而易行哉！足下曰：命之窮通，自我爲之，吾恐未合於道。足下徵前世而言之，則知矣。若曰：以道德爲己任，窮通之來，不接吾心，則可也。窮居荒涼，草樹茂密；出無驢馬，因與人絕。一室之內，有以自娛。足下喜吾復脫禍亂，不當安安而居，遲遲而來也。

【汴】時愈從董管汴州。

【徐】時愈從張建封徐州。

【復脫禍亂】重張二公甫卒，而軍皆亂，故喜其脫禍。

與孟東野書

東野名郊，湖州武康人。少隱嵩山，性介少合，與愈爲忘形交。

與足下別久矣！以吾心之思足下，知足下懸懸於吾也，各以事牽，不可合并。其於人人，非足下之爲見，而日與之處，足下知吾心樂否也？吾言之而聽者誰歟？

吾唱之而和者誰歟？言無聽也。唱無和也，獨行而無徒也，是非無所與同也。足下知吾心樂否也？足下才高氣清，行古道，處今世，無田而衣食，事親左右無違。足下之用心勤矣！足下之處身勞且苦矣！混混與世相濁，獨其心追古人而從之，足下之道，其使吾悲也。去年春，脫汴州之亂，幸不死，無所於歸，遂來於此。主人與吾有故，哀其窮，居吾於符離音離。上及秋，將辭去，因被留以職事，默默在此，行一年矣！到今年秋，聊復辭去，江湖余樂也，與足下終幸矣！李習之娶吾亡兄之女，期在後月，朝夕當來此。張籍在和州居喪，家甚貧，恐足下不知，故具此白，冀足下一來相視也。自彼至此雖遠，要皆舟行可至。速圖之，吾之望也！

【脫汴州句】真元十五年二月，退之從董管喪出汴州，四日而軍亂。【主人】謂張建封，退之出汴州，依建封於徐。【睢上】  
【睢，水名，在河南。】  
【亡兄】名余，禮部郎中雲卿之子。  
【和州】治今安徽和縣。

## 答劉秀才論史書



愈白秀才劉君足下，辱問見愛，教勉以所宜務，敢不拜賜。愚以爲凡史氏褒貶大法，春秋已備之矣！後之作者在，據事跡實錄，則善惡自見。然此尙非淺陋庸惰者所能就，況褒貶耶！孔子聖人，作春秋，辱於魯、衛、陳、宋、齊、楚，卒不遇而死；齊太史氏兄弟幾盡，左邱明紀春秋時事以失明，司馬遷作史記刑誅，班固庚疾死，陳壽起又廢，卒亦無所至；王隱謗退死家，習鑿齒無一足，崔浩范曄赤誅，魏收天絕，宋孝王誅死，足下所稱吳兢，亦不聞身貴而令其後有聞也。夫爲史者，不有人禍，則有天刑。豈可不畏懼而輕爲之哉！唐有天下二百年矣，聖君賢相相踵，其餘文武士立功名，跨越前後者，不可勝數，豈一人卒卒能紀而傳之耶！僕年志已就衰退，不可自敦率。宰相知其無他才能不足用，哀其老窮，齟齬無所合，不欲令四海內有戚戚者，猥言之上，苟加一職榮之耳。非必督責迫促，令就功役也。賤不敢逆盛指，行且謀引去；且傳聞不同，善惡隨人所見，甚者附黨憎愛不同，巧造語言，鑿空構立善惡事迹；於今何所承受取信，而可草草作傳記，令傳萬世乎？若無鬼神，

豈可不自心慚愧。若有鬼神，將不福人。僕雖騃，亦粗知自愛，實不敢率爾爲也。夫聖唐鉅跡，及賢士大夫事，皆磊磊軒天地，決不沈沒。今館中非無人，將必有作者，勤而纂之。後生可畏，安知不在足下，亦宜勉之！

【齊太史】（左襄二十五年）崔杼弑齊莊公，太史書曰：崔杼弑其君。崔子殺之，其弟弔書，而死者二人。其弟又書，乃舍之。【班固】

字孟堅，著西漢書，時有人告固私作國史者，因下獄死。【陳壽】字承祚，巴西安漢人。撰三國志，爲荀彧所忌，遷爲長安太守，杜預後

復薦之於帝，未幾又貶。【王隱】字處叔，陳郡人。撰晉史，未成。爲虞預所疾，以謗免。【習鑿齒】字彥威，襄陽人。桓溫辟爲從事。

溫徵異志，鑿齒作漢晉春秋以裁正之，後以謫疾廢。【崔浩】字伯淵，武城人。著國書三十卷，立石銘之，以彰直筆。魏道武帝遂夷其

族，並及姻親。【范曄】字蔚宗，南陽順陽人。作後漢書，以謀反伏誅。【魏收】字伯起，小字佛助，鉅鹿下曲陽人。撰魏書，號穢史。無

子，齊亡之歲，收家被殺。【宋孝王】名壽真，聰明愛文義，後爲徐羨之等所殺。傳中無及作史事。【吳兢】汴州浚儀人。撰武后

實錄，及貞觀政要，大唐春秋，號良史才。屢遭遷謫，晚尤困頓。【駭】瘖也。【磊磊】如衆石之特起。【軒】高也。

### 上兵部李侍郎書

李異，字令叔，趙州贊皇人。自江西觀察使入爲兵部侍郎。

愈少鄙鈍，於時事都不通曉。家貧不足以自活，應舉覓官，凡二十年矣。薄命

不幸，動遭讒謗，進寸退尺，卒無所成。性本好文學，因困厄悲愁，無所告語，遂得窮於經傳史記百家之說，沈潛乎訓義，反覆乎句讀，礱磨乎事業，而奮發乎文章。凡自唐虞已來，編簡所存，大之爲河海，高之爲山岳，明之爲日月，幽之爲鬼神；纖之爲珠璣華實，變之爲雷霆風雨；奇辭奧旨，靡不通達。惟是鄙鈍，不通曉於時事。學成而道益窮，年老而智益困。私自憐悼，悔其初心。髮禿齒豁，不見知己。夫牛角之歌，辭鄙而義拙；堂下之言，不書於傳記。齊桓舉以相國，叔向攜手以上。然則非言之難爲，聽而識之者難遇也。伏以閣下內仁而外義，行高而德鉅；尙賢而與能，哀窮而悼屈。自江而西，旣化而行矣。今者入守內職，爲朝廷大臣。當天子新卽位，汲汲於理化之日。出言舉事，宜必施設。旣有聽之之明，又有振之之力。寧戚之歌，切子紅明之言，不發於左右，則後而失其時矣。謹獻舊文一卷，扶樹教道，有所明白。南行詩一卷，舒憂娛悲，雜以瓊瑰同怪之言；時俗之好，所以諷於口而聽於耳也。如賜覽觀，亦有可采。干黷獨音嚴尊，伏增惶恐！

【牛角句】（琴操）寧戚飯牛車下，扣牛角而歌曰：『南山矸，白石爛，生不逢堯與舜禪，短布單衣縫至骨，長夜漫漫何時旦？』齊桓公聞之，舉爲相。【堂下句】（左昭二十八年）叔向適鄭，饑震惡，欲觀叔向，從使之收器者而往立於堂下，一言而善，叔向將飲酒，用之曰：『必讓明也。』下執其手以上，曰：『予若無言，吾幾失子矣。』按：讓明，名讓，字然明，鄭人。【讀】蝶也。

## 祭田橫墓文

貞元十一年九月，愈如東京，道出田橫墓下，感橫義高能得士，因取酒以祭，爲文而弔之。其辭曰：事有曠百世而相感者，余不自知其何心？非今世之所稀，孰爲使余唏噓而不可禁！余旣博觀乎天下，曷有庶幾乎夫子之所爲？死者不復生，嗟余去此其從誰？當秦氏之敗亂，得一士而可王。何五百人之擾擾，而不能脫夫子於劍鋌？芒音抑所寶之非賢，亦天命之有常？昔闕里之多士，孔聖亦云其遑遑。苟余行之不迷，雖顛沛其何傷！自古死者皆一，夫子至今有耿光。臨陳辭而薦酒，魂髣髴而來享。

【貞元】德宗年號。【田橫】故齊王榮弟，齊敗，與其徒五百餘人入海島。漢高卽位，召之。橫與其客二人乘傳至戶，廢擲，遂自刎。

二客隨之。其餘在海中者，亦皆自殺。【獻歎】悲泣氣咽而抽息也。【闕里】里名。在山東曲阜縣城中。【耿】明也。

### 祭河南張員外文

張員外名曙，河間人，爲河南縣令。

貞元十九，君爲御史。余以無能，同詔並時。丈里切君德渾剛，標高揭己。有不吾

如，唾猶泥滓。

壯士切

余慙

降切

而狂，年未三紀，乘氣加人，無挾自恃。彼婉孌者，實憚

吾曹。側肩帖耳，有舌如刀。我落陽山，以尹颺音音。君飄臨武，山林之牢。歲弊

寒兇，雪虐風饕。

他刀切

顛於馬下，我洒君咷。

音音

夜息南山，同臥一席。守隸防夫，觥禮典

頂交跖。

雙音

洞庭漫汗。

寒音

粘天無壁，風濤相撻。

灰音

中作霹靂。追程盲進，颿帆同船箭

激。南上湘水，屈氏所沈。二妃行迷，淚蹤染林。山哀浦思，鳥獸叫音。余唱君和，百篇

在吟。君止於縣，我又南躡。把鱖阻限切相飲，後期有無。期宿界上，一夕相語。自別幾

時，遽變寒暑。枕臂敲眠，加余以股。僕來告言，虎入廡處。無敢驚逐，以我矇蒙音去。君

云是物，不駿於乘。虎取而往，來寅其徵。我預在此，與君俱膺。猛獸果信，惡禱而憑。余出嶺中，君埃同州下。偕掾江陵，非余望者。柳琛音山奇變，其水清寫。泊沙倚石，有還音同無捨。衡陽放酒，熊咆鹿音虎嘯。豪音不存令章，罰籌蝟胃音毛。委舟湘流，往觀南嶽。雲壁潭潭，穹林攸擢。避風大湖，七日鹿角。鈎登大鮎，粘音怒頰豕狗。許角切鬻盤炙酒，羣奴餘啄。走官階下，首下尻考平高。下馬伏塗，從事是遭。予徵博士，君以使已。相見京師，過願之始。分教東生，君掾雍首。兩都相望，於別何有。解手背面，遂十一年。君出我入，如相避然。生闕死休，吞不復宣。刑官屬郎，引章訐奪。權臣不愛，南康是幹。管音明條謹獄，氓獠老音戶歌。用遷里音浦，爲人受瘥。坐平還家東都，起令河南。屈拜後生，憤所不堪。屢以正免，身伸事蹇。竟死不升，孰勸爲善。丞相南討，余辱司馬。議兵大梁，走出洛下。哭不憑棺，奠不親舉。賈音不撫其子，葬不送野。望君傷懷，有殞如瀉。銘君之績，納石壤中。爰及祖考，紀德事功。外著後世，鬼神與通。君其奚憾，不余鑒衷。嗚呼哀哉！尙饗！

- 【時】立也。【慧】愚而剛直。【婉孌句】時爲李實所識。【陽山】今廣東陽山縣。【鼯】鼠類。有肉翅，似蝙蝠，能飛。【猱】猴也。言陽山之人如鼱猱。【臨武】今湖南臨武縣。【弊】盡也。【泗】泉流。【咷】泣不止也。【舐】舐也。【跣】腳掌。【漫汗】水廣大貌。【逐】擊也。【湘水】一名湘江，在湖南零陵縣北。【屈氏】屈原沈於汨羅，汨羅西流入湘。【二妃】《博物志》舜有二妃，舜崩，二妃啼，以涕揮竹，竹盡斑。【箴】小杯。【驟】驢子。【來寅句】來歲寅月，當有佳徵。【膺】當也。【猛獸兩句】虎來，佳兆。果有府掾之命，不必禱而可遇。【江陵】今湖北縣。貞元十九年，愈與張署自御史出南方爲掾。明年，順宗卽位，俱徙江陵。【郴山】今湖南郴縣之黃岑山，郴水發源於此。愈遇赦後，隴陽山。蛟命於郴。秋末，始受法曹之命。【遷】逢也。【不存令章二句】違酒令則以簿紀罰。蝟毛，喻多也。【南嶽】卽衡山。【潭潭】深也。【大湖】卽洞庭湖，在湖南岳陽縣西南。【鹿角】洞庭湖中地名。【鮎】魚名。無鱗，多黏質。【狗】豕怒聲。【走官階下】謂江陵府。【尻】脊骨盡處。【予徵二句】元和元年，愈召爲國子博士。署掾江陵半年，憲管奏爲判官，不往。【分教二句】元和二年，愈分教東都，署爲京兆府司錄參軍。雍州名。今陝西省地。【刑官二句】署後遷尙書刑部員外郎，守法爭議，改虔州刺史。虔州，今江西贛縣等地。晉以後爲南康郡。【猿】嶺表之蠻。【用遷澧浦】署自虔州改澧州刺史。澧州，治今湖南澧縣。【爲人受瘡】署爲澧州刺史，民稅出雜產物與錢。尙書有經數，觀察使陳州徵錢倍經。署曰：「刺史不可貪官害民。」留陳不肯從，竟以代罷。瘡，罷病也。此作過字解。【丞相南討】元和十六年，以宰相裴度爲淮西宣慰處置使，南討淮蔡。【學】爵也。

## 祭柳子厚文

嗟嗟子厚！而至然邪！自古莫不然，我又何嗟。人之生世，如夢一覺。敬音其間利害，竟亦何校。當其夢時，有樂有悲；及其既覺，豈足追維？凡物之生，不願爲材；犧沙音尊青黃，乃木之災。子之中棄，天脫屬音羈。玉佩瓊琚，居音大放厥辭。富貴無能，磨滅誰紀。子之自著，表表愈偉。不善爲斲，血指汗顏；巧匠旁觀，縮袖閒。子之文章，而不用世；乃令吾徒，掌帝之制。子之視人，自以無前。一斥不復，羣飛刺天。嗟嗟子厚！今也則亡。臨絕之音，一何琅琅。徧告諸友，以寄厥子。不鄙謂余，亦託以死。凡今之交，觀勢厚薄；余豈可保，能承子託？非我知子，子實命我。猶有鬼神，寧敢遺墮。念子永歸，無復來期；設祭棺前，矢心以辭。嗚呼哀哉！尙饗！

【覺】寤也。

【犧尊青黃】犧，酒尊，青黃其飾。（莊子）純樸不殘，孰爲犧尊。

【擗】擊足也。

【玉佩句】佩玉在上爲珩，在下

爲璜，有二組，以左右交牽之；二組相交處，一物居其間，卽琿也。琿以瓊玉爲之，瓊，美玉也。此則狀其文字之美。【斥不復】子厚以篇



王叔文，貶永州司馬。後徙柳州刺史卒。

【羣飛刺天】飛一作非。言非之者衆。刺，猶責也。

### 獨孤申叔哀辭

申叔，字子重，二十二舉進士。文二年，用博學宏辭爲校書郎。文三年，居父喪，未練而歿。

衆萬之生，誰非天邪！明昭昏蒙，誰使然邪！行何爲而怒，居何故而憐耶？胡喜厚其所可薄，而恆不足於賢邪？將下民之好惡，與彼蒼懸邪？抑蒼茫無端，而暫寓其間邪？死者無知，吾爲子慟而已矣！如有知也，子其自知之矣！濯濯其英，曄曄其光，如聞其聲，如見其容，嗚呼遠矣！何日而忘。

均輒切

【怒】猶嫉忌。指小人。

【憐】猶惜也。指君子。

【濯濯】光明也。

【曄曄】盛貌。

### 歐陽生哀辭

并序 歐陽生，名廌，字行周，泉州晉江人。

歐陽詹，世居閩越。自詹以上，皆爲閩越官。至州佐縣令者，累累有焉。閩越地肥衍，有山泉禽魚之樂，雖有長材秀民，通文書吏事，與上國齒者，未嘗肯出仕。今

上初，故宰相常袞爲福建諸州觀察使，治其地。袞以文辭進，有名於時。又作大官，臨蒞其民。鄉縣小民，有能誦書作文辭者，袞親與之爲客主之禮。觀遊宴饗，必召與之。時未幾，皆化翁然。詹於時獨秀出，袞加敬愛，諸生皆推服。閩越之人舉進士，繇詹始。建中貞元間，余就食江南，未接人事，往往聞詹名閭巷間。詹之稱於江南也久。貞元三年，余始至京師，舉進士，聞詹名尤甚。八年春，遂與詹文辭同考試，登第，始相識。自後詹歸閩中，余或在京師他處，不見詹久者，惟詹歸閩中時爲然。其時與詹離，率不歷歲，移時則必合；合必兩忘其所趨，久然後去。故余與詹相知爲深。詹事父母盡孝道，仁於妻子，於朋友義以誠，氣醇以方，容貌嶷逆音嶷然。其燕私善諱以和，其文章切深喜往復，善自道，讀其書，知其於慈孝最隆也。十五年冬，余以徐州從事，朝正於京師。詹爲國子監四門助教，將率其徒伏闕下，舉余爲博士。會監有獄，不果上。觀其心有益於余，將忘其身之賤而爲之也。嗚呼！詹今其死矣！詹閩越人也，父母老矣。捨朝夕之養以來京師，其心將以有得於是而歸爲父

母榮也。雖其父母之心亦皆然。詹在側，雖無離憂，其志不樂也。詹在京師，雖有離憂，其志樂也。若詹者，所謂以志養志者歟！詹雖未得位，其名聲流於人人，其德行信於朋友，雖詹與其父母，皆可無憾也。詹之事業文章，李翱既爲之傳，故作哀辭以舒余哀，以傳於後，以遺其父母，而解其悲哀，以卒詹志云。

求仕與友兮，遠違其鄉。父母之命兮，子奉以行。友則既獲兮，祿實不豐。以志爲養兮，何有牛羊。事實既修兮，名譽又光。父母忻忻兮，常若在旁。命雖云短兮，其存者長。終要必死兮，願不永傷。友朋親視兮，藥物甚良。飲食孔時兮，所欲無妨。壽命不齊兮，人道之常。在側與遠兮，非有不同。山川阻深兮，魂魄流行。祀祭則及兮，勿謂不通。哭泣無益兮，抑哀自疆。推生知死兮，以慰孝誠。嗚呼哀哉兮，是亦難忘。

【常袞】京兆人，建中初，爲福建觀察使。【合必兩忘句】會合後，皆忘所欲至之地。【巖巖】（詩大雅克岐克巖，巖）其貌

巖巖然，有所識別也。【徐州從事】時憲爲徐州節度推官。

# 祭兄子十二郎老成文

老成，十二郎名，退之之姪，率府參軍介之子。介二子，長百川，季老成。起居舍人會無

子，以老成爲後。老成生滂，百川死，退之命滂歸後其祖介。睿遣中原亂，與老成避地江南，至是老成死於江南。時貞元十七年也。

年月日，季父愈，聞汝喪之七日，乃能銜哀致誠，使建中遠具時羞之奠，告汝

十二郎之靈：嗚呼！吾少孤，及長，不省所怙，戶音惟兄嫂是依。中年兄歿南方，吾與汝

俱幼，從嫂歸葬河陽；既又與汝就食江南，零丁孤苦，未嘗一日相離也。吾上有三

兄，皆不幸早世。承先人後者，在孫惟汝；在子惟吾；兩世一身，形單影隻。嫂嘗撫汝

指吾而言曰：『韓氏兩世，惟此而已。』汝時尤小，當不復記憶；吾時雖能記憶，亦

未知其言之悲也。吾年十九，始來京城；其後四年，而歸視汝。又四年，吾往河陽省

墳墓，遇汝從嫂喪來葬。又二年，吾佐董丞相幕于汴州，汝來省吾；止一歲，請歸取

其孥。明年丞相薨，吾去汴州，汝不果來。是年，吾又佐戎徐州，使取汝者始行，吾又

罷去，汝又不果來。吾念汝從于東，東亦客也，不可以久；圖久遠者，莫如西歸，將成家而致汝。嗚呼！孰謂汝遽去吾而沒乎！吾與汝俱少年，以爲雖暫相別，終當久相與處；故捨汝而旅食京師，以求斗斛之祿。誠知其如此，雖萬乘之公相，吾不以一日輟汝而就也。去年孟東野往，吾書與汝曰：『吾年未四十，而視茫茫，而髮蒼蒼，而齒牙動搖，念諸父與諸兄，皆康強而早世，如吾之衰者，其能久存乎！吾不可去，汝不肯來，恐且暮死而汝抱無涯之戚也。』孰謂少者歿而長者存，强者夭而病者全乎！嗚呼！其信然邪？其夢邪？其傳之非其真邪？信也，吾兄之盛德而天其嗣乎？汝之純明而不克蒙其澤乎？少者强者而天歿，長者衰者而存全乎？未可以爲信也。夢也，傳之非其真也；東野之書，耿蘭之報，何爲而在吾側也？嗚呼！其信然矣！吾兄之盛德而天其嗣矣！汝之純明，宜業其家者，而不克蒙其澤矣！所謂天者誠難測，而神者誠難明矣！所謂理者不可推，而壽者不可知矣！雖然，吾自今年來，蒼蒼者或化而爲白矣；動搖者或脫而落矣。毛血日益衰，志氣日益微，幾何不從汝而

死也。死而有知，其幾何離；其無知，悲不幾時，而不悲者無窮期矣。汝之子，始一歲，吾之子，始五歲。少而強者不可保，如此孩提者，又可冀其成立邪？嗚呼！哀哉！嗚呼！哀哉！汝去年書云：『比遜音得軟腳病，往往而劇。』吾曰：『是疾也，江南之人，常常有之，未始以爲憂也。』嗚呼！其竟以此而殞其生乎？抑別有疾而至斯乎？汝之書，六月十七日也。東野云：汝歿以六月二日。耿蘭之報無月日。蓋東野之使者，不知問家人以月日。如耿蘭之報，不知當言月日。蓋東野與吾書，乃問使者，使者妄稱以應之耳。其然乎？其不然乎？今吾使建中祭汝，弔汝之孤，與汝之乳母，彼有食可守以待終喪，則待終喪而取以來；如不能守以終喪，則遂取以來。其餘奴婢，並令守汝喪。吾力能改葬，終葬汝於先人之兆，然後惟其所願。嗚呼！汝病吾不知時，汝歿吾不知日，生不能相養以共居，歿不得撫汝以盡哀。斂不得憑其棺，窆時驗切不得臨其穴。吾行負神明，而使汝夭。不孝，不慈，而不得與汝相養以生，相守以死。一在天之涯，一在地之角。生而影不與吾形相依；死而魂不與吾夢相接。吾實爲之，

其又何尤！彼蒼者天，曷其有極！自今以往，吾其無意於人世矣！當求數頃之田，於伊潁之上，以待餘年。教吾子與汝子，幸其成；長吾女與汝女，待其嫁。如此而已。嗚呼！言有窮而情不可終。汝其知也邪？其不知也邪？嗚呼哀哉！尚饗！

【建中】人名。【吾少孤】見祭鄭夫人文。

【怙】恃也。《詩》無父何怙。

【兄嫂】兄即韓會，嫂即鄭夫人。爲十二郎之母。

【就食江南】建中二年，避地江左，家於宣州。

【兄歿南方】謂會守韶州，卒於貶所。

【河陽】河南府，今河南省孟縣，有河

陽故城。

【吾年十九】貞元二年。

【其後四年】貞元六年。

【佐董丞相幕】董丞相，董管也。貞元十三年，管守汴州，辟

退之爲節度推官。

【孥】妻子也。

【佐戎徐州】張建封辟退之爲徐州節度推官。

【罷去】十六年五月，張建封卒，退之西

歸洛陽。

【孟東野】名郊，武康人。貞元中舉進士，官溧陽縣尉。

【耿蘭】家人名。

【女之子】謂湘也。後湘登長慶三年第。

【吾之子】謂湘也。湘登長慶四年之第。

【劇】甚也。

【窆】下棺也。

【穴】墓地。堊兆曰穴。《詩》臨其穴。

【兆】塋也。《孝

經》卜其宅兆而安厝之。

【頃】田百畝曰頃。

【伊潁】伊水，潁水。

## 祭鄭夫人文

維年月日，愈謹於逆旅備時羞之奠，再拜頓首，敢昭告于六嫂榮陽鄭氏夫

人之靈。嗚呼！天禍我家，降集百殃。我生不辰，三歲而孤；蒙幼未知，鞠我者兄。在死而生，實維嫂恩。未齟初一年，兄宦王官，提攜負任，去洛居秦。念寒而衣，念飢而飧。疾疹音水火，無災及身。劬勞閔閔，保此愚庸。年方及紀，薦及凶屯。兄罹讒口，承命南遷。窮荒海隅，天闕百年。萬里故鄉，幼孤在前；相顧不歸，泣血號天。微嫂之力，化爲夷蠻。水浮陸走，丹旄翩然。至誠感神，返葬中原；既克返葬，遭時艱難。百口偕行，避地江濱。音春秋霜露，薦敬蘋繁，以享韓氏之祖。考曰：『此韓氏之門。』視余猶子，誨化諄諄。音爰來京師，年在成人。屢貢于王，名迺有聞。念茲鈍頑，非訓曷因。感傷懷歸，殞涕熏心。苟容躁進，不顧其躬。祿仕而還，以爲家榮。奔走乞假，東西南南。孰云此來，迺睹靈車。有志弗及，長負慙慙。嗚呼哀哉！昔在韶州之行，受命于元兄曰：『爾幼養于嫂，喪服必以葦。』今其敢忘，天實臨之。嗚呼哀哉！日月有時，歸合塋封。終天永辭，絕而復蘇。伏維尙饗！

【鄭氏】退之之兄，起居舍人會之夫人。

【我生不辰】詩桑柔篇句。辰，時辰也。

【三歲而孤】天歷五年，退之父仲卿卒。



【齷】豎齒也。自乳齒變爲永久齒謂之齷。說文男八歲，女七歲而齷。

【疹】惡氣。

【劬】勞也。

【閔閔】憂懼貌。

【年

方及紀】十二年爲紀。大歷十二年五月，起居舍人韓會，坐元載貶官，退之是時年十一歲，從至貶所。

【兄罹讒口二句】大

歷十二年，宰相元載得罪，會坐黨與，自舍人貶韶州刺史。韶州，今曲江縣屬。

【天闕百年】會卒於韶，年僅四十二。

【丹旒】喪

家所用之銘旌也。（王褒詩）丹旒膏空使。

【返葬中原】謂葬於河陽也。

【避地江濱】水涯曰濱。建中二年，中原多故，退之

避地江左。卽復志賦所謂值江南之有事，今將就食於江南是也。

【爰來京師】退之建中二年，避地宣州，貞元二年，自宣州遊京

師。【喪服必以葍】瘦死，叔舊無服。貞觀中，魏徵令孤德柔等議，請服小功五月，制可。退之幼養於嫂，故服葍以報云。

## 弔武侍御所畫佛文

御史武君，當年喪其配，斂其遺服櫛珥，音繫音輓于篋。月旦十五日，則一出

而陳之，抱嬰兒以泣。有爲浮屠之法者，造武氏而諭之曰：『是豈有益邪？』吾師

云：『人死則爲鬼，鬼且復爲人，隨其所積善惡受報，環復不窮也。極西之方有佛

焉，其土大樂。親戚姑能相爲圖，是佛而禮之，願其往生，莫不如意。』武君憮然辭

曰：『吾儒者，其可以爲是。』旣又逢月日十五日，復出其篋實而陳之，抱嬰兒以

泣。殆而悔。且曰：是真何益也。吾不能了釋氏之信不否。又安知其不果然。於是悉出其遺服櫛珮合若干種，就浮圖師請圖前所謂佛者，浮屠師受而圖之。韓愈聞而弔之曰：

哲哲兮目存，丁寧兮耳言。忽不見兮不聞，莽誰窮兮本源。圖西佛兮道予勲，以妄塞悲兮慰新魂。嗚呼！奈何兮弔以茲文。

【御史武君】武或以爲少儀，或以爲儒術，姓氏及御史皆同，未知孰是。按：退之太學碑琴詩序云：「有武少儀者，時爲司業，復以太常少卿兼御史中丞使南。」或卽其人邪？俟考。

【櫛】梳也。【珮】耳瑤。【鑿】小囊。【祝】佩巾。【篋】箱篋也。大曰箱，小曰篋。

【陳】陳列也。【浮屠】佛陀之異譯。【西方有佛】中州之西，有國曰身毒，釋迦示現之地。彼佛言曰：「西方有世界曰極樂，佛號無量壽如來，有能誠心大願，歸心是土者，苟能念力具足，則往生彼國，然後出三界之外。」見《柳宗元永州龍興寺修

淨土院記》。【愾然】茫然自失之貌。【殆】始也。【哲哲】猶煌煌也。《詩》：明星哲哲。一云：形容潔白。【妄】謂佛也。

### 祭穆員外文

爲崔侍御題作。穆員外，名員，字與直，懷州河內人。

於乎建中之初，余居於嵩。攜扶北奔，避盜來攻。晨及洛師，相遇一時。顧我如

故，眷然顧之子。有令聞，我來自山。子之峻明，我鈍而頑。道既云異，誰從知我。我思其厚，不知其可。於後八年，君從杜侯。我時在洛，亦應其招。留守無事，多君子僚。罔有疑忌，維其嬉游。草生之春，鳥鳴之朝。我轡在手，君揚其鑣。君居於室，我既來卽，或以嘯歌，或以偃側。誨余以義，復我以誠。終日以語，無非德聲。主人信讒，有惑其下。殺人無罪，誣以成過。入救不從，反以爲禍。赫赫有聞，王命三司。察我於獄，相從係縲。曲生何樂，直死何悲。上懷主人，內閔其私。進退之難，君處之宜。既釋於囚，我來徐州。道之悠悠，思君爲憂。我如京師，君居父喪。哭泣而拜，言詞不通。我歸自西，君反吉服。晤言無他，往復其昔。不日而違，重我心惻。自後聞君，母喪是了。痛毒之懷，六年以并。孰云孝子，而殞厥靈！今我之至，入門失聲。酒肉在前，君胡不餐。登君之堂，不與我言。嗚呼死矣！何日來還！

【建中】德宗年號。

【嵩】中嶽，在河南省。

【洛師】今河南洛陽縣。

【杜侯】貞元五年，以杜亞爲東部留守。亞辟貞爲從

事，崔鉉時亦爲亞所辟。

【鑣】馬銜。

【釋囚】令狐運爲東京牙門將，亞惡之，會盜規輸絹，運適敗，近郊亞命員及從事張弘靖鞠

其事無之，匪怒，囚員等，員由此知名。

### 祭郴州李使君文

郴州，治今湖南郴縣。

維年月日，將仕郎守江陵法曹參軍韓愈，謹以清酌庶羞之奠，致祭于故郴州李使君三兄之靈。古語有之：『白頭如新，傾蓋如舊。』顧意氣之何如，曷日月之足究，當貞元之癸未，惕皇威而左授。伏荒炎之下邑，嗟名類而位仆。歷貴部而西邁，邇清光於暫覲。言若交而情無由，既不賈古音而奚售。哀窮荒之無圖，挈如音百憂而自副。辱問訊之綢繆，恆飽飢而愈疚。接雄詞於章句，窺逸跡於篆籀。苞黃甘而致辭，獲紙筆之雙賈。投叉魚之短韻，媿韜瑕而舉秀。俟新命於衡陽，費薪芻於館候。空大亭以見處，憩水木之幽茂。逞英心於縱博，沃煩腸於清酌。音航北湖之空明，覩組去鱗介之驚透。宴州樓之豁達，衆管啾即由而並奏。得恩惠於新知，脫窮愁於往陋。輟行謀於俄頃，見秋月之三穀。逮天書之下降，猶低迴以宿留。音

念睽離之在期，謂此會之難。又授縞紵以託心，云茲誠之不謬。儻後日之北遷，約窮歡於一晝。雖掾俸之酸寒，要拔貧而爲富。何人生之難信，捐斯言而莫就。始訝信於暫疎，遂成凶於不救。見銘旌之低昂，尙遲疑於別袖。憶交疇而迭舞，奠單盃而哭柩。美夫君之爲政，不撓志於讒構。遭唇舌之紛羅，獨凌晨而孤確。古候切彼儉思廉切人之浮言，雖百車其何訴。洞古往而高觀，固邪正之相寇。幸竊覩其始終，敢不明白而蔽覆。神乎來哉！辭以爲侑。又音尙饗！

【將仕郎】(唐百官志)從九品下爲將仕郎。

【江陵】今縣名。本秦湫隘渚宮地。唐置江陵郡，今屬湖北荆南道。

【郴州】隋

置郴州，尋廢。唐復置。今改縣，屬湖南衡陽道。

【法曹參軍】本爲參謀軍事而設，至晉後置爲官員，如諸議記室錄事，及諸曹皆有

參軍。【白頭如新二句】漢鄒陽語。

【貞元】唐德宗年號。

【癸未】貞元十九年。

【左授】降職也。貞元十九年，退之

拜監察御史，冬貶陽山令。

【下邑】謂連州陽山。故城在廣東陽山縣東。

【貴部】即郴州。

【挈】與率同。牽引也。【副】

稱也。如其實則謂之副。

【箒】即大箒。以其爲周宣王時太史所作，故名之。

【黃甘】今之新會橙。蓋昌黎送橙於李。【紙筆雙

寶】雙寶，猶貿易而雙也。李寄紙筆云：「莫怪殷勤謝，虞卿正著書。」

【又魚短韻】即退之又魚十八韻，答張功曹者。【新命】

貞元二十一年，退之以順宗赦，從掾江陵，待命於郴州。

【衡陽】郴在衡山之陽。

【耐】醇酒也。謂重釀之酒，今謂之雙套酒。

【北湖】郝州北湖廣十餘里。

【覩】何視也。

【三穀】穀，弓滿也。猶云一月有半。

【縞紵】吳季札聘鄭，見子產，與之縞帶。

子產獻紵衣。見左傳。後用爲友贈語。

【掾】謂法曹。

【銘】明旌也。以死者爲不可別，故以識之。

【齋】亦作齋。詩：酌言醴。

之。

【哭柩】李於貞元二十一年死，柩過江陵，韓祭之。

【孤雛】雛，鳴也。

【儉人】謂倨人也。書：其勿以儉人。

【浮言】

無根之說。

【百車】一作百年。

【訐】恥辱也。禮：常以儒相詬病。

【洞】明徹也。

【侁】勸也。

### 祭馬總僕射文

馬總，字會元，扶風人。

維年月日，吏部侍郎韓愈，謹以清酌庶羞之奠，敬祭於故僕射馬公十二兄之靈。惟公弘大溫恭，全然德備。天故生之，其必有意；將明將昌，實艱初試。佐戎滑台，斥由尹寺。適彼甌閩，臚音臚觚音兀跛躓音至顛而不踈音危，乃得其地。于泉于度，始執郡符。遂殿交州，抗節番禹音愚，去其螟蠹，蠻越大蘇。擢亞秋官，朝得碩士。人謂其崇，我勢始起；東征淮蔡，相臣是使。公兼邦憲，以副經紀。殲音總彼大魁，厥勳孰似，丞相歸治，留長秦師。茫茫黍稷，昔實棘茨。鳩鳴雀乳，不見臬鷗。惟蔡及許，舊爲血仇，命公并侯，耕借之牛。束其弓矢，禮讓優優。始誅鄆音運戎，厥墟腥臊，公往滌之。

茲惟樂郊，惟東有瀾，制音惟西有虺，音顛覆朋鄰，我餘有幾，音律罕音罕音，律音中居，斬其脊尾，音岱定河安，惟公之躋，音帝念厥功，還公于朝，陟于地官，且長百僚，度彼四方，孰樂可據，顧瞻鈞衡，將舉以付，惟公積勤，以疾以憂，及其歸時，當謝之秋，賀問未歸，弔廬已萃，未燕于堂，已哭于次，昔我及公，實同危事，且死且生，誓莫捐棄，歸來握手，曾不三四，曾不濡音翰，醺醉文字，曾不醉飽，以勸酒裁，音奠以敘哀，其何能致！嗚呼哀哉！尙饗！

【吏部侍郎】退之長慶三年九月爲吏部侍郎。

【僕射】官名。唐左右僕射爲宰相之任。

【馬十二】名總，字會元，扶風人。

【佐戎滑臺】貞元十三年，姚南仲鎮滑臺，辟總爲從事。

【斥由尹寺】尹寺，即太監薛盈珍也。貞元十六年，薛爲監軍使，誣奏南

仲不法，總貶泉州司馬。

【甌閩】謂泉州。

【餽飢】即馳驅不安也。易困於葛藟于臲臲。

【跛躓】失足傾跌也，進退有礙也。

【踈】折足也。

【泉】泉州，今福建晉江縣。

【虔】虔州。

【始執郡符】元和初，總爲虔州刺史。

【殿】鎮也。詩殿

天子之邦。

【交州】即安南。元和四年，以總爲交南都護。

【番禺】總刺虔州，都護安南，由海中大巖夷連身毒之西，浮舶聽命，威

被公德。番禺，指南海廣州。

【螟】香稻之蟲。詩去其螟蠶。

【蠻越大蘇】總在南海累年，清廉不撓，夷獠於澳所立銅柱處，特

鑄二銅柱，以繼伏波之迹。

【擢亞句】自嶺南入爲刑部侍郎。

【東征二句】元和十二年七月，以宰相總度爲彰義軍節度使，

仍充淮西宣慰使。【兼邦二句】十二年以總兼御史大夫，充淮西行營宣慰副使。【大魁】吳元濟也。【留長秦師】吳

元濟謀，總留秦州，爲彰義留後。奏改彰義爲淮西。十二月以總檢校工部尚書，秦州刺史，充淮西節度使。【棘茨】草木刺人者，名曰

棘茨，疾藜也。【梟鳴】惡鳥噉賊。【并侯】元和十三年五月，以總爲許州刺史忠武軍節度。陳許潁等州觀察處置等使，潁舊屬

淮西，故云并侯。【鄆戎】東平節度使李師道也。元和十四年二月被誅。【公往滌之】元和十四年四月，以總爲鄆州刺史天

平節度鄆曹濮等州觀察使也。【獬】狂犬也。（淮南子）獬狗不自投於河。【虺】毒蛇。【顛覆朋鄰二句】元和十四年七

月，沂州軍亂，殺節度使王遂，長慶元年七月，盧龍軍亂，囚節度使張弘靖。成德亂，殺節度使田弘正。二年正月，魏博節度使田布自殺，三

月武寧節度使崔羣爲軍中所逐。【律萃】山高峻貌。【躓】是也。（左傳）犯五不躓。【地官】長慶二年十一月，以總爲戶部

尚書。【鈞衡】猶言大權。【謝秋】致仕之時。【弔廬】長慶三年八月總卒。【同危】同征淮蔡。【截】切肉也。（詩）

毛無微義。

### 祭張給事文

給事，名徹，元和四年登第。

維年月日，兵部侍郎韓愈，謹以清酌之奠，祭于故殿中侍御史贈給事中張君之靈。惟君之先，以儒名家。逮君皇考，再振厥華。鄉貢進秀，有司第之。從事元戎，



謹職以治，遂拜郎官，以職王憲。不長其年，飛不盡翰。乃生給事松貞玉剛，幹父之業，纂文有光。屢辟侯府，亦佐梁師。前人是似，臺音迪吏嗟咨。御史闕人，奪之於朝。大厦之構，斧斤未操。府遷幽都，頑悖未孚。繫君之賴，乃奏乞留。乃遷殿中，朱衣象板，惟義之趨，豈利之踐。虺豺發釁，闔府屠剝。償其恨犯，君獨高脫。露刃成林，弓矢穰穰。千萬爲徒，譟四與譟音歡爲狂；君獨叱之，上不負汝，爲此不祥，將死無所。雖愚無知，慙屈變色。君義不辱，殺身就德。天子嘉之，贈官近侍。歸於一死，萬古是記。我之從女，爲君之配。君於其家，行實高世。無所掩葬，與魂東歸。誅以贈之，莫知我哀。嗚呼哀哉！尙饗！

【**皇考**】名休，管佐宣武軍。

【**鄉貢**】唐取士之法，由州縣舉選，不由學館者。曰鄉貢。見《唐書選舉志》。

【**進秀**】（謚）大業正論。

造士之秀者以告于王，而升之司馬，曰進士。設此科目自隋始，唐以來因之。

【**第**】科第也。以有甲乙次第而名。

【**郎官**】唐專指

郎中員外，非若漢世侍郎郎中，皆稱郎官。

【**臺**】年八十曰臺。

【**御史闕人八句**】長慶元年三月，以宣武軍節度使張弘靖爲

盧龍節度使。徵先爲宣武從事，累遷監察御史。至是弘靖仍辟徵爲盧龍判官。時牛僧孺奏徵爲真御史，弘靖遣之，而密奏幽州不延日

久，今臣始至，須強佐乃濟，行半道，有詔以徵還之。

【**乃遷殿中二句**】徵遷殿中侍御史，賜緋衣銀魚，仍爲盧龍判官。【**贈君**

【近侍】幽州盛車。以其事聞，贈給事。

【穰穰】多也。《詩》：豐年穰穰。

【殺身句】都知兵馬使朱克融囚弘靖於薊門館，殺恭

儆等。以徵長者不殺，置徵於弘靖所。居月餘，遷之別館。徵出門罵曰：汝何故反，行且罵，衆即擊君以死。

【從女二句】徵妻開封尉

俞之女，爲公之從子婦。

【東歸句】徵死，或收瘞之。其友侯雲長佐鄆節，請於其帥，馬總范陽人，義而歸之，詔賜錢物以葬。

## 祭女挈女文

維年月日，阿爺阿八，使汝孀奴，以清酒時果，庶羞之奠，祭于第四小娘子

挈汝之靈。嗚呼！疇汝疾革，殛值吾南逐。蒼黃分散，使汝驚憂。我視汝顏，心知死

隔。汝視我面，悲不能啼。我旣南行，家亦隨譴。扶汝上輿，走朝至暮。天雪冰寒，傷女

羸雷肌。撼領頓險阻，不得少息。不能食飲，又使渴飢。死于窮山，實非其命。不免水

火，父母之罪。使汝至此，豈不緣我。草葬路隅，棺非其棺。旣瘞壺，遂行，誰守誰瞻。

魂單骨寒，無所託依。人誰不死，於汝卽寃。我歸自南，乃臨哭汝。汝目汝面，在我眼

旁。汝心汝意，宛宛可忘。逢歲之吉，致汝先墓。無驚無恐，安以卽路。飲食柔甘，棺輿

華好歸于其丘，萬古是保，尙饗！

【孀】乳母。

【革】急也。禮：夫子之疾革矣。

【撼頓】動搖顛頭也。

【死於鷄山】元和十四年正月，退之以論佛骨貶潮

州，女學時年十二在病，與致就道，二月二日，死於南南層峯驛。【不免水火二句】（昭十九年穀梁傳）子既生，不免於水火。父母

罪也。【我歸自南】元和十五年九月，退之自袁州，入爲國子祭酒。【致汝先墓】長慶三年十月四日，退之尹京兆，發其骨

葬河陽。

### 祭薛助教文

薛助教名達，字大頤。

維元和四年，歲次己丑，後三月二十一日景寅，朝議郎守國子博士韓愈，太學助教侯繼，謹以清酌之奠，祭於亡友國子助教薛君之靈。嗚呼！吾徒學而不見施設，祿又不足以活身，天於此時，奪其友人。同官太學，日得相因。奈何永違，祇隔數晨。笑語爲別，慟哭來門。藏棺蔽帷，欲見無緣。皎皎眉目，在人目前。酌以告誠，庶幾有神。嗚呼哀哉！尙饗！

【景寅】丙寅，作景寅，避唐諱也。

【清酌】（禮曲禮）酒曰清酌。

祭虞部張員外文

張員外名季友，字季權。

維年月日，愈等謹以清酌庶羞之奠，敬祭於亡友張十三員外之靈。嗚呼！往在貞元，俱從賓薦。司我明試，時惟邦彥。各以文售，幸皆少年。羣游旅宿，其歡甚焉。出言無尤，有獲同喜。他年諸人，莫有能比。儻音同條忽逮今，二十餘歲。存皆衰白，半亦辭世。外纏公事，內迫家私。中宵興嘆，無復昔時。如何今者，又失夫子。懿德柔聲，永絕心耳。廬親之墓，終喪乃歸。陽瘡音音避職，妻子不知。分司憲臺，風紀由振。遂遷司虞，以播華問。不能老壽，孰究其因。託嗣於宗，天維不仁。酒食備設，靈其降止。論德敘情，以視諸誅。尙饗！

【貞元】德宗年號。

【明試二句】貞元八年，陸贄典貢舉。邦彥指陸。

【廬墓】孝權母卒，既葬，守墓三年而後歸。


【陽瘡

句】貞元十六年，張愔爲徐州圍練使，請孝權爲判官，授協律郎，孝權詐稱疾，不言三年，元和初，愔死，疾卽已。


【司虞】唐武德三

年，改虞部曰司虞。





標商冊註



910  
806

中國文學精華

注音

韓 昌 黎 文

曾滌生選本

下冊

韓昌黎



844.16  
234-43  
:2



3 0526 6701 5

注音  
韓昌黎文 卷一

曹成王碑

曾滌生先生選本



王姓李氏，諱臯，字以諡曰成。其先王明，以太宗子，國曹。絕復封。傳五王，至成王。成王嗣封，在玄宗世。蓋於時年十七八。紹爵三年，而河南北兵作，天下震擾。王奉母太妃，逃禍民伍，得閒走蜀。從天子，天子念之，自都水使者，拜左領軍衛將軍，轉貳國子祕書。王生十年而失先王，哭泣哀悲，弔客不忍聞，喪除痛刮磨豪習，委已於學，稍長，重知人情，急世之要，恥一不通。侍太妃，從天子於蜀，既孝既忠，持官持身，內外斬斬，由是朝廷滋欲試之於民。上元元年，除溫州長史，行刺史事，江東新剗枯音於兵，郡旱饑，民交走，死無弔。王及州，不解衣，下令培音鎖擴門，悉棄倉實與民，活數十萬人。奏報，升秩少府。與平袁賊，仍徙祕書，兼州別駕，部告無事，遷真於衡，法成令修，治出音聲生勢長，觀察使噎音不能出氣，誣以過犯，御

曹成王碑

85788



史助之，貶潮州刺史。楊炎起道州，相德宗，還王於衡，以直前諷。王之遭誣在理，念太妃老，將驚而戚，出則囚服就辯，入則擁笏垂魚，坦坦施施，卽貶於潮，以遷入賀。及是，然後跪謝告實。初，觀察使盧使將國良往戍界，良以武岡畔，戍衆萬人，斂兵荆黔洪桂，伐之二年，尤張。於是以王帥湖南，將五萬士，以討良爲事。王至，則屏兵，投良以書，中其忌諱，良羞畏乞降，狐鼠進退，王卽假爲使者，從一騎，蹕音五百里，抵良壁，鞭其門大呼我曹王來受良降，良今安在？良不得已，錯愕迎拜，盡降其軍。太妃薨，王棄部，隨喪之河南葬，及荆，被詔責還，會梁崇義反，王遂不敢辭以還，升秩散騎常侍。明年，李希烈反，遷御史大夫，授節帥江西，以討希烈。命至，王出止外舍，禁無以家事關我，裒兵，大選江州，羣能著職，王親教之，搏力勾卒羸越之法，曹誅五畀，艦步二萬人，以與賊遷。同楚快鋒蔡山，踣同之，剗烏丸切之黃梅，大鞣柔音長平，鑿潑音廣濟，掀軒音蘄春，撤辟片入蘄水，掇黃岡，筴頰音漢陽，行躡此音漢川，還大膊博音蘄水界中，披安三縣，拔其州，斬僞刺史，標光之北山，諧沓音隨光化，措古切巧。

其州十抽一推，救兵州東北屬鄉，還開軍受降。大小之戰三十有二，取五州十九縣，民老幼婦女不驚，市賈不變，田之果穀下無一跡。加銀青光祿大夫工部尚書，改戶部，再換節臨荆及襄，眞食三百。王之在兵，天子西巡於梁，希烈北取汴鄭，東略宋圍陳，西取汝，薄東都，王坐南方，北向落其角距，賊死咋音不能入寸尺，亡將卒十萬，盡輸其南州。王始政於溫，終政於襄，恆平物估，賤斂貴出，民用有經，一吏軌民，使令家聽戶視，姦宄軌音無所宿，府中不聞急步疾呼，治民用兵，各有條次，世傳爲法，任馬彘將慎將鏢將潛偕盡其力能。薨贈右僕射。元和初，以子道古在朝，更贈太子太師。道古進士司門郎，刺利隨唐睦，徵爲少宗正，兼御史中丞，以節督黔中，朝京師，改命觀察鄂岳，斬沔美辨切安黃，提其師以伐蔡，且行，泣曰：先王討蔡，實取沔，斬安黃，寄惠未亡，今余亦受命有事於蔡，而四州適在吾封，庶其有集。先王薨於今二十五年，吾昆弟在，而墓碑不刻，無文，其實有待，子無用辭。乃序而詩之。辭曰：

太支十三。曹於弟季。或亡或微。曹始就事。曹之祖王，畏塞絕遷。零王黎公，不聞僅存。子父易封，三王守名。延延百載，以有成王。成王之作，一自其躬。文被明章，武薦峻功。蘇枯弱彊，齟齬其姦猖。以報於宗，以昭於王。王亦有子，處王之所，惟舊之視。

蹶姑衛蹶，陞陞，實取實似。刻詩其碑，爲示無止。

【傳五王】高宗永隆時，明坐與太子賢通謀，降封零陵王。徙黔州，都督謝朮遣殺之。三千俊傑隨，後嗣王旋陵，隳并遇害。中宗神龍時，

以傑子胤嗣。後備自南還，詔以備易胤。胤卒，玄宗時，復封胤胤卒，子駝嗣。駝卒，子舉嗣。【河南北兵作】安祿山之亂。【太妃】

鄭氏。【走獨從天子】時玄宗幸岡。【都水使者】秦漢設都水長，都水丞，主陂池水利，漢武改此名。【先王】戰於開元

二十一年卒。【上元】肅宗年號。【溫州】治今浙江永嘉縣。【掇】擊也。【袁賊】寶應元年，袁晁反台州。【衡】衡州，

治今湖南衡陽縣。【觀察噓媚句】噓，結塞也。媚，忌嫉也。時辛京果爲湖南觀察使。【潮州】治今廣東潮安縣。【楊炎】字

公甫，鳳翔天興人。【道州】治今湖南道縣。【施施】行之舒也。【國良】姓王，湖南牙將，辛京果以其家富，使戍武岡，而以死罪

加之，國良懼，遂反。【武岡】今湖南武岡縣。【荆黔洪桂】廣，荊州治今湖北江陵縣，領縣八。黔，州治今四川彭水縣，領縣六。洪

州，治今江西南昌縣，領縣七。桂州，治今廣西桂林縣，領縣十一。【狐鼠】狐性多疑，鼠性畏怯。【蹕】走也。【梁崇義】京兆長

安人，德宗建中二年，詔加崇義同平章事，遣御史張著賚手詔徵之，至襄陽，崇義懼，陳兵而見，不受詔，上命李希烈督諸道兵討之。

李希烈，蕪州遼西人，建中三年反，以阜爲江西觀察使，兼御史大夫。【大選江州】江州本作洪州，阜至洪州，悉集將佐，簡閱

其才。【搏力句】按《新唐書》搏作團。搏力，秦兵法。馮秦姓。勾卒，越兵法。《左哀》越子伐吳，吳子禦之笠澤，夾水而陣，越子爲左右勾

卒。《杜注》勾卒，勾伍相著，別爲左右也。【曹誅句】敗則誅及其曹，獲則分界其位。【選】選也。【曠鋒】一舉盡食之意。《路

史》漢武帝好大而喜功，使者張騫乃反諷以西域之富，於是噉兵以爭之。【蔡山】在黃梅縣西南。【剋】削也。【蕲之黃

梅】蕲州領蕲春、黃梅、廣濟、蕲水、四縣。【鞣】栗也，熟皮曰鞣，此作降服解。【長平】故城在今河南西華縣東南。【鏖】斬伐

也。【廣濟】今湖北廣濟縣。【掀】舉也。【蕲春】今湖北蕲春縣。【撤】擊也。【蕲水】今湖北蕲水縣。【撥】拾取也。

【黃岡】今湖北黃岡縣。【筴】舉也。【漢陽】今湖北漢陽縣。【跳汊川】蹶，踏也。汊川城，在今湖北漢陽縣。【大膊】

膊，磔也。《左成》殺而膊諸城上。【安三縣】安州之三縣，唐安州治今湖北安陸縣，領安陸、雲夢、孝昌、應城、吉陽、應山六縣。【僞

刺史】謂王嘉祥。【標】旗也。【光之北山】唐光州治今河南潢川縣，領定城、光山、仙居、殷城、固始五縣。北山疑光山之誤。即汝

陽道光山縣是。【稽】食也。【隨光化】並今湖北隨縣地。唐隨州治此，領隨、光化、棗陽、唐城四縣。【拊】同搥，手動也。【十

抽一推】陳后山謂唐令民二十成丁爲推，此言十推而抽其一爲兵。【五州】蕲、黃、安、沔、隨。【十九縣】蕲四縣，安六縣，黃三

縣，隨四縣，沔二縣。【再換節句】貞元元年，學爲荊南節度使，三年，爲襄州刺史，山南東道節度使。【眞食三百】官實任日

眞。畢達刺南節度使，賜實戶三百戶。【梁】唐梁州，治今陝西南鄭縣。興元二年，車駕幸梁州。【汴】唐汴州，治今河南開封縣。建

中四年，李希烈陷汴州。【鄭】唐鄭州，治今河南鄭縣。【宋】唐宋州，治今河南商丘縣。【陳】唐陳州，治今河南淮陽縣。【汝

唐汝州，治今河南臨汝縣。【咋】大聲。【馬孛】扶風人，時掌幕府。【將慎】姓伊，字寡悔，兗州人。【將鏢】姓王，字昆吾，

太原人。【將潛】即李伯潛。【元和】憲宗年號。【利隨唐陸】唐利州，治今四川廣元縣。陸州見上。唐州，治今河南沁源縣。

隴州，治今浙江建德縣。道古歷爲四川刺史。【黔中】黔州亦曰黔中郡，治彭水，唐以爲都督府，督思辰施播等州，兼領羈縻數十州。

【鄂岳蘄沔安黃】唐鄂州，治今湖北武昌縣。岳州，治今湖南岳陽縣。蘄州，治今湖北蘄春縣。沔州，治今湖北漢陽縣。安州，見前。

黃州，治今湖北黃岡縣。元和十一年，道古爲六州都團練觀察使。【伐蔡】蔡州，治今河南汝陽縣，時討吳元濟。【吾昆弟】

三子，象古、復古、道古。【太支十三二句】太宗子十四人，高宗、恆山王承乾、楚王寬、吳王恪、讓、王泰、庶人誦、閻王儼、王儼、越王

貞、紀王慎、江王暉、代王簡、趙王福、曹王明。【或亡或微】寬、簡俱早卒。承乾、泰、儼廢黜，恪誅死。貞討武氏遇害。【零王黎

公】零陵王儉、黎國公儼，並爲武后所殺。【子父易封】指胤與備。【三王】備、胤、儼。【齷齪】齷也。【蹶蹶陞陞】子孫盛

大，如歷階陞而上。

### 貞曜先生墓誌銘

唐元和九年，歲在甲午，八月己亥，貞曜先生孟氏卒。無子。其配鄭氏以告，愈走位哭，且召張籍會哭。明日，使以錢如東都，供葬事。諸嘗與往來者，咸來哭弔。韓氏遂以書告興元尹，故相餘慶。閏月，樊宗師使來弔，告葬期，徵銘。愈哭曰：嗚呼！吾尙忍銘吾友也！興元人以幣如孟氏，賻且來商家事。樊子使來速銘，曰：「不則無以掩諸幽。」乃序而銘之。先生諱郊，字東野，父廷玢，彬音娶裴氏女，而選爲崑山

尉，生先生及二季鄴而卒。先生生六七年，端序則見，長而愈驚，涵而揉之，內外完好，色夷氣清，可畏而親。及其爲詩，劇切目銖衛心，刃迎縷解，鉤章棘句，摛明擢胷腎，神施鬼設，間見層出。惟其大翫於詞，而與世抹掇，音人皆劫劫，我獨有餘。有以後時開先生者，曰：「吾旣擠而與之矣，其猶足存耶。」年幾五十，始以尊夫人之命，來集京師，從進士試，旣得卽去。間四年，又命來，選爲溧陽尉，迎侍溧上。去尉二年，而故相鄭公尹河南，奏爲水陸轉運從事，試協律郎，親拜其母於門內。母卒五年，而鄭公以節領興元軍，奏爲其軍參謀，試大理評事，挈其妻行之。興元次於閬文鄉，暴疾卒，年六十四。買棺以斂，以二人輿歸。鄴鄴皆在江南。十月庚申，樊子合凡贈賻而葬之洛陽東，其先人墓左。以餘財附其家而供祀。將葬，張籍曰：「先生揭德振華，於古有光，賢者故事有易名，況士哉；如曰貞曜先生，則姓名字行有載，不待講說而明。」皆曰然。遂用之。初先生所與俱學同姓簡，於世次爲叔父，由給事中觀察浙東，曰：「生吾不能舉，死吾知恤其家。」銘曰：

嗚呼！貞曜維執不猗。同維出不訾。維卒不施。以昌其詩。

【張籍】見與孟尙書注。

【興元】唐府治今陝西南鄭縣。

【餘慶】姓鄭，字居業，鄭州滎陽人。元和九年三月爲興元尹。

【樊

宗師句】時自太子舍人持母喪在東都。

【崑山】今江蘇崑山縣。

【劒】劒也。

【鏡】長針也，此作刺字解。

【搯】取出也。

【抹撥】掃滅也。

【劫劫】猶汲汲也。

【有以後時三句】似指立名言，辨而與之，即應上抹撥句。

【溧陽】今江蘇溧

陽縣。

【鄭公尹河南】元和元年十一月，鄭餘慶爲河南尹，水陸轉運使，李嗣分司洛中，吳郊善，薦之餘慶，以爲判官。

【閩鄉】

今河南閩鄉縣。

【簡】字幾道。元和九年九月，自給事中爲浙東觀察使。

【不猗】不依傍也。

【不訾】不自輕也。

## 南陽樊紹述墓誌銘

紹述河中人。

樊紹述既卒且葬。愈將銘之，從其家求書，得書號魁紀公者三十卷，曰樊子者又三十卷，春秋集傳十五卷，表牋狀策書序傳記紀誌說論今文讚銘，凡二百九十一篇，道路所遇及器物門里雜銘，二百二十，賦十，詩七百一十九。曰：多矣哉，古未嘗有也；然而必出於己，不襲蹈前人一言一句，又何其難也！必出入仁義，其富若生蓄，萬物必具，海含地負，放恣橫從，同無所統紀，然而不煩於繩削而自合。

也。嗚呼！紹述於斯術，其可謂至於斯極者矣！生而其家貴富，長而不有其藏一錢，妻子告不足，顧且笑曰：「我道蓋是也。」皆應曰：「然。」無不意滿。嘗以金部郎中告哀南方，還言某帥不治，罷之，以此出爲綿州刺史。一年徵拜左司郎中，又出刺絳州，綿絳之人至今皆曰：「於我有德。」以爲諫議大夫，命且下，遂病以卒。年若干。紹述諱宗師，父諱澤，嘗帥襄陽江陵，官至右僕射，贈某官。祖某官，諱泳，自祖及紹述三世，皆以軍謀堪將帥，策上第以進。紹述無所不學，於辭於聲，天得也；在衆若無能者，嘗與觀樂，問曰：何如？曰：後當然，已而果然。銘曰：

惟古於詞必已出，降而不能乃剽。切四妙賊後皆指前公相襲，從漢迄今用一律。寥

寥久哉莫覺屬，神祖聖伏道絕塞。旣極乃通發紹述，文從字順各識職，有欲求之此其躅。切唐玉

【金部郎中】魏始置，唐因之，屬戶部，掌金寶貨物權衡度量等。【告哀句】憲宗崩，宗師以金部郎中告哀南方。【綿州】治

今四川綿陽縣。【絳州】治今山西新絳縣。【三世策上第】開元中，徵舉章澤科，建中元年，澤舉賢良方正直言極諫科，元和

三年四月，宗師舉軍謀宏遠堪任將帥科。



### 試大理評事王君墓誌銘

君諱適，姓王氏，好讀書，懷奇負氣，不肯隨人後舉選。見功業有道路可指取，有名節可以戾契致，困於無資地，不能自出，乃以干諸公貴人，借助聲勢。諸公貴人既志得，皆樂熟軟媚耳目者，不喜聞生語。一見輒戒門以絕。上初卽位，以四科募天下士，君笑曰：「此非吾時邪。」卽提所作書，緣道歌吟，趨直言試。既至，對語驚人，不中第。益困。久之，聞金吾李將軍，年少喜事可撼，乃踏門告曰：「天下奇男子王適，願見將軍白事。」一見語合意，往來門下。盧從史既節度昭義軍，張甚。奴視法度士，欲聞無顧忌大語，有以君生平告者，卽遣客鉤致。君曰：「狂子不足以共事。」立謝客。李將軍由是待益厚，奏爲其衛曹參軍，充引駕仗判官，盡用其言。將軍遷帥鳳翔，君隨往，改試大理評事，攝監察御史觀察判官，櫛垢爬痒，民獲蘇醒。居歲餘，如有所不樂，一日，載妻子入閬鄉南山不顧。中書舍人王涯獨孤

郟吏部郎中張惟素，比部郎中韓愈，日發書問訊，顧不可強起，不卽薦。明年九月疾病，輿醫京師，某月某日卒。年四十四。十一月某日，卽葬京城西南長安縣界中。曾祖爽，洪州武寧令。祖微，右衛騎曹參軍。父嵩，蘇州崑山丞。妻上谷侯氏，處士高女。高固奇士，自方阿衡太師，世莫能用吾言，再試吏，再怒去，發狂投江水。初處士將嫁其女，懲曰：「吾以齟齬切在呂語窮，一女憐之，必嫁官人，不以與凡子。」君曰：「吾求婦氏久矣，惟此翁可人意，且聞其女賢，不可以失。」卽謾切謾謂媒姬官依曰：「吾明經及第，且選，卽官人，侯翁女幸嫁，若能令翁許我，請進百金爲姬謝。」諾，許白翁，翁曰：「誠官人耶？取文書來。」君計窮吐實，姬曰：「無苦，翁大人，不疑人欺我，得一卷書，粗若告身者，我袖以往，翁見未必取，視同幸而聽我。」行其謀。翁望見文書銜袖，果信不疑，曰：「足矣。」以女與王氏，生三子，一男二女，男三歲夭死，長女嫁亳州永城尉姚挺。訂上其季始十歲。銘曰：

鼎也不可以柱車，馬也不可使守閭。佩玉長裾，不利走趨。祗繫其逢，不繫巧愚。不

諧其須，有銜不祿。鑽石埋辭，以列幽墟。

【辰契】契，本作婁。扭轉曰辰，多節目謂之契。謂名節可以扭轉枝節而致之也。【上初即位】指憲宗也。【四科】元和元年，

試博通經典達於教化科，才識兼茂明於體用科，達於吏理可使從政科，軍謀宏遠堪任將帥科。【李將軍】名惟簡，憲宗時爲左金

吾衛大將軍。【遷帥鳳翔】元和六年，惟簡爲鳳翔隨右節度使。【王涯】字廣津，太原人，文宗時相，以李訓鄭注謀誅宦官事，

被殺。【獨孤郁】字古風，洛陽人。【比部】刑部。【武寧】今江西武寧縣。【侯高】字玄覽，上谷人，隱於廬山，自號華陽

居士。蕭奚旌爲楚州刺史，起高彞，肝胎令。國子祭酒李遜爲衢州刺史，請高治信安縣。元和五年八月，遜觀察浙東，又以高宰三縣，皆有

德政。後得心疾，留其子狗兒於浙東，從事李翱家，自歸廬山，至江西卒。【柱】支也。【不諧其須】有相須之才，而與時不諧。

【有銜不祿】銜不遇之恨，而不能遣去。

### 給事中清河張君墓誌銘

張君名徹，字某。以進士累官至范陽府監察御史。長慶元年，今牛宰相爲御史中丞，奏君名迹，中御史選，詔卽以爲御史。其府惜不敢留，遣之，而密奏幽州將父子繼續，不廷選。且久，今新收，臣又始至，孤怯，須強佐乃濟。發半道，有詔以君還之。仍遷殿中侍御史，加賜朱衣銀魚。至數日，軍亂，怨其府從事，盡殺之，而囚其帥。

且相約張御史長者，無侮辱轢歷音蹙我事，毋庸殺置之帥所。居月餘，聞有中貴人自京師至，君謂其帥，公無負此土人，上使至，可因請見自辨，幸得脫免歸。卽推門求出，守者以告其魁，魁與其徒皆駭曰：「必張御史，張御史忠義，必爲其帥告此餘人，不如遷之別館。」卽與衆出君。君出門，罵衆曰：「汝何敢反！前日吳元濟斬東市，昨日李師道斬於軍中，同惡者，父母妻子皆屠死，肉餒委音狗鼠，鴟切音鴉，汝何敢反！汝何敢反！」行且罵。衆畏惡其言，不忍聞，且虞生變，卽擊君以死。君抵死，口不絕罵。衆皆曰：「義士義士。」或收瘞之以俟。事聞，天子壯之，贈給事中。其友侯雲長佐鄆使，請於其帥馬僕射，爲之選於軍中，得故與君相知張恭李元實者，使以幣請諸范陽，范陽人義而歸之。以聞，詔所在給船輦，與傳歸其家，賜錢物以葬。長慶四年四月某日，其妻子以君之喪，葬於某州某所。君弟復亦進士，佐汴宋得疾，變易喪心，驚惑不常。君得聞，卽自視衣褥薄厚，節時其飲食，而匕比音筯進養之，禁其家無敢高語出聲，醫餌之藥，其物多空青雄黃諸奇怪物，劑錢至十數萬。

營治勤劇，皆自君手，不假之人。家貧，妻子常有飢色。祖某某官，父某某官，妻韓氏，禮部郎中某之孫，汴州開封尉某之女，於余爲叔父孫女，君嘗從予學，選於諸生而嫁與之；孝順祇修，羣女效其所爲。男若干人，曰某。女子曰某。銘曰：

嗚呼！徹也。世慕顧以行，子揭揭也。噫，暗音以爲生，子獨割叶韻也。爲彼不清，作玉雪也。仁義以爲兵，用不缺折也。知死不失名，得猛厲也。自申於闇明，莫之奪也。我銘以貞之，不肖者之咀當割切也。

【范陽府】治幽州，其帥張弘靖。

【牛宰相】名僧儒，字思黯，善風人。

【軍亂】長慶元年，幽州軍亂，因節度使張弘靖於薊門

館，殺判官韋雅、張宗元、崔仲卿等，以徵長者不殺，置之於薊門館內。

【馬僕射】名總，字會元，扶風人。

【復】元和元年進士。

【空青】產銅鐵中，大塊中空有水者良，治眼疾。

【雄黃】即三硫化砷，其明徹如鷄冠者佳，謂之雄精。

【慕顧】羨慕瞻顧。

【揭揭】高舉也。

【噫暗】猶守默也。

【割分也，言與人不同也。

【咀】相呵也。

### 贈太尉許國公神道碑銘

韓姬姓，以國氏。其先有自潁川徙陽夏者，其地於今爲陳之太康。太康之韓，

其稱蓋久，然自公始大著。公諱弘，公之父曰海，爲人魁偉沈塞，以武勇游仕許汴之間；寡言自可，不與人交，衆推以爲鉅人長者。官至遊擊將軍，贈太師。娶鄉邑劉氏女，生公，是爲齊國太夫人。夫人之兄曰司徒玄佐，有功建中貞元之間，爲宣武軍帥，有汴宋亳潁四州之地，兵士十萬人。公少依舅氏，讀書習騎射，事親孝謹，侃備自將，不縱爲子弟華靡遨放事；出入敬恭，軍中皆目之。嘗一抵京師，就明經試。退曰：「此不足發名成業。」復去從舅氏學。將兵數百人，悉識其材鄙怯勇，指付必堪其事，司徒歎奇之；士卒屬心，諸老將皆自以爲不及。司徒卒，去爲宋南城將。比六七歲，汴軍連亂不定。貞元十五年，劉逸淮死，軍中皆曰：「此軍司徒所樹，必擇其骨肉爲士卒所慕賴者付之，今見在人莫如韓甥，且其功最大而材又俊。」卽柄授之，而請命於天子；天子以爲然。遂自大理評事拜工部尙書，代逸淮爲宣武軍節度使，悉有其舅司徒之兵與地，衆果大悅便之。當此時，陳許帥曲環死，而吳少誠反，自將圍許，求援於逸淮，啗之，以陳歸汴，使數輩在館，公悉驅出。

斬之，選卒三千人會諸軍擊少誠許下，少誠失勢以走，河南無事。公曰：「自吾舅歿，五亂於汴者，吾苗孳音蒿而髮櫛之幾盡，然不一揃同刈，不足令震駭。」駭同命劉鏐以其卒三百人待命於門，數之以數與於亂，自以爲功，并斬之以徇。血流波道。自是訖公之朝京師，廿有一年，莫敢有譴切女交。叫號於城郭者。李師古詐言起事，屯兵於曹，以嚇滑帥，且告假道。公使謂曰：「汝能越吾界而爲盜耶？有以相待，無爲空言。」滑帥告急。公使謂曰：「吾在此，公無恐。」或告曰：「翦棘夷道，兵且至矣，請備之。」公曰：「兵來不除道也。」不爲應。師古詐窮變索，遷延旋軍。少誠以牛皮鞵材遺師古，師古以鹽資少誠。潛過公界，覺，皆留，輸之庫。曰：「此於法不得以私相餽。」田弘正之開魏博，李師道使來告曰：「我代與田氏約相保援，今弘正非其族，又首變兩河事，亦公之所惡，我將與成德合軍討之，敢告。」公謂其使曰：「我不知利害，知奉詔行事耳，若兵北過河，我卽東兵以取曹。」師道懼，不敢動。弘正以濟。誅吳元濟也。命公都統諸軍，曰：「無自行以遏北寇。」公請使子公武以兵萬

三千人會討蔡下，歸財與糧，以濟諸軍，卒擒蔡姦。於是公爲侍中，而以公武爲鄜音坊丹延節度使。師道之誅，公以兵東下，進圍考城，克之。遂進追曹，曹寇乞降。鄆部旣平，公曰：「吾無事於此，其朝京師。」天子曰：「大臣不可以暑行，其秋之待。」公曰：「君爲仁，臣爲恭，可矣。」遂行。旣至，獻馬三千匹，絹五十萬匹，他錦紈綺去倚切纈音又三萬，金銀器千，而汴之庫廩錢以貫數者，尙餘百萬，絹亦合百餘萬匹，馬七千，糧三百萬斛，兵械多至不可數。初公有汴，承五亂之後，掠賞之餘，且斂且給，恆無宿儲。至是公私充塞，至於露積音不垣。册拜司徒兼中書令，進見上殿，拜跪給扶。贊元經體，不治細微，天子敬之。元和十五年，今天子卽位，公爲冢宰，又除河中節度使；在鎮三年，以疾乞歸。復拜司徒中書令，病不能朝，以長慶二年十二月三日，薨於永崇里第，年五十八；天子爲之罷朝三日，贈太尉，賜布粟，其葬物有司官給之，京兆尹監護。明年七月某日，葬於萬年縣少陵原京城東南三十里，楚國夫人翟氏祔。子男二人：長曰肅元，某官；次曰公武，某官；肅元早死。公之將



薨，公武暴病先卒，公哀傷之，月餘，遂薨。無子，以公武子孫紹宗爲主。後汴之南則蔡，北則鄆，二寇患公居間爲己不利，卑身佞辭，求與公好。薦女請昏，使日月至。旣不可得，則飛謀釣誘，以間染我公。先事候情，壞其機牙，姦不得發，王誅以成。最功定次，孰與高下。公子公武，與公一時俱授弓鉞，處藩爲將，疆土相望。公武以母憂去鎮，公母弟充，自金吾代將渭北。公以司徒中書令治蒲，於時弟充自鄭滑節度平宣武之亂，以司空居汴；自唐以來，莫與爲比。公之爲治，嚴不爲煩，止除害本，不多教條，與人必信。吏得其職，賦入無所漏失；人安樂之，在所以富。公與人有畛域，不爲戲狎，人得一笑語，重於金帛之賜。其罪殺人，不發聲色；問法何如，不自爲輕重，故無敢犯者。銘曰：

在貞元世，汴兵五獮；制音將得其人，衆乃一惕。聽同其人爲誰，韓姓許公，磔音其梟狼，養以雨風。桑穀奮張，厥壤大豐。貞元元孫，命正我宇；公爲臣宗，處得地所。河流兩壩，奴亂盜連爲羣；雄唱雌和，首尾一身。公居其間，爲帝督姦；察其嘖呻，與其睨音

瞻。音縣左顧失視，右顧而蹠；蔡先軫，三年而墟。檣乾四呼，終莫敢濡；常山幽都，孰

陪執扶；天施不留，其討不逋；許公預焉，其賚何如。悠悠四方，既廣既長。無有外事，

朝廷之治。許公來朝，車馬干戈，相乎將乎，威儀之多。將則是已，相則三公，釋師十

萬，歸居廟堂。上之宅憂，公讓太宰；養安蒲坂，萬邦絕等。有弟有子，提兵守藩；一時

三侯，人莫敢攀。生莫與榮，歿莫與令。刻文此碑，以鴻厥慶。

【韓姬姓】韓姓出自唐叔虞之後，曲沃桓叔之子萬，食邑於韓，因以爲氏。

【潁川】秦滅韓，以其地爲潁川郡，治陽翟，故韓都也。

【陽夏】今河南太康縣。夏太康避后羿之難，居於陽夏，漢置陽夏縣，隋改太康，唐因之，屬陳州。

【許汴】許州，治今河南許昌縣，汴州，見前。

【司徒玄佐】劉玄佐，滑州匡城人，官至司徒。

【建中貞元】德宗年號。

【宋亳穎】宋州，治今河南商丘縣，亳州，治今安徽亳縣，潁州，治今安徽阜陽縣。

【備備】剛直也。

【宋南城將】宋州南城將也。貞元八年二月，玄佐卒，其子士寧代爲節度使，九年十二月，軍亂，逐士寧，以副使李萬榮爲節度使，弘田將南城。

【汴軍連亂】貞元十二年七月，宣武軍亂，以董晉爲節度使，十五年春，晉卒，以行軍司馬陸長源繼之，軍亂，殺長源，以宋州刺史劉逸淮爲節度使。

【劉逸淮】懷州武陟人，正臣之子，賜名全諱。貞元十五年九月，全諱卒，弘時以兵馬使爲衆所推，代爲宣武節度使。

【曲環】陳州安邑人。

【吳少誠】開州潁人，貞元十四年反。

【陷】以利誘人。

【苗彘髮節】語見淮南子，如彘者之爲苗去莠，耨者之爲髮去垢。

【李師古】潤州人，貞宗崩，告哀使未至，義成節度使李元素，密以遺詔示師古，師古欲舉國喪噬鄰境，乃集將士謂曰：聖上萬福，而元素忽傳遺詔，是反也，宜

擊之，遂發兵屯曹州。按曹州治濟陰，今山東曹縣西北。義成軍治滑州，今河南滑縣，故曰滑帥。

【田弘正】本名興，字安道，賜名弘

正。元和七年八月，魏博節度使田季安卒，子懷諱幼弱，軍政皆決於家僮蔣士則，衆皆憤怒，時興爲兵馬使，晨入府，士卒大譟環拜，請爲

留後，十月，詔以興爲節度使。

【李師道】師古異母弟，師古卒，以師道爲留後。

【首變兩河事】謂興不請爲留後，奉土地兵

衆，坐待詔命。

【成德】成德軍治恆州，在今河北正定縣北，時王承宗爲成德節度使。

【吳元濟】少陽子，元和十年正月反。十

二年十月，李愬襲蔡州，禽元濟送京師。

【都統諸軍】元和十年九月，以弘爲淮西諸軍都統。

【公武】字從僂，元和十二年十

一月，錄平淮西功，公武檢校左散騎常侍，渭北節度使。渭北領鄆坊丹延四州。

【師道之誅】元和十三年七月，詔發諸道兵討李

師道，十四年二月，平盧都將劉悟擊師道斬之。

【考城】今河南考城縣。

【鄆部】平盧自李正己後，兼領兗鄆諸州，故曰鄆部。

【綺】今之細綾。

【纈】繒染爲文也。

【今天子】穆宗也，名恆，憲宗子。

【長慶】穆宗年號。

【萬年縣】唐屬關內道，治今

陝西咸寧縣。

【充自金吾二句】充本名確，爲右金吾衛將軍，元和十五年正月，代公武鎮渭北。

【蒲】唐蒲州，亦曰河中府，治

今山西永濟縣，河中節度使治此。

【充自鄭滑節度二句】長慶二年七月，汴州送節度李愬，立牙將李昇爲留後，充自義成節

度徙鎮宣武。八月，汴州監軍斬昇降，充入汴州。詔加檢校司空。

【獮】狂犬。

【貞元元孫】憲宗，德宗孫也。

【塙】江河邊地。

【睨眄】邪視。

【常山幽都】常山，恆州也，指成德軍。幽都，幽州也，指盧龍軍。

【宅憂】天子居喪，書宅憂。

【蒲坂】故

城在今山西永濟縣，亦曰虞都城。唐蒲州地。元和十五年，弘出鎮河中。

## 河南令張君墓誌銘

君諱署，字某，河間人。大父利貞，有名玄宗世，爲御史中丞，舉彈無所避；由是出爲陳留守，領河南道採訪處置使，數年卒官。皇考諱卹，音荀以儒學進，官至侍御史。君方質有氣，形貌魁碩，長於文辭；以進士舉博學宏詞，爲校書郎。自京兆武功尉，拜監察御史；爲幸臣所讒，與同輩韓愈、李方叔三人，俱爲縣令南方。二年，逢恩，俱徙掾。緣去江陵，半載。邕管奏君爲判官，改殿中侍御史，不行，拜京兆府司錄。諸曹白事，不敢平面視，共食公堂，抑首促促，就哺歎。昌悅切揖起趨去，無敢闌語。縣令丞尉，畏如嚴京兆，事以辦治。京兆改鳳翔尹，以節鎮京西，請與君俱，改禮部員外郎，爲觀察使判官。帥它他同遷，君不樂久去京師，謝歸。用前能拜三原令，歲餘，遷尙書刑部員外郎，守法爭議，棘棘不阿。改虔州刺史，民俗相朋黨，不訴殺牛，牛以大耗。又多捕生鳥雀魚鱉，可食與不可食相買賣。時節脫放期爲福祥。君視事，一皆禁督立絕。使通經吏與諸生之旁大郡，學鄉飲酒喪婚禮。張施講說，民吏觀聽，從化大喜。度支符州，折民戶租，歲徵綿六千屯，比郡承命惶怖，立期日，惟恐不及事。

被罪。君獨疏言，治迫嶺下，民不識蠶桑；月餘，免符下，民相扶攜，守州門，叫謹爲賀。改豐州刺史；民歲出雜產物與錢，尙書有經數，觀察使牒州，徵民錢倍經。君曰：「刺史可爲法，不可貪官害民。」留噤巨禁切不肯從，竟以代罷。觀察使使劇吏案簿書，十日不得毫毛罪。改河南令，而河南尹適君平生所不好者，君年且老，當日拜走仰望階下，不得已就官。數月，大不適，卽以病辭免。公卿欲其一至京師，君以再不得意於守令，恨曰：「義不可更辱，又奚爲於京師間。」竟閉門死。年六十。君娶河東柳氏女，二子昇、奴胡師，將以某年某月某日葬某所。其兄將作少監，昔請銘於右庶子韓愈，愈前與君爲御史被讒，俱爲縣令南方者也。最爲知君。銘曰：誰之不如，而不公卿。奚養之違，而不久生。惟其頑音航頑，以世厥聲。

【河間】今河北河間縣。

【玄宗】名隆基，睿宗子。

【陳留】今河南陳留縣。

【幸臣】指李實。

【邕管】邕管經略使路詧

也。唐溫州，治今廣西邕寧縣，管有十縣。

【拜京兆府司錄】貞元二十一年，李鄴爲京兆尹，表署爲府司錄參軍。

【促促】不安

貌。【闕語】妄語也。

【改鳳翔尹】元和二年，鄴爲鳳翔尹，鳳翔隴右節度使，表署爲判官。

【三原】今陝西三原縣。

【棘

棘不肯附從之狀。【虔州】治今江西贛縣。【澧州】治今湖南澧縣。【刺史可爲法】言當守法也。【顏頤】自高之貌。

## 柳子厚墓誌銘

子厚諱宗元。七世祖慶，爲拓跋魏侍中，封濟陰公。曾伯祖奭，爲唐宰相，與褚遂良、韓瑗怨音俱得罪武后，死高宗朝。皇考諱鎮，以事母棄太常博士，求爲縣令。江南其後以不能媚權貴，失御史，權貴人死，乃復拜侍御史，號爲剛直。所與游皆當世名人。子厚少精敏，無不通達；逮其父時，雖少年已自成人，能取進士第。斲切士減然見頭角，衆謂柳氏有子矣。其後以博學宏詞，授集賢殿正字。僞傑廉悍，議論證據今古，出入經史百子；踔音厲風發，率常屈其座人，名聲大振，一時皆慕與之交。諸公要人爭欲令出我門下，交口薦譽之。貞元十九年，由藍田尉拜監察御史；順宗卽位，拜禮部員外郎；遇用事者得罪，例出爲刺史。未至，又例貶永州司馬。居閒，益自刻苦，務記覽，爲詞章，汎濫停蓄，爲深博無涯涘，而自肆於山水間。元和中，嘗

例召至京師；又偕出爲刺史，而子厚得柳州。旣至，歎曰：「是豈不足爲政邪？」因其土俗，爲設教禁，州人順賴。其俗以男女質致音錢，約不時贖，子本相侷，則沒爲奴婢。子厚與設方計，悉令贖歸；其尤貧力不能者，令書爲傭，足相當，則使歸其質。觀察使下其法於他州，比一歲，免而歸者且千人。衡湘以南，爲進士者，皆以子厚爲師。其經承子厚口講指畫，爲文詞者，悉有法度可觀。其召至京師而復爲刺史也，中山劉夢得、禹錫亦在遣中，當詣播州。子厚泣曰：「播州非人所居，而夢得親在堂，吾不忍夢得之窮，無辭以白其大人；且萬無母子俱往理。」請於朝，將拜疏，願以柳易播，雖重得罪，死不恨。遇有以夢得事白上者，夢得於是改刺連州。嗚呼！士窮乃見節義。今夫平居里巷相慕悅，酒食遊戲相徵逐，詡詡強笑語，以相取下；握手出肺肝相示，指天日涕泣，誓生死不相背負，真若可信。一旦臨小利害，僅如毛髮比，反眼若不相識，落陷穽不一引手救，反擠之，又下石焉者，皆是也。此宜禽獸夷狄所不忍爲，而其人自視以爲得計，聞子厚之風，亦可以少媿矣。子厚前時少

年，勇於爲人，不自貴重，顧藉。謂功業可立就，故坐廢退。既退，又無相知有氣力得位者推挽，故卒死於窮裔，材不爲世用，道不行於時也。使子厚在臺省時，自持其身，已能如司馬刺史時，亦自不斥。斥時有人力能舉之，且必復用不窮。然子厚斥不久，窮不極，雖有出於人，其文學辭章，必不能自力以致必傳於後。如今無疑也。雖使子厚得所願，爲將相於一時，以彼易此，孰得孰失，必有能辨之者。子厚以元和十四年十一月八日卒，年四十七。以十五年七月十日，歸葬萬年先人墓側。子厚有子男二人，長曰周六，始四歲。季曰周七，子厚卒乃生。女子二人，皆幼。其得歸葬也，費皆出觀察使河東裴君行立。行立有節概，重然諾，與子厚結交，子厚亦爲之盡，竟賴其力。葬子厚於萬年墓者，舅弟盧遵。遵，涿人，性謹慎，學問不厭。自子厚之斥，遵從而家焉，逮其死不去。既往葬子厚，又將經紀其家，庶幾有始終者。銘曰：是惟子厚之室，既固既安，以利其嗣人。

【慶】字更興，河東解人。魏文帝時，官侍中。

【拓跋】魏姓，黃帝子昌意少子，受封北土，黃帝以土德王，北俗謂土爲拓，謂后爲跋，故



氏拓跋。【濟陰】郡名，治今山東定陶縣。

【詭】字子邵，貞觀中，爲吏部尚書，貶愛州刺史。許敬宗等構，詭通官掖，謀行煬毒，與褚

遂良朋黨，罪大逆，遣使殺之，沒其家。

【褚遂良】字登善，錢塘人。貞觀時爲諫議大夫，高宗將欲立武后，力諫叩頭流血，貶愛州刺史，

以憂卒。

【韓瑗】字伯玉，京兆三原人，以救遂良，貶振州刺史卒。

【武后】名曩，并州文水人，太宗時爲昭儀，高宗立爲后。

【高

宗】名治，字爲善，太宗第九子。

【鎮】天寶末，遇亂，奉母隱王屋山，常間行，求養，後徙於吳，肅宗平賊，上書言事，擢左衛率府兵曹參

軍，佐郭子儀朔方府，三遷殿中侍御史，以事觸寶參，貶藥州司馬，終侍御史。

【嶄然】高峻貌。

【蹕厲風發】議論層出也。【監

田】今陝西藍田縣。

【順宗】名誦，德宗子。

【用事者得罪】初，子厚與王叔文善，叔文得政，引子厚，及叔文敗，同黨皆貶謫。

【永州】永貞元年九月，貶宗元邵州刺史。十一月，道貶永州司馬。

【柳州】治今廣西馬平縣，元和十年三月，以宗元爲柳州刺史。

【中山】今河北定縣。

【劉夢得】名禹錫，以進士登博學宏詞科，累官至集賢殿學士，出爲蘇州刺史，遷太子賓客，以附王叔

文被貶。

【播州】治今貴州遵義縣。

【以夢得事白上者】時御史中丞裴度上奏，因改連州。

【連州】治今廣東連縣。

【詡詡】和集貌。《易林》：飭饒詡詡。

【萬年】治今陝西咸寧縣。

【河東裴行立】行立，守真曾孫，絳州稷山人，絳州，今山西新

絳縣等地。

【涿】州名，治今京兆涿縣。

## 清邊郡王楊燕奇碑

公諱燕奇，字燕奇。弘農華陰人也。大父知古，祁州司倉。列考文誨，天寶中，實

爲平盧衙前兵馬使，位至特進檢校太子賓客，封弘農郡開國伯。世掌諸蕃互市，恩信著明，夷人慕之。祿山之亂，公年幾二十，進言於其父曰：「大人守官，宜不得去。王室在難，某其行矣。」其父爲之請於戎帥，遂帥諸將校之子弟各一人，間道趨闕，變服詭行，日倍百里。天子嘉之，特拜左金吾衛大將軍員外置，賜勳上柱國。寶應二年春，詔從僕射田公平劉展，又從下河北。大歷八年，帥師納戎帥勉於滑州。九年，從朝於京師。建中二年，城汴州，功勞居多。三年，從攻李希烈，先登。貞元二年，從司徒劉公復汴州。十二年，與諸將執以城叛者，歸之於京師。事平，授御史大夫，食實封百戶，贈繪<sub>疾陵</sub>綵有加。十四年，年六十一，五月某日終於家。自始命左金吾大將軍，凡十五遷，爲御史大夫。職爲節度押衙，右廂兵馬使，兼馬軍先鋒兵馬使；階爲特進，勳爲上柱國，爵爲清邊郡王；食虛邑自三百戶至三千戶，眞食五百戶，終焉。公結髮從軍四十餘年，敵攻無堅，城守必完，臨危蹈難，獻<sub>虛音</sub>歆<sub>希音</sub>感發，乘機應會，捷出神怪；不畏義死，不榮幸生，故其事君無疑行，其事上無間言。初，僕

射田公，其母隔於冀州，公獨請往迎之；經營賊城，出入死地，卒致其母。田公德之，約爲父子，故公始姓田氏。田公終而後復其族焉。嗣子通王屬良禎，以其年十月庚寅，葬公於開封縣魯陵岡。隴西郡夫人李氏祔焉。夫人清夷郡太守佑之孫，漁陽郡長史獻之女，柔嘉淑明，先公而歿。有男四人，女三人。後夫人河南郡夫人雍氏，某官之孫，某官之女。有男一人，女二人。咸有至性純行，夫人同仁均養，親族不知異焉。君子於是知楊公之德，又行於家也。銘曰：

烈烈大夫，逢時之虞。感泣辭親，從難於秦。惟茲爰始，遂勤其事。四十餘年，或裨或專。攻牢保危，爵位已躋。祖 裕 切既明且慎，終老無隳。魯陵之岡，蔡河在側。烝烝孝子，思顯勳績。斲石於此，式垂後嗣。

【弘農華陰】唐華州華陰縣，曾隸魏州，魏州亦曰弘農郡，即今陝西華陰縣。【祁州】治今河北安國縣。【左金吾句】左

金吾衛大將軍正三品，掌宮中京城巡警道路水草之宜，員外額外之員。置者，許其置也。【上柱國】勳官之最尊者。【寶應】

肅宗年號，按平展事，在上元二年。【田公】平廬兵馬使田神功。【平劉展】上元元年，宋州刺史劉展赴揚州，進陷揚、潤、昇等

州。二年正月，神功生禽展，揚、潤平。【大歷】代宗年號。【納戎帥句】天歷八年三月，永平節度使令狐彰卒，遣表稱工部尙書

李勉可委大事，詔以勉代彰爲永平軍節度，滑、亳、觀、蔡等使。滑州，治今河南滑縣。【建中】德宗年號。【從攻李希烈】建中三

年十二月，李希烈自稱天下都元帥，明年春正月陷汝州，十二月陷滑州。【貞元】見前。【從司徒劉公句】興元元年，李

希烈僭號，十一月宋璿節度使劉洽大破希烈，希烈遁歸蔡州，汴州平。按洽後賜名元佐，滑州匡城人，文作貞元二年說。【冀州】唐

屬河北道，治信都，故城在今河北冀縣東北。【通王】名暉，德宗之子，貞元中，領宣武及河東節度。【蔡河】在開封城東南，上流

卽汴河。【烝烝】進也。（書）烝烝乂不格姦。

## 唐故相權公墓碑

上之元和六年，其相曰權公，諱德輿，字載之。其本出自殷帝武丁，武丁之子降封於權，權，江漢間國也。周衰，入楚爲權氏。楚滅徙秦，而居天水略陽。苻秦之王中國，其臣有安邱公翼者，有大臣之言。後六世，至平涼公文誕，爲唐上庸太守，荊州大都督長史，焯音灼有聲烈。平涼曾孫諱倕，音垂贈尙書禮部郎中，以藝學與蘇源明相善，卒官羽林軍錄事參軍；於公爲王父。郎中生贈太子太保諱皋，以忠孝致大名，去官，累以官徵不起；追諡貞孝，是實生公。公在相位三年，其後以吏部尙書授節鎮山南，年六十以薨，贈尙書左僕射，諡文公。公生三歲，知變四聲，四歲能爲

詩，七歲而貞孝公卒；來弔哭者，見其顏色聲容，皆相謂權氏世有其人。及長好學，孝敬祥順。貞元八年，以前江西府監察御史，徵拜博士，朝士以得人相慶。改左補闕，章奏不絕，譏排姦倖，與陽城爲助。轉起居舍人，遂知制誥。凡撰命詞九年，以類集爲五十卷，天下稱其能。十八年，以中書舍人典貢士，拜尚書禮部侍郎。薦士於公者，其言可信不以其人；布衣不用，卽不可信，雖大官勢人交言，一不以綴音意。奏廣歲所取進士明經，在得人，不以員拘。轉戶兵吏三曹侍郎。太子賓客，復爲兵部遷太常卿，天下愈推爲鉅人長德。時天子以爲宰相宜參用道德人，因拜禮部尚書同中書門下平章事，公旣辭謝，不許。其所設張舉措，必本於寬大。以幾教化，多所助與。維匡調娛，不失其正。中於和節，不爲聲章。因善與賢，不矜主己。以吏部尚書留守東都，諸帥有利病不能自請者，公常與疏陳，不以露布。復拜太常，轉刑部尚書，考定新舊令式，爲三十編，舉可長用。其在山南河南，勤於選付，治以和簡，人以寧便；以疾求還。十三年某月甲子，道薨於洋之白草。奏至，天子瘡通音傷，爲之

不御朝。郎官致贈錫，官居野處，上下弔哭。皆曰：「善人死矣！」其年某月日，葬河南北山，在貞孝東五里。公由陪屬升列，年除歲遷，以至公宰，人皆喜聞，若己與有無忌嫉者。于頔狄音坐子殺人，失位自囚，親戚莫敢過門省顧，朝莫敢言者。公將留守東都，爲上言曰：「頔之罪既貫世音不竟，宜因賜寬詔。」上曰：「然，公爲吾行諭之。」頔以不憂死。前後考第進士，及庭所策試士，踵相躡爲宰相達官，與公相先後。其餘布處臺閣，外府，凡百餘人。自始學至疾未病，未嘗一日去書不觀。公旣以能爲文辭，擅聲於朝，多銘卿大夫功德。然其爲家，不視簿書，未嘗問有無，費不倚維音餘。公娶清河崔氏女。其父造，嘗相德宗，號爲名臣。旣葬，其子監察御史璩渠音，纍然服喪來，有請。乃作銘文曰：

權在商周，世無不存。滅楚徙秦，嬴劉之間。甘泉始侯，以及安邱。詆訶浮屠，皇極之扶。貞孝之生，鳳鳥不至。爵位豈多，半塗以稅。壽考豈多，四十而逝。惟其不有，以惠厥後。是生相君，爲朝德首。行世祖之，文世師之。流連六官，出入屏毗。無黨無仇，舉

世莫疵。人所憚爲，公勇爲之。其所競馳，公絕不窺。孰克知之，德將在斯。刻詩墓碑，以永厥垂。

【殷帝武丁】殷高宗也。小乙之子。

【權】國在今湖北鍾祥縣西。

【入楚句】（唐韻）撤姓出天水，本顯頊之後，楚武王使闕

繆尹權，後因氏焉。

【天水】郡名，在今甘肅通渭縣西南。

【略陽】郡名，在今甘肅秦安縣東北。

【苻秦】苻堅字永固，晉升平

中，僭號大秦。

【安邱公】翼字子良，略陽人，與太原王讚俱爲苻堅謀主，拜給事中，後爲右僕射，封安邱公，堅伐晉，翼力諫不從。

【平涼公】隋開府儀同三司鄜城郡公榮子，自翼至文，誕凡六世，翼子宣襄事姚秦爲黃門侍郎。

【上庸】故城在今湖北竹山

縣。

【荊州】治今湖北江陵縣。

【鍾】成都尉無待子，文誕生匡城，令崇本，崇本生無待。

夫肅宗時，終祕書少監。

【皋】字士繇，天寶末，安祿山爲河北按察使，表皋爲從事，察祿山有異志，詐死，奉其母南去。代宗時，徵皋爲

起居舍人，以疾辭，改著作郎，復不起。大歷二年，卒於潤州，年四十六。元和，中，諡貞孝。

【授節鎮山南】元和十一年十月，以德興檢校吏部尚書，充山南西道節度使。十三年八月，以病乞還，卒於道。

【在相位三年】元和五年九月相，八年五月罷。

【譏排姦佞】貞元八年，裴延齡以巧佞除戶部侍郎判度支，德興上疏論其姦。

【陽城】見爭臣論題注。

平上去入。

【調娛】借笑樂爲匡正也。

【留守東都】元和八年七月，德興以檢校吏部尚書，爲東都留守。

等，刪定格勅成三十卷，表上留中，德興請下刑部，與侍郎劉伯芻代考定，復爲三十卷，十年十月奏請行之。

【白草】驛名，今陝西洋

縣。

【疴】痛也。

【于頔】字允言，洛陽人。元和七年，頔爲司空，同平章事。有梁正言者，自言與樞密使梁守謙同宗，頔使其子敏重

賂正言，求出鎮，久之，正言詐漸露，敏重還其賂，不得，誘其奴支解之，事覺，頔率其子殷中少監孝友等，素服詣建福門請罪。頔左遷恩王

賂正言，求出鎮，久之，正言詐漸露，敏重還其賂，不得，誘其奴支解之，事覺，頔率其子殷中少監孝友等，素服詣建福門請罪。頔左遷恩王

傳，仍紹朝諫，傲流雷州，孝友等皆貶官。

【侍】具也。亦作侍。

【璩】字大圭。德與二子，長璩，字大圭；次璩，字大王。

【貫】寬其罪也。

【詆訶浮屠】符堅嘗遊東苑，命沙門道安同輩，裂膝曰：道安駸形賤士，不宜參穢神異。【六官】吏戶禮兵刑工。

## 殿中少監馬君墓誌銘

君諱繼祖，司徒贈太師北平莊武王之孫，少府監贈太子少傅諱暢之子，生四歲，以門功拜太子舍人，積三十四年，五轉而至殿中少監，年三十七以卒。有男八人，女二人。始余初冠，應進士貢，在京師，窮不自存，以故人稚弟，拜北平王於馬前，王問而憐之，因得見於安邑里第。王軫其寒饑，賜食與衣，召二子，使爲之主；其季遇我特厚，少府監贈太子少傅者也。姆<sub>音茂</sub>抱幼子立側，眉眼如畫，髮漆黑，肌肉玉雪可念，殿中君也。當是時，見王於北亭，猶高山深林鉅谷，龍虎變化不測，傑魁人也。退見少傅，翠竹碧梧，鸞鶴停峙，能守其業者也。幼子娟好靜秀，瑤環瑜珥，<sub>至而</sub>切蘭茁<sub>音札</sub>其芽，稱其家兒也。後四五年，吾成進士，去而東遊，哭北平王於客舍。後



十五六年，吾爲尙書都官郎，分司東都，而分府少傅卒，哭之。又十餘年，至今，哭少監焉。嗚呼！吾未耄老，自始至今，未四十年，而哭其祖子孫三世，於人世何如也！人欲久不死，而觀居此世者，何也？

【北平王】名燧，字洵美。德宗時大將，與李晟、渾瑊齊名。

【暢】燧子。長彙，次暢。

【故人句】愈兄彙與北平王有故，平涼之盟，

馬燧與彙，彙死，燧也。

### 國子監司業竇公墓誌銘

國子司業竇公，諱牟，字某。六代祖敬遠，嘗封西河公。大父同昌司馬。比四代仍襲爵名，同昌諱胤，生皇考諱叔向，官至左拾遺、溧水令，贈工部尙書。尙書於大曆初，名能爲詩文，及公爲文，亦最長於詩。孝謹厚重，舉進士登第，佐六府五公，入遷至檢校虞部郎中。元和五年，眞拜尙書虞部郎中，轉洛陽令、都官郎中、澤州刺史，以至司業。年七十四。長慶二年二月丙寅，以疾卒。其年八月某日，葬河南偃師。

先公尙書之兆次。初公善事繼母，家居未出，學問於江東，尙幼也；名聲詞章，行於京師，人遲其至。及公就進士且試，其輩皆曰：「莫先竇生。」於時公舅袁高爲給事中，方有重名，愛且賢公，然實未嘗以干有司。公一舉成名而東，遇其黨必曰：非我之才，維吾舅之私。其佐昭義軍也，遇其將死，公權代領，以定其危；後將盧從史重公不遣，奏進官職。公視從史益驕不遜，僞疾經年，輦歸東都，從史卒敗死；公不以覺微避去爲賢告人。公始佐崔大夫縱，留守東都，後佐留守司徒餘慶，歷六府五公，文武細粗不同，自始及終，於公無所悔望，有彼此言者。六府從事，幾且百人，有愿恣易險賢不肖不同，公一接以和與信，卒莫與公有怨嫌者。其爲郎官令守慎法，寬惠不刻。教誨於國學也，嚴以有禮，扶善遏過，益明上下之分，以躬先之，恂恂愷悌，得師之道。公一兄三弟，常羣、庠、鞏，常進士，水部員外郎、夔、江，撫四州刺史；羣以處士徵，自吏部郎中拜御史中丞，出帥黔容以卒；庠三佐大府，自奉先令爲登州刺史；鞏亦進士，以御史佐淄青府，皆有材名。公子三人，長曰周餘，好善。

學文能謹謹致孝述父之志曲而不黷。次曰某曰某皆以進士貢。女子三人。愈少公十九歲以童子得見於今四十年始以師事公而終以兄事焉。公待我一如朋友不以幼壯先後致異。公可謂篤厚文行君子矣。其銘曰：

后緡竇逃閔腹子夏以再家竇爲氏。聖愕旋河犢引比相嬰撥漢納孔軌。後去觀津而家平陵。遙遙厥緒夫子是承。我敬其人我懷其德。作詩孔哀質於幽刻。

【字某】或作字賂周京兆金城人。【同昌司馬】敬遠孫善衡生懷寬懷寬生胤爲同昌郡司馬皆又襲西河公封。同昌唐爲山

南道扶州今甘肅文縣。【叔向】字遺直與常袞善。【澤州】治今山西晉城縣。【偃師】今河南偃師縣。【兆】登城也。【周

禮】掌公墓之地辨其兆域。【遲】待也。【袁高】字公頤滄州東光人貞元初爲給事中。【昭義軍將死】昭義軍節度使

李長榮卒於貞元二十年六月。【盧從史】父虔貞元二十年八月以昭義兵馬使盧從史爲節度使元和五年從史爲其部知兵馬

使烏重胤所縛送京師貶驪州司馬卒。【崔縱】貞元二年以吏部侍郎崔縱爲東都留守奏牟爲府巡官。【餘慶】元和五年以

河南尹鄭餘慶爲東都留守奏牟爲府判官。【歷六府五官】牟初爲東都留守巡官歷河陽昭義從事再爲留守判官。【常】

字中行大厝進士。【羣】字丹列隱居毗陵貞元十六年吏部侍郎韋夏卿爲京兆尹薦羣徵拜左拾遺元和二年武元衡同平章事

舉羣代已爲御史中丞三年貶黔中觀察使八年遷容管經略使九年召還至衡州卒。【三佐句】辟字曹卿貞元二十一年韓華餞

武昌奏辟爲推官畢移鎮浙西以辟爲副使又爲宣歙副使。【奉先】唐縣屬同州今陝西蒲城縣。【登州】治今山東蓬萊縣。

【鞏】字友封，元和二年進士。十四年，薛平爲平盧淄青節度使，表鞏自副，兄弟五人，皆有才名，刻麟珠集。【后縉竇逃】「左哀元

年」昔有過澠滅夏后相，后緡方娠，逃出自竇，歸於有仍。【夏以再家句】后緡生少康。少康生二子，曰杼，曰龍，居有仍，遂爲竇

氏。【聖愕句】「史記」孔子將西見趙簡子，至於河，聞竇鳴犢舜華之死，臨河而歎曰：「美哉水洋洋乎，丘之不濟此命也夫！」【相

嬰】懷太后從兄子嬰相武帝，武帝太后好黃老，而嬰隆推儒術，此謂撥漢家黃老之習，而納之孔子之道也。【觀津】故趙地，在今

河北縣東南。【平陵】一在山東歷城縣東。一在陝西咸陽縣西北。

## 清河郡公房公墓碣銘

公諱啓，字某，河南人。其大王父融，王父璿，仍父子爲宰相。融相天后，事遠不

大傳。璿相玄宗，肅宗處艱難中，與道進退，薨贈太尉，流聲於茲。父乘，仕至祕書少

監，贈太子詹事。公胚切鋪灰胎前光，生長食息，不離典訓之內，目濡乳音耳染，不學以

能。始爲鳳翔府參軍，尙少；人吏迎觀望見，咸曰：「眞房太尉家子孫也。」不敢弄

以事。轉同州澄城丞，益自飾理，同官憚伏。衛晏使嶺南黜陟，求佐得公，擢摘良姦，

南土大喜。還，進昭應主簿。裴胄領湖南，表公爲佐，拜監察御史，部無遺事。胄遷江

西，又以節鎮江陵。公一隨遷佐胄，累功進至刑部員外郎，賜五品服，副胄使事爲上介。上聞其名，徵拜虞部員外，在省籍籍。遷萬年令，果辯激<sub>音</sub>絕。貞元末，王叔文用事，材公之爲，舉以爲容州經略使，拜御史中丞，服佩視三品，管有嶺外十三州之地。林蠻洞蠻，<sub>但音</sub>守條死要，不相漁劫。稅節賦時，公私有餘，削衣貶食，不立資遺，以班親舊朋友爲義。在容九年，遷領桂州，封清河郡公，食邑三千戶。中人使授命書，應待失禮，客主違言，徵貳太僕，未至，貶虔州長史，而坐使者。以疾卒官。年五十九。其子越，能輯父事無失，謹謹致孝。旣葬，碣墓請銘。銘曰：

房氏二相，厥家以聞。條葉被澤，況公其孫。公初爲吏，亦以門庇。佐使於南，乃始已致。旣辦萬年，命屏容服。功緒卓殊，氓獠<sub>老音</sub>循業。維不順隨，失署亡資。非公之怨，銘以著之。

【融】武后時，以正諫大夫，同鳳閣鸞臺平章事，神龍元年，貶死高州。

【琯】字次律，開元中，由校書郎舉任縣令，歷相玄宗肅宗，乾元

元年，出爲鄆州刺史，遷晉漢二州刺史。寶應二年，召拜刑部尚書，道卒，贈太尉。

【乘】琯三子，長宗儼，御史中丞。李璠復，容州刺史。乘

其次。【**胚胎**】婦孕一月爲胚，三月爲胎。【**搗**】槌也。【**鳳翔**】岐州也，至德二載，改鳳翔府，治今陝西鳳翔縣。【**同州**】

亦曰馮翊郡，領縣八，治今陝西大荔縣。【**澄城**】今陝西澄城縣，唐屬同州。【**衛晏**】建中元年，遣黜陟使洪經給柳冕衛晏等一

十人分行天下，晏使嶺南。【**裴胄**】字胤叔，河東聞喜人，貞元三年，以國子司業，爲湖南觀察使。【**江陵**】江陵府，卽荊州，治今湖

北江陵縣。【**籍籍**】人言多也。【**萬年**】見上柳子厚墓誌銘注。【**徼**】疾也。【**王叔文**】越州山陰人，時正柄政，啓附之，除

容管經略使，又許以荆南帥節，事敗不果，乃就任。【**容州**】治今廣西容縣，貞元二十一年，啓爲容州刺史，兼御史中丞，容管經略使。

【**桂州**】治今廣西桂林縣，元和八年四月，啓爲桂管觀察使。【**中人**】使授命書七旬，啓除桂州，州郵路吏部主者，私得官

告，飛驛以授啓，既而憲宗自遣中使李建章持詔賜啓，啓畏使者道重賂，卽曰：先五日已得詔，使者給請視，因持之歸，以聞。七月，貶啓太

僕少卿，改自陳獻使者南口十五，帝怒殺中使，啓未至京師，貶虔州長史。【**佐使於南**】謂佐衛晏。【**獠**】西南夷。

## 尙書庫部郎中鄭君墓誌銘

君諱羣，字弘之，世爲滎陽人。其祖於元魏時，有假封襄城公者，子孫因稱以自別。曾祖匡時，晉州霍邑令。祖千尋，彭州九隴丞。父迪，鄂州唐年令，娶河南獨孤氏女，生二子，君其季也。以進士，選吏部考功，所試判爲上等，授正字。自鄆縣尉，拜監察御史，佐鄂岳使。裴均之爲江陵，以殿中侍御史佐其軍，均之徵也，遷虞部

員外郎。均鎮襄陽，復以君爲襄府左司馬刑部員外郎，副其支度使事。均卒，李夷簡代之，因以故職留君。歲餘，拜復州刺史，遷祠部郎中，會衢州無刺史，方選人，君願行，宰相卽以君應詔。治衢五年，復入爲庫部郎中，行及揚州，遇疾，居月餘，以長慶元年八月二十四日卒；春秋六十。卽以其年十一月二十二日，從葬於鄭州廣武原先人之墓次。君天性和樂，居家事人，與待交游，初持一心，未嘗變節。有所緩急，曲直薄厚，疏數也，不爲翕翕熱，亦不爲崖岸斬絕之行。俸祿入門，與其所過逢，吹笙彈箏，飲酒舞歌，詠灰音調醉呼，連日夜不厭，費盡不復顧問。或分挈以去，一無所愛惜，不爲後日毫髮計留也。遇其空無時，客至清坐相看，或竟日不能設食，客主各自引退，亦不爲辭謝。與之遊者，自少及老，未嘗見其言色若有憂歎者。豈列禦寇莊周等所謂近於道者耶？其治官守身，又極謹慎，不挂於過差。去官而人民思之，身死而親故無所怨議，哭之皆哀，又可尙也。初娶吏部侍郎京兆韋肇女，生二女一男。長女嫁京兆韋詞，次嫁蘭陵蕭儂，贊上後娶河南少尹趙郡李則女，生

一女二男。其餘男二人，女四人，皆幼。嗣子退思，韋氏生也。銘曰：

再鳴以文進途，關佐三府治，藹厥蹟，郎官郡守愈著白。洞然渾璞絕瑕，謫甲子一終反玄宅。

【榮陽】今河南榮陽縣。

【元魏】魏初爲拓跋氏，至孝文帝改姓元氏。

【襄城公】名偉，字子直，西魏大統中，封襄城郡公，按

襄城今河南襄城縣。

【霍邑】治今山西霍縣，唐屬河東道晉州。

【九隴】今四川彭縣，唐劍南道彭州治此。

【唐年】治今湖

北崇陽縣，唐屬江南道鄂州。

【鄂縣】今陝西鄂縣，唐屬京兆府。

【鄂岳】見上曹成王碑注。

【裴均】字君齊，河東聞喜人，貞

元十九年五月，自荆南行軍司馬爲本軍節度使。

【江陵】見上清河郡公房公墓碣銘注。

【均之徵也】元和三年四月，召均

爲左僕射。

【襄陽】今湖北襄陽縣，唐爲襄州，山南東道節度使治此。元和三年九月，均出爲山南東道節度使。

【李夷簡】字揚

之，鄭惠王元懿四世孫，元和六年四月，代均鎮襄陽，五月均卒。

【復州】治今湖北沔陽縣。

【衢州】治今浙江衢縣。

【鄭州】

治今河南鄭縣。

【再鳴以文】謂進士及書判拔萃。

【佐三府治】謂鄂岳江陵襄府。

## 太原王公墓誌銘

公諱仲舒，字弘中，少孤，奉其母居江南，遊學有名。貞元十年，以賢良方正拜左拾遺，改右補闕，禮部考功吏部二員外郎，貶連州司戶參軍，改夔州司馬，佐江



陵使，改祠部員外郎。復除吏部員外郎，遷職方郎中，知制誥。出爲峽州刺史，遷廬州。未至，丁母憂。服闋，改婺晉州蘇州刺史，徵拜中書舍人。旣至，謂人曰：「吾老，不樂與少年治文書，得一道，有地六七郡，爲之三年，貧可富，亂可治，身安功立，無愧於國家可也。」日日語人，丞相聞語，驗，卽除江南西道觀察使，兼御史中丞。至則奏罷權古岳切酒錢九千萬，以其利與民，又罷軍吏官債五千萬，悉焚簿文書，又出庫錢二千萬，以丐貧民。遭旱，不能供稅者，禁浮屠及老子。爲僧道士，不得於吾界內，因山野立浮屠老子像，以其誑丐漁利，奪編人之產。在官四年，數其蓄積，錢餘於庫，米餘於廩。朝廷選公卿於外，將徵以爲左丞，吏部已用薛尚書代之矣。長慶三年十一月十七日，未命而薨。年六十二。天子爲之罷朝，贈左散騎常侍，遠近相弔，以四年二月某日，葬於河南某縣先塋之側。公之爲拾遺，朝退，天子謂宰相曰：「第幾人非王某耶？」是時公方與陽城更疏論裴延齡詐妄，士大夫重之。爲考功吏部郎也，下莫敢有欺犯之者。非其人，雖與同列，未嘗比數收拾，故遭讒而

貶。在制誥，盡力直友人之屈，不以權臣爲意。又被讒而出。元和初，婺州大旱，人餓死，戶口亡十七八，公居五年，完富如初。按劾羣吏，奏其贓罪，州部清整，加賜金紫。其在蘇州，治稱第一。公所至，輒先求人利害，廢置所宜，閉閣草奏，又具爲科條，與人吏約，事備，一旦張下，民無不忭叫喜悅；或初若小煩，旬歲皆稱其便。公所爲文章，無世俗氣。其所樹立，殆不可學。曾祖諱玄暎，簡音比部員外郎。祖諱景肅，丹陽太守。考諱政，襄鄧等州防禦使，鄂州採訪使，贈工部尚書。公先妣渤海李氏，贈渤海郡太君。公娶其舅女，有子男七人，初，哲、貞、弘、泰、復、洄。初進士及第，哲、文學俱善；其餘幼也。長女壻劉仁師，高陵令。次女壻李行修，尚書刑部員外郎。銘曰：

【連州】治今廣東連縣，貞元十九年，王叔文用事，公自吏部員外郎，實連州司戶。【夔州】治今四川奉節縣。【峽州】治今瀘

北宜昌縣。【廬州】治今安徽合肥縣。【婺州】治今浙江金華縣。【編人】謂編入人口冊之人。【薛尚書】名放，河中

寶鼎人，長慶三年，以尚書左丞辭放代仲舒鎮江西。【陽城】見爭臣論題注。【直友人句】友人揚憑，尹京兆，御史中丞李夷

備勅選，貶臨賀尉，其家親知過門，縮頸不敢視，公獨省問，爲計度論議直其冤，由是出爲峽州刺史。

### 尚書左僕射右龍武軍統軍劉公墓誌銘

公諱昌裔，字光後。本彭城人。曾大父諱承慶，朔州刺史。大父巨敖，好讀老子莊周書。爲太原晉陽令，再世官北方，樂其土俗，遂著籍太原之陽曲，曰：「自我爲此邑人可也，何必彭城。」父誦，贈右散騎常侍。公少好學問，始爲兒時，重遲不戲，恆若有所思念計畫，及壯自試，以開吐蕃說干邊將，不售。入三蜀，從道士游，久之。蜀人苦楊琳寇掠，公單船往說，琳感歎，雖不卽降，約其徒不得爲虐。琳降，公常隨琳不去。琳死，脫身亡，沈浮河朔之間。建中中，曲環招起之，爲環檄李納，指摘切刻，納悔恐動心。恆魏皆疑惑氣懈，環封奏其本，德宗稱焉。環之會下濮州，戰白塔，救寧陵襄邑，擊李希烈陳州城下，公常在軍間。環領陳許軍，公因爲陳許從事。以前後功勞，累遷檢校兵部郎中御史中丞營田副使。吳少誠乘環喪，引兵叩城，留後上官說咨公以城守，所以能擒誅叛將爲抗拒，令敵人不得其便。圍解，拜陳州刺

史韓全義敗，引軍走陳州，求入保，公自城上揖謝全義曰：「公受命詣蔡，何爲來？」陳公無恐，賊必不敢至我城下。明日，領步騎十餘，抵全義營，全義驚喜，迎拜歎息，殊不敢以不見舍望公，改授陳許軍司馬。上官說死，拜金紫光祿大夫，檢校工部尚書，代說爲節度使，命界上吏不得犯蔡州人曰：「俱天子人，奚爲相傷？」少誠更有來犯者，捕得，縛送曰：「妄稱彼人，公宜自治之。」少誠慚其軍，亦禁界上暴者。兩界耕桑交跡，吏不何問。封彭城郡開國公，就拜尚書右僕射。元和七年，得疾，視政不時。八年五月，涌水出他界，過其地，防穿不補，沒邑屋，流殺居人。拜疏請去職卽罪，詔還京師。卽其日，與使者俱西，大熱，日暮馳不息，疾大發，左右手轡止之，公不肯曰：「吾恐不得生謝天子。」上益遣使者勞問，敕無亟行，至則不得朝矣。天子以爲恭，卽其家拜檢校左僕射，右龍武軍統軍知軍事。十一月某甲子薨。年六十二。上爲之一日不視朝。贈潞州大都督，命郎弔其家。明年某月某甲子，葬河南某縣某鄉某原。公不好音聲，不大爲居宅，於諸帥中獨然。夫人邠彬音國夫人。

武功蘇氏子四人，嗣子光祿主簿縱，學於樊宗師，士大夫多稱之。長子元一，朴直忠厚，便弓馬，爲淮南軍衙門將。次子景陽，景長，皆舉進士。葬得日，相與遣使者哭拜堦上，使來乞銘。銘曰：

提將之符，尸我一方。配古侯公，維德不爽。讀若我銘不亡，後人之慶。讀若

【朔州】治今山西朔縣。【太原晉陽】太原，唐府名，今山西舊太原汾州二府之地，治晉陽，今太原縣。【楊琳】楊琳也。唐

書楊琳亂，昌裔脫之，惠琳順命。【曲環】陝州安邑人。【唐書】曲環方攻濮州，表爲判官。【李納】建中二年七月，平盧淄

節度使李正己卒，子納自稱留後。【恆魏】恆指成德節度使李惟岳，魏指魏博節度使田悅。【濮州】亦曰濮陽郡，治今山東

濮縣，爲淄青節度使領地。李納逼徐州，環與劉玄佐救之，敗其衆，納還濮陽，玄佐追圍之，殘其郛。【白塔】未詳。【寧陵襄邑】

二縣名，唐時並屬宋州；襄邑卽今睢縣，與寧陵並屬河南省。【擊希烈】興元元年閏十月，李希烈遣將翟崇暉，悉衆圍陳州，宋睦節

度使劉洽，遣馬步都虞侯劉昌與，隴右幽州節度使曲環，將兵三萬救之。十一月敗崇暉於州西，擒以獻。陳州，治今河南淮陽縣。【環

領陳許軍】貞元二年七月，以曲環爲陳許節度使。【吳少誠】貞元十四年九月，吳少誠遣兵寇唐州，掠臨潁，陳許留後上官說

遣將救之，敗沒，少誠遂圍許州。【上官說】按說，新舊唐書並作說，時說以刺史知留後。少誠引兵薄城，說欲遁去，昌裔止之，曰：

受詔而守，死其職也，況士馬完齊，足支賊，若堅壁不戰，七日賊氣必衰，我以全制之可也。說許諾。少誠晝夜急攻，昌裔鑿城出擊，大破之。

【擒誅叛將】兵馬使安國寧，謀翻城應賊，昌裔以計斬之，召其麾下，人給二醵，伏兵要巷，見持醵者悉斬之。【韓全義敗】

十六年韓全義爲蔡州招討使，與淮兵戰於澠水之南，大潰。【與使者俱西】按唐書：憲宗惡昌裔自立，欲召之而重生，幸相李吉甫曰：陛下乘人心愁苦，可召也，遂以韓舉代之，至長樂驛，知帝意，因稱風眩臥第，旋卒。按與誌文不同。【武功】今陝西武功縣。

## 唐朝散大夫贈司勳員外郎孔君墓誌銘

昭義節度盧從史，有賢佐曰孔君，諱戡，音堪字君勝。從史爲不法，君陰爭不從，

則於會肆言以折之。從史羞，面頸發赤，抑首伏氣，不敢出一語以對，立爲君更令改章辭者，前後累數十。坐則與從史說古今君臣父子，道順則受成福，逆輒危辱誅死。曰：「公當爲彼，不得爲此。」從史常聳聽喘汗，居五六歲益驕。有悖語，君爭無改悔色，則悉引從事，空一府往爭之。從史雖羞，退益甚。君泣語其徒曰：「吾所爲止於是，不能以有加矣。」遂以疾辭去。臥東都之城東，酒食伎樂之燕不與。當是時，天下以爲賢，論士之宜在天子左右者，皆曰孔君。君云：會宰相李公鎮揚州，首奏起君，君猶臥不應。從史讀詔曰：「是故舍我而從人耶？」卽誣奏君前在軍有某事，上曰：吾知之矣。奏三上，乃除君衛尉丞分司東都。詔始下門下，給事中

呂元膺封還詔書。上使謂呂君曰：「吾豈不知戡也，行周之矣。」明年元和五年正月，將浴臨汝之湯泉，壬子，至其縣食，遂卒。年五十七。公卿大夫士相弔於朝，處士相弔於家。君卒之九十六日，詔縛從史送闕下，數以違命，流於日南。遂詔贈君尚書司勳員外郎，蓋用嘗欲以命君者信仲其志。其年八月甲申，從葬河南河陰之廣武原。君於爲義若嗜欲，勇不顧前後。於利與祿，則畏避退處，如怯夫然。始舉進士第，自金吾衛錄事爲大理評事，佐昭義軍，軍帥死，從史自其軍諸將代爲帥，請君曰：「從史起此軍行伍中，凡在幕府，惟公無分寸私，公苟留，惟公之所欲爲。」君不得已留。一歲再奏，自監察御史，至殿中侍御史。從史初聽用其言，得不敗，後不聽信，惡益聞。君棄去，遂敗。祖某，某官，贈某官。父某，某官，贈某官。君始娶弘農楊氏女，卒。又娶其舅宋州刺史京兆韋起峴音女，皆有婦道。凡生一男四女，皆幼。前夫人從葬舅姑兆次。卜人曰：「今茲歲未可以祔。」從卜人言，不祔。君母兄穢尚書兵部員外郎。母弟戡，殿中侍御史，以文行稱朝廷。將葬，以韋夫人之弟前進士楚

材之狀授愈曰：請爲銘。銘曰：

允義孔君，茲惟其藏。更千萬年，無敢壞傷。

【昭義節度】昭義軍治潞州，今山西長治縣。

【盧從史】貞元二十年，從史爲昭義節度使，表獻爲書記，從史疑恣不道，至奪節

將妻。

【宰相李公】時李吉甫爲淮南節度使治揚州。

【呂元膺】字景夫，鄆州東平人。

【日南】郡名，今安南順化等處，元

和五年，嶺州行營招討使吐突承璀縛從史送京師，貶驪州司馬，驪州，今安南地。

【佐昭義軍】時李長榮爲昭義節度使。

### 集賢院校理石君墓誌銘

君諱洪，字濬川。其先姓烏石蘭，九代祖猛，始從拓跋氏入夏，居河南，遂去烏與蘭，獨姓石氏，而官號大司空。後七世，至行褒，官至易州刺史，於君爲曾祖。易州生婺州金華令諱懷一，卒葬洛陽北山。金華生君之考諱平，爲太子家令，葬金華墓東，而尚書水部郎劉復爲之銘。君生七年喪其母，九年而喪其父。能力學行，去黃州錄事參軍，則不仕，而退處東都洛上十餘年。行益修，學益進，交遊益附，聲號聞四海。故相國鄭公餘慶留守東都，上言洪可付史筆。李建拜御史，崔周禎爲補



闕，皆舉以讓。宣歙池之使，與浙東使，交牒署君從事。河陽節度烏大夫重胤，間以幣先走廬下，故爲河陽得。佐河陽軍，吏治民寬。考功奏從事考，君獨於天下爲第一。元和六年，詔下河南徵拜京兆昭應尉，校理集賢御書。明年六月甲午，疾卒。年四十二。娶彭城劉氏女，故相國晏之兄孫。生男二人，八歲曰壬，四歲曰申。女子二人。願言曰：葬死所。七月甲申，葬萬年白鹿原。旣病，謂其游韓愈曰：子以吾銘銘曰：生之艱，成之又艱。若有以爲，而止於斯。

【拓跋】見上柳子厚墓誌銘注。

【獨姓石氏】後魏孝文帝太和二十年，盡改複姓，故烏石闕止爲石氏，以河南爲望。

【黃州

】接黃當爲襄，李翱有薦洪狀，謂明經出身，曾任冀州，今冀縣也。

【李建】字杓直，元和三年十月，高郢爲御史大夫，奏建爲殿中侍

御史，建舉洪自代。

【宣歙池使】盧坦也，字保衡，河南洛陽人。

【浙東使】薛平也，河中寶鼎人。【佐河陽軍】元和五年

四月，烏重胤爲河陽節度使，表洪爲府參軍。

【劉晏】字士安，曹州南華人。在代宗時，以善理財聞。

## 李元賓墓銘

李觀，字元賓。其先隴西人也。始來自江之東。年二十四，舉進士。三年登上第。

又舉博學宏辭，得太子校書。一年，年二十九，客死於京師。既殮之三日，友人博陵崔弘禮葬之國東門之外七里，鄉曰慶義，原曰嵩原。友人韓愈書石以誌之。辭曰：已乎元賓！壽也者，吾不知其所慕。夭也者，吾不知其所惡。生而不淑，誰謂其壽。死而不朽，誰謂之夭。已乎元賓！才高乎當世，而行出乎古人。已乎元賓，竟何爲哉！竟何爲哉！

【隴西】今甘肅隴西縣。

【博陵】郡名，治今河北定縣。

【崔弘禮】字從周，益州有大志，通兵略，官至刑部尙書，爲東都留守卒。

## 施先生墓銘

貞元十八年十月十一日，太學博士施先生士句卒。其僚太原郭伉買石誌其墓。昌黎韓愈爲之辭曰：先生明毛鄭詩，通春秋左氏傳，善講說，朝之賢士大夫，從而執經考疑者，繼於門。太學生習毛鄭詩春秋左氏傳者，皆其弟子。貴游之子弟，時先生之說二經，來太學，帖帖坐諸生下，恐不卒得聞。先生死，二經生喪其師，

仕於學者亡其朋，故自賢士大夫老師宿儒新進小生，聞先生之死，哭泣相弔，歸同去聲衣服貨財。先生年六十九，在太學者十九年，由四門助教爲太學助教，由助

教爲博士。太學秩滿當去，諸生輒拜疏乞留，或留或遷，凡十九年不離太學。祖曰

旭，呼玉切袁州宜春尉。父曰熾，敕略切豪州定遠丞。妻曰太原王氏，先先生卒。子曰友

直，明州鄞音茂縣主簿。曰友諒，太廟齋郎。系曰：

先生之祖，氏自施。父其後施，常事孔子以彰。繼爲博士，延爲太尉。太尉之孫，始爲吳人。曰然，曰續，亦載其迹。先生之興，公車是召。簞序前聞，于光有曜。古聖人言，其旨密微。箋注紛羅，顛倒是非。聞先生講論，如客得歸。卑讓肫，株倫切肫，出言孔揚。今其死矣，誰嗣爲宗。縣曰萬年，原曰神禾。高四尺者，先生墓耶！

【明毛鄭詩】「嘉話拾遺」予嘗與柳八障十八詣施士句聽毛詩。【通春秋左氏傳】「新唐書」士句劉谷秋傳，未甚傳。

袁州宜春，唐袁州，治今宜春縣，屬江西。【豪州定遠】豪州即濠州，今安徽鳳陽縣。定遠縣名，今屬安徽省。【明州鄞縣】

唐明州，治鄞縣，即今鄞縣，屬浙江。【施父】魯大夫。【施常】施之常，字子恆，仲尼弟子。見「史記」。【繼】漢書儒林傳，施

雱，字長卿，沛人，從田王孫受易，宣帝時爲博士。【延】漢順帝陽嘉二年爲太尉。【然續】吳志「朱然」字義封，本姓施氏，然子續，

字公緒。按續當作續。【肫肫】黎鏡貌。【高四尺者】禮檀弓孔子曰吾聞之古也，墓而不墳。今丘也，東西南北之人也，不可  
以弗識也，於是封之崇四尺。

## 唐河中府法曹張君墓碣銘

有女奴抱嬰兒來，致其主夫人之語曰：「妾張圓之妻劉氏也。妾夫常語妾云：『吾常獲私於夫子。且曰：夫子天下之名能文辭者，凡所言必傳世行後。』今妾不幸，夫逢盜死途中，將以日月葬。妾重哀其生志不就，恐死遂沈泯，敢以其稚子汴見。先生將賜之銘，是其死不爲辱，而名永長存，所以蓋覆其遺胤子若孫，且死萬一能有知，將不悼其不幸於土中矣。」又曰：「妾夫在嶺南時，嘗疾病。泣語曰：『吾志非不如古人，吾才豈不如今人，而至於此，而死於是耶！爾若吾哀，必求夫子銘，是爾與吾不朽也。』」愈既哭弔辭，遂敘次其族世名字事始終而銘曰：君字直之，祖謹，父孝新，皆爲官汴宋間。君嘗讀書，爲文辭有氣，有吏才，常感激欲自奮拔，樹功名以見世。初舉進士，再不第，因去事宣武軍節度使，得官至監察御

史；坐事貶嶺南。再遷至河中府法曹參軍，攝虞鄉令；有能名，進攝河東令；又有名，遂署河東從事。絳州闕刺史，攝絳州事，能聞朝廷。元和四年秋，有事適東方，既還，八月壬辰，死於汴城西雙邱。年四十有七。明年二月日，葬河南偃師。妻彭城人，世有衣冠。祖好順，泗州刺史。父泳，卒，新音州別駕。女四人，男一人，嬰兒，汴也。是爲銘。

【逢盜死途中】「李壘國史補」張圓佐韓弘，弘初秉節，事無大小委之，後乃奏貶，圓多怨言，及量移，謫至汴州，極歡而遣之行，次八角店，使人殺之。按誌不明言，此爲韓弘諒也。【宣武軍節度使】韓弘也，宣武軍治汴州。【河中府】今山西永濟縣。【虞鄉】縣名，今屬山西省。【河東】唐縣名，屬河東道，今山西蒲縣。【河東從事】河東道之從事也。

### 扶風郡夫人墓誌銘

夫人姓盧氏，范陽人。亳州城父丞序之孫，吉州刺史徹之女。嫁扶風馬氏，爲司徒侍中莊武公之冢婦，少府監西平郡王贈工部尚書之夫人。初，司徒與其配陳國夫人元氏，惟宗廟之尊重，繼序之不易，賢其子之才，求婦之可與齊者。內外

親戚曰：盧某舊門，承守不失其初。其子女聞教訓，有幽閒之德。爲公子擇婦，宜莫如盧氏。媒者曰：然。卜者曰：祥。夫人適年若干，入門而媪音御皆喜，既饋而公姑交賀。克受成福，母有多子。爲婦爲母，莫不法式。天資仁恕，左右媵音侍，常蒙假與顏色，人人莫不自在。杖婢使，數未嘗過二三。雖有不懌夷益切，未嘗見聲氣。元和五年，尙書薨，夫人哭泣成疾。後二年，亦薨。年四十有六。九年正月癸酉，祔於其夫之封。長子殿中丞繼祖，孝友以類。葬有日，言曰：「吾父友，惟韓丈人視諸孤；其往乞銘。」以其狀來。愈讀曰：「嘗聞乃公言然，吾宜銘。」銘曰：

陰幽坤從，維德之恆。出爲辨強，乃匪婦能。淑哉夫人，夙有多譽。來嬪大家，不介父母。有事賓祭，酒食祇飭。協於尊章，畏我侍側。及嗣內事，亦莫有施。齊其躬心，小大順之。夫先其歸，其室有邱。合葬有銘，壺切本彝是攸。

【亳州城父】唐城父縣屬亳州，故城在今安徽亳縣東南。【吉州】治今江西廬陵縣。【莊武公】馮燧也。字洵美。貞元三年，

拜司徒侍中，十一年薨，贈太傅，諡莊武。【西平郡王】名勗，元和五年卒，終少府監，贈工部尚書。【媵侍】從嫁之婢女。【繼

祖】接少監之子，或以爲名淑，而疑繼祖二字，下有缺文。據《國史補》云：繼祖始生，德宗賜名，退而笑曰：是有二義，謂之察察，則淑或

係初名，繼祖乃賜名也。【不介父母】介，善也，言不待父母之戒而善也。【尊章】舅姑也。【畏我】言侍側之婢使畏服也。

### 河南府法曹參軍盧府君夫人苗氏墓誌銘

夫人姓苗氏，諱某，字某。上黨人。曾大父夔夔，贈禮部尚書。大父殆庶，贈太子太師。父如蘭，仕至太子司議郎汝州司馬。夫人年若干，嫁河南法曹盧府君諱貽，有文章德行；其族世所謂甲乙者。先夫人卒，夫人能配其賢，歿能守其法。男二人，於陵、渾。女三人，皆嫁爲士妻。貞元十九年四月四日，卒於東都敦化里。年六十有九。其年七月某日，祔於法曹府君墓。在洛陽龍門山。其季女壻昌黎韓愈爲之誌。其詞曰：

赫赫苗宗，族茂位尊。或毗頤脂切於王，或貳於藩。是生夫人，載穆令聞。爰初在家，孝友惠純。乃及於行，克媿德門。肅其爲禮，裕其爲仁。法曹之終，諸子實幼。熒音螢其哀，介介其守。循道不違，厥聲彌劭。時照切三女有從，二男知教。閭里歎息，母婦思效。歲時之嘉，嫁者來寧。累累外孫，有攜有嬰。扶牀坐膝，嬉戲謹爭。旣壽而康，旣備而

成不歎於約，不矜於盈。伊昔淑哲，或圖或書。嗟咨夫人，孰與爲儔。刻銘寘墓，以贊碩休。

【上黨】秦置郡，今地屬山西省。

【汝州】治今河南臨汝縣。

【其族世所謂甲乙者】猶言第一第二之族。

【龍門山】

在今河南洛陽縣西南三十里。

【毗】輔也。

【貳】副也。

【癸癸】孤獨貌。

【劭】美也。

## 女挈壙銘

女挈

女居切

韓愈退之第四女也，惠同而早死。愈之爲少秋官，言佛夷鬼，其法

亂治，梁武事之，卒有侯景之敗，可一掃刮絕去，不宜使爛漫。天子謂其言不祥，斥之潮州，漢南海揭陽之地。愈既行，有司以罪人家不可留京師，迫遣之。女挈年十二，病在席，既驚痛與其父訣，又輿致走道，撼合上頓，失食飲節，死於商南層峯驛，卽瘞道南山下。五年，愈爲京兆，始令子弟與其姆茂音易棺衾，歸女挈之骨於河南之河陽韓氏墓葬之。女挈死，當元和十四年二月二日。其發而歸，在長慶三年十月之四日。其葬在十一月之十一日。銘曰：



汝宗葬於是，汝安歸之，惟永寧。

【梁武】姓蕭，名衍，南蘭陵人，篡齊而自立；崇信佛教，捨身同泰寺；侯景之反，圍於臺城，餓死。【潮州】一日潮陽郡，屬嶺南道，領海陽、潮陽、程鄉三縣。漢時爲南海揭陽地，按今南海揭陽均屬廣東省。【商南】今陝西有商南縣。

### 贈太傅董公行狀

公諱晉，字混成。河中虞鄉萬歲里人。少以明經上第。宣皇帝居原州，公在原州；宰相以公善爲文，任翰林之選，聞召見，拜祕書省校書郎，入翰林爲學士。三年，出入左右。天子以爲謹愿，賜緋魚袋，累陞爲衛尉寺丞，出翰林，以疾辭，拜汾州司馬。崔圓爲揚州，詔以公爲圓節度判官，攝殿中侍御史，以軍事如京師朝。天子識之，拜殿中侍御史內供奉。由殿中爲侍御史，入尙書省，爲主客員外郎；由主客爲祠部郎中。先皇帝時，兵部侍郎李涵如回紇，立可克敦，詔公兼侍御史，賜紫金魚袋，爲涵判官。回紇之人來曰：「唐之復土疆，取回紇力焉。約我爲市，馬旣入，而歸我賄不足，我於使人乎取之。」涵懼不敢對，視公。公與之言曰：「我之復土疆，爾

信有力焉。吾非無馬，而與爾爲市，爲賜不旣多乎？爾之馬歲至，吾數皮而歸資邊吏，請致詰也。天子念爾有勞，故下詔禁侵犯，諸戎畏我大國之爾與也，莫敢校焉。爾之父子寧而畜馬蕃者，非我誰使之？」於是其衆皆環公拜，旣又相率南面序拜。皆兩舉手曰：「不敢復有意大國。」自回紇歸，拜司勳郎中，未嘗言回紇之事。選祕書少監，歷太府太常二寺亞卿，爲左金吾衛將軍。今上卽位，以大行皇帝山陵出財賦，拜太府卿。由太府爲左散騎常侍，兼御史中丞，知臺事三司使。選擢才俊，有威風。始公爲金吾，未盡一月，拜太府。九日，又爲中丞，朝夕入議事。於是宰相請以公爲華州刺史，拜華州刺史，潼關防禦鎮國軍使。朱泚之亂，加御史大夫，詔至於上所，又拜國子祭酒，兼御史大夫，宣慰恆州。於時朱滔自范陽，以回紇之師助亂，人大恐。公旣至恆州，恆州卽日奉詔出兵，與滔戰，大破走之。還至河中，李懷光反，上如梁州。懷光所率皆朔方兵，公知其謀，與朱泚合也，患之，造懷光言曰：「公之功，天下無與敵。公之過，未有聞於人。某至上所，言公之情，上寬明，將無不赦宥。」

焉，乃能爲朱泚臣乎？彼爲臣而背其君，苟得志於公，何有？且公旣爲太尉矣，彼雖寵公，何以加此？彼不能事君，能以臣事公乎？公能事彼，而有不能事君乎？彼知天下之怒，朝夕戮死者也。故求其同罪而與之比，公何所利焉！公之敵彼有餘力，不如明告之絕，而起兵襲取之。清宮而迎天子，庶人服而請罪有司，雖有大過，猶將揜焉。如公則誰敢議。」語已。懷光拜曰：「天賜公活懷光之命。」喜且泣，公亦泣；則又語其將卒，如語懷光者。將卒呼曰：「天賜公活吾三軍之命。」拜且泣，公亦泣。故懷光卒不與朱泚。當是時，懷光幾不反。公氣仁，語若不能出口。及當事，乃更疎亮捷給。其詞忠，其容貌溫然，故有言於人，無不信。明年，上復京師，拜左金吾衛大將軍。由大金吾爲尙書左丞，又爲太常卿。由太常拜門下侍郎平章事。在宰相位凡五年，所奏於上前者，皆二帝三王之道。由秦漢以降，未嘗言退歸。未嘗言所言於上者於人。子弟有私問者，公曰：「宰相所職繫天下，天下安危，宰相之能與否，可見。欲知宰相之能與否，如此視之，其可。凡所謀議於上前者，不足道也。」故其

事卒不聞。以疾病辭於上。前者不記，退以表辭者八，方許之。拜禮部尚書，制曰：事上盡大臣之節。又曰：一心奉公。於是天下知公之有言於上也。初公爲宰相時，五月朔會朝，天子在位，公卿百執事在廷，侍中贊，百僚賀，中書侍郎平章事竇參攝中書令，當傳詔，疾作不能事。凡將大朝會，當事者旣受命，皆先日習儀；於時未有詔，公卿相顧，公逡巡進，北面言曰：「攝中書令臣某，病不能事，臣請代某事。」於是南面宣致詔詞。事已復位，進退甚詳。爲禮部四年，拜兵部尚書，入謝，上語問曰：「晏復有人謝者？」上喜曰：「董某疾且損矣。」出語人曰：「董公且復相。」旣二日，拜東都留守。判東都尚書省事。充東都畿汝州都防禦使，兼御史大夫。仍爲兵部尚書。由留守未盡五月，拜檢校尚書左僕射同中書門下平章事。汴州刺史宣武軍節度副大使，知節度事。管內支度營田汴宋亳穎等州觀察處置等使。汴州自大歷來，多兵事；劉玄佐益其師至十萬。玄佐死，子士寧代之，畋遊無度；其將李萬榮，乘其畋也逐之。萬榮爲節度一年，其將韓惟清、張彥林作亂，求殺萬榮不克。三

年。萬榮病風，昏不知事。其子迺復欲爲士寧之故。監軍使俱文珍與其將鄧惟恭執之歸京師，而萬榮死。詔未至，惟恭權軍事。公既受命，遂行。劉宗經韋弘景韓愈實從，不以兵衛。及鄭州，逆者不至，鄭州人爲公懼。或勸公止以待，有自汴州出者，言於公曰：「不可入。」公不對，遂行，宿圃田。明日，食中牟，逆者至，宿八角。明日，惟恭及諸將至，遂逆以入。及郛，音孚三軍緣道謹聲。庶人壯者呼，老者泣，婦人啼。遂入以居。初，玄佐死，吳濬代之。及鞏聞亂歸，士寧萬榮皆自爲而後命，軍士將以爲常。故惟恭亦有志。以公之速也，不及謀，遂出逆。旣而私其人，觀公之所爲，以告曰：「公無爲。」惟恭喜，知公之無害已也，委心焉。進見公者，退皆曰：「公仁人也。」聞公言者，皆曰：「公仁人也。」環以相告，故大和初，玄佐遇軍士厚，士寧懼，復加厚焉。至萬榮，如士寧志。及韓張亂，又加厚以懷之。至於惟恭，每加厚焉。故士卒驕不能禦，則置腹心之士，幕於公庭廡下，挾弓執劍以須。日出而入，前者去，日入而出，後者至。寒暑時至，則加勞賜酒肉。公至之明日，皆罷之。貞元十二年七月也。八月，

上命汝州刺史陸長源爲御史大夫，行軍司馬楊凝自左司郎中爲檢校吏部郎中，觀察判官杜倫自前殿中侍御史爲檢校工部員外郎，節度判官孟叔度自殿中侍御史爲檢校金部員外郎，支度營田判官職事修，人俗化。嘉禾生，白鵲集，蒼烏來巢，嘉瓜同蒂。音蒂聯實。四方至者，歸以告其帥。小大威懷，有所疑，輒使來問。有交惡者，公與平之。累請朝，不許。及有疾，又請之。且曰：人心易動，軍旅多虞。及臣之生，計不先定。至於他日，事或難期。猶不許。十五年二月三日，薨於位。上三日罷朝，贈太傅。使吏部員外郎楊於陵來祭，弔其子，贈布帛米有加。公之將薨也，命其子三日斂，旣斂而行。於行之四日，汴州亂，故君子以公爲知人。公之薨也，汴州人歌之曰：「濁流洋洋，有闢其郛。音田道歡呼，公來之初。今公之歸，公在喪車。」又歌曰：「公旣來止，東人以完。今公歿矣，人誰與安？」始公爲華州，亦有惠愛，人思之。公居處恭，無妾媵，不飲酒，不諂笑，好惡無所偏，與人交，泊如也。未嘗言兵，有問者，曰：「吾志於教化。」享年七十六。階累陞爲金紫光祿大夫，勳累陞爲上柱國，爵。

累陞爲隴西郡開國公。娶南陽張氏夫人。後娶京兆韋氏夫人。皆先公終。四子，全道、溪、全素、澥。晉全道全素皆上所賜名。全道爲祕書省著作郎，溪爲祕書省祕書郎，全素爲大理評事，澥爲太常寺太祝，皆善士，有學行。謹具歷官行事狀，伏請牒考功，并牒太常，議所諡。牒史館，請垂編錄。謹狀。

【河中虞鄉】河中府虞鄉縣，唐屬河東道，即今山西虞鄉縣治。【宣皇帝句】肅宗，名亨，至德元年十月肅宗自靈武幸彭原，嘗

上書行在，彭原唐置郡，治定安，即今甘肅寧縣，按原州疑誤。（新舊唐書）並作彭原。【汾州】汾州西河郡，屬河東道，領縣四，治隰城，今

山西汾陽縣。【崔圓】字有裕，貝州武成人，以汾州刺史徙淮南節度使，奏晉以本官攝御史，充判官。淮南節度使，治揚州，今江蘇江

都縣。【先皇帝】代宗名豫。【李涵如回紇數句】大曆中，李涵持節送崇徽公主於回紇，署晉判官，崇徽公主者，僕固懷恩

女，養於宮中，回紇請以爲可敦，册爲公主，回紇稱其君曰可汗，君之妻曰可敦。【今上】德宗名寔。【大行】皇帝喪也。【華州

】華州華陰郡，屬關內道，領縣四，治郿，今陝西華縣。【潼關】在今陝西潼關縣，後漢建安中建，西薄華山，南臨商嶺，北距黃河，東接

桃林，歷代皆爲要地。【朱泚之亂】泚，幽州昌平人，本盛龍節將，殺節度使朱希彩，代領其衆，尋以弟滔留鎮，而自入朝，建中四年

冬十月，涇原節度使姚合言過京師作亂，泚爲太尉，在長安，亂兵舉之爲主，稱帝，國號大秦，圖德宗於奉天，渾瑊擊破泚，奉天圍解。興元

元年六月，李晟復京師，泚亡走，爲其將韓旻所殺。【恆州】恆州常山郡，屬河北道，元和時改曰鎮州，治眞定，即今河北正定縣。【

朱滔】建中三年夏，朱滔反，興元元年五月，王武俊大破之於貝州，貞元元年六月，滔死。【范陽】幽州范陽郡，屬河北道，治薊，今河

北大興縣。【李懷光】渤海靺鞨人，在軍積勞，至開府儀同三司，爲鄆虢侯，後徙朔方節度使，敗朱泚，加副元帥，興元元年三月帝奔

梁州，貞元元年八月，裴光爲部將所殺。【梁州】梁州興元府，漢中郡，屬山南西道，治南鄭，今陝西南鄭縣。【寶參】字時中，岐州平陸人，以好聞。【逡巡】行不進貌。【汝州】汝州臨汝郡，屬河南道，治梁，今河南臨汝縣。【汴州】汴州陳留郡，屬河南道，治浚儀，今河南開封縣。【宣武軍節度使】治汴州，管汴、宋、毫、穎四州。【大歷】代宗年號。【劉玄佐】李萬榮，均滑州匡城人。【俱文珍】貞元末宦官，後從義父姓，曰劉貞亮。【鄧惟恭】亦匡城人。【鄭州】鄭州滎陽郡，屬河南道，治管城，今河南鄭縣。【逆】迎也。【圃田】澤名，在今河南中牟縣西。【中牟】唐屬鄭州，故城在今河南中牟縣東。【八角】在今開封縣西南三十里。【郭】郭也。【吳濩】濮州濮陽人，劉玄佐卒，以濩檢校兵部尚書汴州刺史御史大夫，宣武軍節度使，時汴州軍亂，縣令李迥謀立玄佐子士寧，恐軍中拒命，乃召濩還。【鞏】縣名，唐屬河南府，今屬河南省。【陸長源】字泳，吳人。【楊凝】字懋，魏州弘農人。【楊於陵】字達夫，弘農人。【汴州亂】陸長源在汴州，欲以峻法繩驕兵，爲管所持，不果，而管判官楊凝、孟叔度亦縱恣淫酒，衆情共怒，管卒，長源繼留後事，大言曰：將士久慢，我且以法治之。軍中怨怒作亂，殺長源及叔度等，食其肉，放兵大掠。監軍俱文珍，以宋州刺史劉迥准得衆心，召之，迥准引兵進入汴州，衆乃定，遂以爲節度使。

### 監察御史衛府君墓誌銘

管置檢校御史，隋改監察御史，唐因之。掌內外劾奏，並監察祭祀，及監諸軍出

使等。

君諱之玄，字造微。中書舍人御史中丞諱晏之子。贈太子洗馬諱璿之孫。家世習儒學辭章。昆弟三人，俱傳父祖業。從進士舉。君獨不與俗爲事，樂弛置自便。父中丞薨，既二年，與其弟中行別曰：「若既克自敬勤，及先人存，趾美進士，續聞



成宗。惟服任遂功爲孝子，在不怠。我恨已不及，假令今得，不足自貫。世音我聞南方

多水銀丹砂，雜他奇藥，熈切於刀爲黃金，可餌耳音以不死。今於若丐我，我卽去。遂

踰嶺隄切於隔南出，藥貴不可得。以干容帥，帥且曰：「若能從事於我，可一日具。」

許之。得藥試，如方不效。曰：「方良是，我治之未至耳。」留二年。藥終不能爲黃金。

而功再遷監察御史。帥遷於桂，從之。帥坐事免，君攝其治歷三時。夷人稱便。新帥

將佐帥政成，以奏功，君捨去。南海馬大夫使謂君曰：「幸尙可成，兩濟其利。」君

雖益厭，然不能無萬一冀。至南海，未幾竟死。年五十三。子曰景微。元和十年十二

月某日，歸葬河南某縣某鄉某村，祔先塋。於時中行爲尙書兵部郎中，號名人，而

與余善。請銘。銘曰：

嗟惟君，篤所信。叶韻要無有，敝精神。以弃古棄餘，賈古音於人。脫外累，自貴珍。訊音

來世，述墓文。

【中書舍人】梁陳時，凡國之政事，並由中書省，省有中書舍人五人，領主書書吏等，唐因之。【御史中丞】掌祕書，兼司糾察，起

自秦漢，歷代因之。【太子洗馬】秦置，漢因之，爲東宮官屬。【中行】字大受。【若】汝也。【趾美】猶纒美也。【續聞

成宗】續先人之名，以光大其宗。【貫】救也。國語：音先君闕廢不貫不忍。【水銀】亦稱汞，化學上爲金屬元質之一。【丹

砂】硃砂，道家曾鍊爲丹藥。【燻】煉也。【餌】食也。【今於若丐我】丐，與也，與行資也。【阨】險地。【干】求也。【容

帥】謂房啓也，貞元二十一年五月，以房啓爲容管經略使。【遷桂】元和八年四月，以啓爲桂管觀察使。【坐事免】是歲七

月，啓以罪降爲太僕少卿。【攝】佐也。【南海】縣名，合屬廣東、粵海道。【馬大夫】十二月，以馬總爲嶺南節度使。【元和

】唐憲宗年號。【伊闕】在河南洛陽縣南。【祔】合葬也。【郎中】秦置，隸郎中令，隋唐以後六部皆置郎中，爲諸司之長。

【買於人】買，市也。以其所棄市於三鎮也。【訊】告也。（詩）莫肯用訊。

### 尙書左丞孔公墓誌銘

左丞官名，漢置尙書左右丞，以佐令僕，左丞總領臺中紀綱，歷代因之。

孔子之後三十八世有孫曰殘，殘音字君嚴。事唐爲尙書左丞。年七十三。三上

書去官。天子以爲禮部尙書。祿之終身，而不敢煩以政。吏部侍郎韓愈常賢其能。

謂曰：「公尙壯，上三留，奚去之果。」曰：「吾敢要君。吾年至，一宜去。吾爲左丞，

不能進退郎官，惟相之爲，二宜去。」愈又曰：「古之老於鄉者，將自佚，非自苦。闕

井田宅具在，親戚之不仕，與倦而歸者，不在東阡在北陌，可杖屨來往也。今異於

是公誰與居？且公雖貴而無留資，何恃而歸？曰：「吾貧二宜去，尙奚顧子言？」愈面歎曰：「公於是乎賢遠於人。」明日奏疏曰：「臣與孔戣同在南省，數與相見。戣爲人守節清苦，論議正平。年纔七十，筋力耳目未覺衰老。憂國忘家，用意至到。如戣輩在朝，不過三數人。陛下不宜苟順其求，不留自助也。」不報。明年長慶四年正月己未，公年七十四，告薨於家，贈兵部尙書。公始以進士佐三府，官至殿中侍御史。元和元年，以大理正徵，累遷江州刺史，諫議大夫。事有害於正者，無所不言。加皇太子侍讀，改給事中。言京兆尹阿縱罪人，詔奪京兆尹三月之俸。權知尙書右丞，明年拜左丞，改華州刺史。明州歲貢海蟲淡菜蛤音呼甘，可食之屬，自海抵京師，道路水陸，遞夫積功，歲爲四十三萬六千人，奏疏罷之。下邳音非令音咎音外按小兒，繫御史獄，公上疏理之，詔釋下邳令。而以華州刺史爲大理卿。十二年，自國子祭酒拜御史大夫，嶺南節度等使約以取足，境內諸州貢錢至二百萬，悉放不收。蕃舶音泊俗之至，泊步有下碇音訂之稅，始至有闕貨之燕犀音西珠磊音

落，賄及僕隸，公皆罷之。絕海之商，有死於吾地者，官藏其貨。滿三月無妻子之請者，盡沒有之。公曰：海道以年計往復，何月之拘。苟有驗者，悉推與之，無算遠近。厚守宰俸而嚴其法。嶺南以口爲貨，其荒阻處，父子相縛爲奴。公一禁之，有隨公之吏得無名兒，蓄不言官。有訟者，公召殺之。山谷諸黃，世自聚爲豪。觀吏厚薄，緩急或叛或從。容桂二管，利其虜掠，請合兵討之。冀一有功，有所指取。當是時，天子以武定淮西河南北，用事者以破諸黃爲願，向意助之。公屢言遠人，急之則惜性命，相屯聚爲寇，緩之則自相怨恨而散。此禽獸耳，但可自計利害，不足與論是非。天子入先言，遂斂兵江西、岳、鄂、湖南、嶺南，會容桂之吏以討之。被霧露毒，相枕藉死，百無一還。安南乘勢殺都護李象古。桂將裴行立，容將陽旻，皆無功。數月自嶺南囂，然祠部歲下廣州祭南海廟，廟入海口，爲州者皆憚之。不自奉事，常稱疾命從事自代。惟公歲常自行，官吏刻石爲詩美之。十五年，遷尙書吏部侍郎。公之北歸，不載南物。奴婢之籍，不增一人。長慶元年，改右散騎常侍。二年而爲

尙書左丞。曾祖諱務本，滄州東光令。祖諱如珪，海州司戶參軍，贈尙書工部郎中。皇考諱岑父，祕書省著作佐郎，贈尙書左僕射。公夫人京兆韋氏，父种，大理評事。有四子。長曰溫質，四門博士。遵孺，遵憲，溫裕，皆明經。女子長嫁中書舍人陽平路隋。其季者幼。公之昆弟五人，載戡戡，戡。公於次爲第二。公之薨，戡自湖南入爲少府監。其年八月甲申，戡與公子塋公於河南河陰廣武原先公僕射墓左。銘曰：孔世卅八，吾見其孫，白而長身，寡笑與言。其尙類也，莫與之倫。德則多有，請考於文。

【戡】岑父子，戡父從子。

【尙書左丞】戡累擢諫議大夫，宣龍側目，改給事中，江西觀察使，長慶二年，再遷尙書左丞。

【三上

書】長慶三年，戡累表請老。

【禮部尙書三句】詔戡以禮部尙書致仕，仍令所司歲致羊酒。

【果】決也。

【要】求也。

郎官】謂郎中員外。

【佚】通逸。

【東阡北陌】田間小路。南北曰阡，東西曰陌。

【南省】唐尙書省在大明宮之南。

慶】穆宗年號。

【進士】建中元年，戡第進士。

【佐三府】貞元十六年四月，鄜州節度使盧彛辟戡爲從事，彛卒，命戡權掌留務。

監軍楊志謙雅自學，衆益恐，戡遂志謙至府，與對榻臥起，示不疑，志謙嚴憚不敢動。

【殿中侍御史】魏置，居殿中，察非法，唐因之。

【元和】憲宗年號。

【大理】掌刑法之官，秦漢改爲廷尉，北齊復爲大理，唐因之。

【江州】州名，州治初在武昌，後移治潯陽。

【刺史】官名，漢武帝置部刺史，督察郡國。刺者，言刺舉不法。史者，使也。唐因之。【諫議大夫】官名，省稱諫議。秦置諫議大夫，掌

議論，歷代因之。【害無不言】內官劉希光受將軍孫璿賂二十萬貫賜死。吐突承璿，坐希光事，出為淮南監軍使，太子通事舍人

李涉，知上待承璿意未衰，投璿上書，論承璿有功，璿劾涉與中官交結，詔貶涉陝州司倉。【侍讀】元和六年十月以璿為皇太子

諸王侍讀。【給事中】以在殿中，故名。【京兆尹】漢置，為管理京師地方之官。【阿縱罪人二句】璿為給事中，江西觀

察使李少和坐賊，璿廢不下，博陵崔易簡殺從父兄，鞠狀具，京兆尹左右之，翻其情，璿懷憾論正，貶少和，殺易簡，奪尹三月俸。【華州

刺史】元和九年六月，以璿為刺史，澶關防禦鎮國軍使。【淡菜】蚌屬，以曝乾時不加食鹽，故名。【蛤】介屬，俗稱蛤蜊。【蚌

蚌屬，一名瓦楞子。【下邳】縣名，秦置，故城在今陝西渭南縣東北。【笞】五刑之一，以小荆杖決打。【外按小兒】憲宗時，

每歲冬以鷹犬出近畿習狩，謂之外按。下邳令裴疾其擾人，但據文供饋，使者歸謂裴，將加罪，宰相武元衡等懇救，乃解。見唐會要。

小兒，即德宗時，五坊小兒之類。【大理卿】元和十年二月，以李絳代璿為華州，以璿為大理卿。【國子祭酒】國子監祭酒為

長官。【嶺南節度使】十二年嶺南節度使崔詠卒，三重請帥，宰相奏議，皆不稱旨，因又對，上謂裴曰：嘗有上疏論南海進蚶菜

者，詞甚忠正，此人何在？璿對，即日授廣州刺史，兼御史大夫，嶺南節度使。【約以取足】璿剛正清儉，在南海請刺史俸料之

外，絕其取索。【負錢悉放不收】璿既至，免屬州逋負十八萬緡，米八萬斛，黃金稅歲八百兩。【蕃】同番，唐時南洋各島及大

金等國，多有航海來廣州市易者。【舶】海中大船也。【泊】舟附岸也。【步】水際謂之步。通作埠。【碇】亦作碁，鎮丹石也，

今亦謂鐵錘曰碇。【燕】飲酒也，與宴讌並通。【犀】獸名，較駝略小，角生鼻端，其皮用以製甲。【磊落】多貌。【厚俸嚴

法】先是屬刺史俸率三萬，又不時給，皆取部中白衣食，璿乃估其俸，約不得為貪暴，稍以法繩之。【諸黃】黃調諸蠻也。【容

桂二管三句】元和十四年，容桂經略使陽旻，桂管觀察使裴行立，欲邀幸立功，爭請討，上從之。【此禽獸】一作比禽獸，猶言

如鳥獸散也。【斂兵】聚兵也。【岳鄂】岳州，鄂州，俱隋置，唐廢，唐俱復之。【嶺南】五嶺之南也，即今粵中。【杜藉】謂縱

橫相枕而臥也。【漢書】發視，皆相枕藉死。【安南殺李象古】象古，李臯子，自衡州刺史，爲安南都護，元和十八年爲楊清所殺，

妻子支黨無噍類，清代爲南方酋豪。【都護】唐置六大都護府，統轄邊遠諸國。【裴行立陽旻】行立，守眞曾孫，爰字公柔，憲

元子，元和十五年七月相繼卒。【聶然】喧嘩也。【祠部句】常以立夏氣至，命廣州刺史行事祠下，南海爲廣利王，天寶十載正

月封。【官吏句】事詳本集南海神廟碑。【長慶】穆宗年號。【右散騎常侍】置自秦，旁乘輿，專獻可替否，隋唐復置，分

左右，分隸門下中書兩省。【東光】今縣名，屬河北省。【海州】本春秋鄭子國，東魏置海州，後周廢，唐復置，今析其地爲東海灌

雲二縣。【司戶參軍】漢魏以下有戶曹掾，主民戶，爲郡之佐吏，北齊始稱戶曹參軍，唐代在府曰戶曹參軍，在州曰司戶參軍，在

縣曰司戶。【祕書省】掌圖籍之官署，隋以祕書與尙書門下內史殿中爲五省，唐因之。【著作佐郎】魏置，管謂之著作省，稱

著作郎爲大著作，專掌國史，其屬有著作佐郎。【左僕射】僕射，秦官，漢以後因之，古者重武，有主射以督課，故曰僕射，隨所領之事

以爲號，如尙書僕射之類，其後尙書分置左右僕射，委任漸重，唐左右僕射爲宰相之任，掌佐天子議大政。【評事】漢置廷尉平，隋

改爲評事，屬大理寺。【四門博士】後魏于四門建學，置四門博士，唐因之。【明經】謂明於經術也，唐制六科取士，一秀才，二

明經，三進士，四明法，五書，六算。【中書舍人】魏置，掌詔誥制敕，歷代因之，屬中書省，南朝權任極重，唐代亦爲文士盛選。【陽

平】關名，在陝西。【路隋】字南式，泌子，幼以父恩授八品官，文宗朝，拜同中書門下平章事。【少府監】長慶元年正月，職自幽

南觀察入爲少府監。【河陰】縣名，唐置以便漕運，屬河南省，今與滎澤合併，改爲廣武縣。【倫】比也。

# 故貝州司法參軍李君墓誌銘

貝州北周置，今河北清河縣。兩漢有決曹賊曹掾，主刑法，爲郡之佐

吏，歷代皆有。北齊稱法曹參軍。唐制，在府曰法曹參軍，在州曰司法參軍。

貞元十七年九月丁卯，隴西李翱，合葬其皇祖考貝州司法參軍楚金，皇祖

妣清河崔氏夫人於汴州開封縣某里。昌黎韓愈紀其世，著其德行，以識志音其葬。

其世曰：由涼武昭王六世至司空。司空之後，二世爲刺史清淵侯。由侯至於貝州，

凡五世。其德行曰：事其兄如事其父，其行不敢有出焉。其夫人事其妣似音如事其

姑，其於家不敢有專焉。其在貝州，其刺史不悅於民。將去官，民相率謹譁，手瓦石，

胥其出擊之。刺史匿不敢出，州縣吏由別駕已下不敢禁。司法君奮曰：是何敢爾？

屬燭音小吏百餘人，持兵杖以出。立木而署之曰：刺史出，民有敢觀者，殺之木下。民

聞皆驚，相告散去。後刺史至，加禮擢任。貝州由是大理。其葬曰：翱旣遷貝州君之

喪於貝州，殯於開封。遂遷夫人之喪於楚州。八月辛亥，至於開封。壙曠音於丁巳，墳



於九月辛酉，窆於丁卯。人謂李氏世家也。侯之後五世仕不遂。蘊必發，其起而大乎？四十年而其兄之子衡，始至戶部侍郎。君之子四人，官又卑。翱其孫也，有道而甚文。固於是乎在。

【貞元】注見前。【隴西】甘肅爲隴西，以在隴山之西云。【李翱】字習之，成紀人，貞元進士，元和初爲國子博士，歷官山東東道節度使。【皇祖考】（禮）王父曰皇祖考。【皇祖妣】（禮）王母曰皇祖妣。【清河】郡名。【崔夫人】夫人父球，兗、鄆、陵三州刺史。【汴州】北周改齊梁州置，卽今河南開封縣。【開封】今縣名，故城在今河南開封縣南。【昌黎】唐縣名，故城在今河北通縣東。【識】記也。【涼武昭王六世至司空】涼武昭王名暠，字玄感，晉安帝時，自稱西涼公，在位十七年。子翻字士舉，位車騎將軍、鄜、郿、涇、泉、晉昌太守。翻子寶，字懷素，鎮北將軍。寶子冲，字思願，後魏孝文帝時，封清淵縣侯，卒贈司空。冲，愷曾孫也，云六世誤。【司空之後二世爲刺史清淵侯】冲子延實，字暉，都督青州刺史。延實子彬，字子儒，襲祖爵清淵縣侯，卒贈齊州刺史，子桃枝襲封。【由侯至於貝州凡六世】桃枝玄孫詔，諸議參軍，詔子楚金。【事兄如事父二句】楚金伯兄惟慎，楚金事之如父，每事必請，惟慎曰：汝年亦長矣，擾我何爲？楚金請之如初。【妯】兄弟之妻相謂皆曰妯，此謂惟慎妻鄺也。【姑】婦稱夫之母曰姑。【刺史】謂嚴正晦。【胥】何也。詩：于胥斯原。【別駕】漢置爲州刺史之佐吏。【司法君】謂楚金。【是何敢爾九句】貝州刺史嚴正晦黜官，百姓將伺其出，鑿之以瓦石，錄事參軍謂楚金曰：若之何？楚金於是集小吏百餘人皆持兵，無異者皆持杖，埋長木道中，令曰：使君出，百姓敢有出觀，杖殺大木下。及正晦出，百姓莫敢動。【理】治也。【殯】停柩也。【曠】墓

穴。【芝】下棺於穴。【兄子衡】雅慎子五人，衡其第二子也。貞元七年，自常州刺史鎮河南，八年徙鎮江西，召爲給事中。

## 毛穎傳

毛穎，中山人也。其先明眎，

視同

佐禹治東方土，養萬物有功，因封於卯地，死爲

十二神。嘗曰：「吾子孫神明之後，不可與物同，當吐而生。」已而果然。明眎八世

孫騫，

奴侯切

世傳當殷時，居中山，得神仙之術，能匿光使物，竊姮娥，騎蟾蜍，入

月。其後代遂隱不仕云。居東郭者曰邈，俊音狡而善走，與韓盧爭能，盧不及，盧怒，與

宋鵠謀而殺之，醢其家。

海音

秦始皇時，蒙將軍恬南伐楚，次中山，將大獵以懼楚，召

左右庶長與軍尉，以連山筮之，得天與人文之兆。筮者賀曰：「今日之獲，不角不

牙，衣褐之徒，缺口而長鬚，八竅而跌，府音獨取其髦，簡牘是資，天下其同書。秦其

遂兼諸侯乎？」遂獵，圍毛氏之族，拔其豪，載穎而歸，獻俘

手音

於章臺宮，聚其族而

加束縛焉。秦皇帝使恬賜之湯沐，而封諸管城，號曰管城子。日見親寵，任事。穎爲

人強記而便敏，自結繩之代以及秦事，無不纂錄。陰陽卜筮，占相醫方，族氏山經

地志，字書圖畫，九流百家天人之書，及至浮圖老子外國之說，皆所詳悉。又通於當代之務，官府簿書市井貨錢注記，惟上所使。自秦皇帝及太子扶蘇、胡亥、丞相斯、中軍府令高，下及國人，無不愛重；又善隨人意，正直邪曲巧拙，一隨其人。雖見廢棄，終默不洩。惟不喜武士，然見請亦時往。累拜中書令，與上益狎，上嘗呼爲中書君。上親決事，以衡石自程，雖宮人不得立左右，獨穎與執燭者常侍。上休乃罷。穎與絳人陳玄、弘農陶泓，及會稽褚先生友善，相推致，其出處必偕。上召穎，三人者不待詔輒俱往，上未嘗怪焉。後因進見，上將有任使，拂拭之，因免冠謝。上見其髮禿，他谷切又所摹畫，不能稱上意。上嘻笑曰：「中書君老而禿，不任吾用，吾嘗謂君中書，君今不中書耶？」對曰：「臣所謂盡心者。」因不復召，歸封邑，終於管城。其子孫甚多，散處中國夷狄，皆冒管城。惟居中山者，能繼父祖業。

太史公曰：毛氏有兩族。其一姬姓，文王之子封於毛，所謂魯衛毛聃他甘切者也。戰國時，有毛公毛遂，獨中山之族，不知其本所出，子孫最爲蕃昌。春秋之成，見絕於

孔子，而非其罪。及蒙將軍拔中山之豪，始皇封諸管城，世遂有名，而姬姓之毛無聞。穎始以俘見，卒見任使。秦之滅諸侯，穎與有功，賞不酬勞，以老見疎，秦真少恩哉！

【中山】在今安徽宣城縣，唐爲宣州治，產名筆。見《戒庵漫筆》。【明跡】《禮曲禮》兔曰明跡。【治東方】《堪輿家》二十四方

位，東方甲卯。【卯地】《星命家》十二支，卯屬兔。【死爲十二神】《地支十二卯居第四》。【吐而生】《王充論衡》兔嚙莖而孕

及其生子，從口而出。【齷】《爾雅》兔子齷。《郭注》俗呼曰齷。【匿光二句】《後漢書天文志注》月者陰精之宗，積而成獸，象兔

《文》深請不死之藥於西王母，姬嬖竊之以奔月，遂託身於月，是爲蟾蜍。《淮南子注》蟾蜍，月中蝦蟆。【魏】《說文》狡兔魏。【韓

盧宋鵠】皆良犬名。《戰國策》韓子盧者，天下之疾犬也。東郭逡者，海內之狡兔也。韓子盧逐東郭逡，環山者三，勝山者五，兔極於前，

犬疲於後，犬兔俱罷，各死其處。【醜】凡人物醜陋者，皆曰醜。【蒙將軍恬】始製筆者。【連山】《周禮》三易之法，夏曰連

山，商曰歸藏，周曰周易。【跌】足趾。【髦】毛中長毫。【結繩】《燧人氏作結繩之政，大事作大結，小事作小結。【衡石句】

《史記》始皇事無大小，皆決於上，以衡石量書，日夜有程，不中程，不休息。衡石者，權其輕重也。【陳玄】墨也。【陶泓】硯也。【

稽先生】紙也。【毛公毛遂】戰國趙人。【見絕句】孔子作春秋，絕筆於魯哀獲麟之歲。

## 平淮西碑 並序

天以唐克肖其德，聖子神孫，繼繼承承於千萬年，敬戒不怠，全付所覆。四海九州，罔有內外，悉主悉臣。高祖太宗，既除既治。高宗中睿，休養生息。至於玄宗，受報收功，極熾而豐。物衆地大，孽牙其間。肅宗代宗，德祖順考，以勤以容。大憲適去，稂 郎音 音 莠不羣。相臣將臣，文恬武嬉。習熟見聞，以爲當然。睿聖文武皇帝，既受羣臣朝，乃考圖數貢曰：「嗚呼！天既全付予有家，今傳次在予，予不能事事，其何以見於郊廟？」羣臣震懾，奔走率職。明年平夏；又明年平蜀；又明年平江東；又明年平澤潞。遂定易定，致魏博、貝衛、澶、音 相，無不從志。皇帝曰：「不可究武，予其少息。」九年，蔡將死，蔡人立其子元濟以請，不許，遂燒舞陽，犯葉、音 襄城，以動東都，放兵四劫。皇帝歷問於朝，一二臣外皆曰：「蔡帥之不廷授，於今五十年，傳三姓四將，其樹本堅，兵利卒頑，不與他等，因撫而有，順且無事。」大官臆決唱聲，萬口和附，并爲一談，牢不可破。皇帝曰：「惟天惟祖宗，所以付任予者，庶其在此。予何敢不力，況一二臣同，不爲無助。」曰：光顏，汝爲陳許帥，維是河東魏博、音 郟陽三軍之

在行者，汝皆將之；曰重胤，汝故有河陽懷，今益以汝，維是朔方、義成、陝、益、鳳、翔、延慶七軍之在行者，汝皆將之；曰弘，汝以卒萬二千，屬而子公武往討之；曰文通，汝守壽，維是宣武、淮南、宣、歙、浙西四軍之行於壽者，汝皆將之；曰道古，汝其觀察鄂岳；曰愬，汝帥唐、鄧、隨，各以其兵進戰；曰度，汝長御史，其往視師；曰度，惟汝予同，汝遂相予，以賞罰用命，不用命；曰弘，汝其以節都統諸軍；曰守謙，汝出入左右，汝惟近臣，其往撫師；曰度，汝其往衣服飲食予士，無寒無饑，以旣厥事，遂生蔡人，賜汝節斧，通天御帶，衛卒三百；凡茲廷臣，汝擇自從，惟其賢能，無憚大吏，庚申，予其臨門送汝；曰御史，予閱士大夫戰甚苦，自今以往，非郊廟祠祀，其無用樂。一顏胤武合攻其北，大戰十六，得柵城縣二十三，降人卒四萬。道古攻其東南，八戰，降萬三千；再入申，破其外城。文通戰其東，十餘遇，降萬二千。愬入其西，得賊將，輒釋不殺，用其策，戰比有功。十二年八月，丞相度至師，都統弘責戰益急，顏胤武合戰益用命。元濟盡并其衆，洄曲以備，十月壬申，愬用所得賊將，自文城，因天大雪，疾馳百

二十里，用夜半到蔡，破其門，取元濟以獻，盡得其屬人卒。辛巳，丞相度入蔡，以皇帝命赦其人，淮西平。大饗，賚功。師還之日，因以其食賜蔡人。凡蔡卒三萬五千，其不樂爲兵，願歸爲農者十九，悉縱之。斬元濟京師，册功，弘加侍中，愨爲左僕射，帥山南東道。顏胤皆加司空。公武以散騎常侍，帥鄜坊丹延道古進大夫。文通加散騎常侍。丞相度朝京師，道封晉國公，進階金紫光祿大夫，以舊官相，而以其副總爲工部尚書，領蔡任。既還，奏羣臣請紀聖功，被之金石，皇帝以命臣愈。臣愈再拜稽首，而獻文曰：唐承天命，遂臣萬邦，孰居近土，夔盜以狂，往在玄宗，崇極而圯。河北悍驕，河南附起，四聖不宥，屢興師征，有不能克，益戍以兵，夫耕不食，婦織不裳，輸之以車，爲卒賜糧，外多失朝，曠不嶽狩，百隸怠官，事亡其舊。帝時繼位，顧瞻咨嗟，惟汝文武，孰恤予家。既斬吳蜀，旋取山東，魏將首義，六州降從，淮蔡不順，自以爲強，提兵叫讜，欲事故常，始命討之，遂連姦鄰，陰遣刺客，來賊相臣，方戰未利，內驚京師，羣公上言，莫若惠來，帝爲不聞，與神爲謀，乃相同德，以訖天誅，乃

敕顏胤，愬武古通。咸統於弘，各奏汝功。三方分攻，五萬其師。大軍北乘，厥數倍之。  
常兵時曲，軍士蠢尹尺切蠢。既剪陵雲，蔡卒大窘。君上勝之邵陵，鄆於建切城來降。自  
夏入秋，復屯相望。兵頓不勵，告功不時。帝哀征夫，命相往釐。士飽而歌，馬騰於槽。  
試之新城，賊遇敗逃。盡抽其有，聚以防我。西師躍入，道無留者。額同額蔡城，其疆  
千里。既入而有，莫不順俟。帝有恩言，相度來宣。誅止其魁，釋其下人。蔡之卒夫，投  
甲呼舞。蔡之婦女，迎門笑語。蔡人告饑，船粟往哺。蔡人告寒，賜以繒慈陵切布。始時  
蔡人，禁不往來。今相從戲，里門夜開。始時蔡人，進戰退戮。今吁古案切而起，左餐右  
粥。爲之擇人，以收餘億。蒲拜切選吏賜牛，教而不稅。蔡人有言，始迷不知。今乃大覺，  
羞前之爲。蔡人有言，天子明聖。不順族誅，順保性命。汝不吾信，視此蔡方。孰爲不  
順，往斧其吭。航音凡叛有數，聲勢相倚。吾強不支，汝弱奚恃。其告而長，而父而兄。奔  
走偕來，同我太平。淮蔡爲亂，天子伐之。既伐而饑，天子活之。始議伐蔡，卿士莫隨。  
既伐四年，小大並疑。不赦不疑，由天子明。凡此蔡功，惟斷乃成。既定淮蔡，四夷畢



來。遂開明堂，坐以治之。

【稂莠】害苗之草。【薨】除草。【平夏】元和元年三月，夏綏留後楊惠琳叛，夏州兵馬使張永金討斬之。

【平蜀】劍南節

度使韋臯卒，行軍司馬劉闢自稱留後，元和元年正月，劉闢反，九月，東川節度副使高崇文擒之。【平江東】元和二年十月，鎮海節

度使李錡反，兵馬使張子良執錡送京師。【平澤潞】元和五年，昭義節度盧從史、陰興王承宗通謀，吐突承璀誘執從史送京師。按

以上紀年，碑文與史不同。【定易定】元和五年十月，義武節度使張茂昭，以定易二州歸于有司。【致魏博】元和七年十月，魏

博節度使田弘正，以所管六州歸於有司。【貝衛澶相】此四州爲魏博節度使所管，蓋兼魏博合六州也。【蔡將死數句】

元和九年閏八月，彰義節度使吳少陽卒，其子元濟撰蔡州刺史，匿喪以病聞，自領軍務，表請主兵，不許，十年正月，元濟反。【舞陽】

今河南舞陽縣。【葉】今河南葉縣。【襄城】今河南襄城縣。【三姓四將】廣德元年十月，以李忠臣爲淮西節度使，貞元

二年四月，以陳奇，十月以吳少誠，是爲三姓。大曆十四年三月，忠臣爲其將李希烈所逐，自爲節度，忠臣、希烈、少誠、少陽等，是爲四將。

【光顏爲陳許帥】元和九年十月，以陳州刺史李光顏爲忠武節度使，忠武管陳許二州。【河東魏博郃陽】元和十年正

月，命宣武等十六道進軍討元濟，以光顏等分掌行營，二月命神策軍郃陽鎮遏將索日進，以涇原兵六百人會李光顏。郃陽縣名，唐屬

左馮翊，今屬陝西。【重胤句】元和九年閏八月，以河陽節度使烏重胤爲汝州刺史，充河陽懷汝節度使，徙隸汝州。【義成陝

益延慶】義成管鄜帶二州。陝益，卽劍南東西川。延屬鄜坊丹延節度使。慶屬郃寧節度使。【弘以卒二萬句】元和十年九月，

以宣武節度使韓弘爲淮西諸軍都統，弘請使子公武以兵萬三千會蔡下，歸財與糧，以濟諸軍。【文通守壽】元和十年十二月，

以左金吾大將軍李文通爲壽州團練使。【道古觀察鄂岳】元和十一年，以黔州觀察使李道古爲鄂岳觀察使。【翹脚唐

鄧隨】元和十一年十二月，以太子詹事李愬爲鄧唐隨節度使。【度長御史句】裴度爲御史中丞，故云長。元和十年五月，帝遣度詣行營宣慰，察用兵形勢。六月，以度爲中書侍郎，同平章事。十二年七月，度以宰相出爲淮西宣慰處置使，度奏刑部侍郎馬總爲副使，右庶子韓愈爲行軍司馬判官書記。【守謙】奄人，元和十一年十一月，帝命知樞密梁守謙宣慰，因監其軍。【賜通天御帶衛卒】元和十二年八月，度赴淮西詔以神策軍三百人衛從賜以犀帶。【臨門送汝】度行，帝御通化門送之。【入申二句】元和十二年，道古攻申州，克其外郭。【得賊將句】元和十二年五月，淮西騎將李祐，率士卒劉麥於張柴村，李愬令龐廣侯

史用誠生禽以歸，待以客禮。【洹曲】一名時曲，在河南商水縣西南，潞水於此洹曲，故名。元和十二年四月，蔡人董昌齡以郟城降，李光顏引兵入據之，元濟甚懼，時董重質將騎軍守洹曲，元濟悉發親近及守城卒詣重質，以拒官軍。【文城】卽文城柵，在河南遂平縣西南。【河北】安史平後，燕趙相繼而起。【河南】汴蔡之屬，居河南者。【四聖】肅、代、德、順。【姦鄰】指李師道。

平縣西南。【河北】安史平後，燕趙相繼而起。【河南】汴蔡之屬，居河南者。【四聖】肅、代、德、順。【姦鄰】指李師道。

【陰遣刺客二句】元和十年六月，宰相武元衡入朝，東平李師道遣刺客突出刺之，又擊裴度傷首。【三方句】顏胤貳合攻其北，道古攻其東南，文通戰其東。【時曲】見上。元和十年五月，光顏大破賊於時曲。【陵雲】在今商水縣，故潞水城西南，當郟城之東。元和十一年九月，光顏、重胤，拔淮西陵雲柵。【邵陵】今河南郟城縣東，有邵陵故城。【郟城來降】元濟以董昌齡爲郟城令，而質其母楊，揚謂昌齡曰：願死資於逆生，汝去逆而吾死，乃孝子也；從逆而吾生，是戮吾也。曾官軍進逼郟城，昌齡乃舉城降，李光顏入據之。【釐】理也。【頡頏】虞書：罔晝夜頡頏，（注）肆惡無休也。【盱】睨也。【吭】咽喉也。

光顏入據之。【釐】理也。【頡頏】虞書：罔晝夜頡頏，（注）肆惡無休也。【盱】睨也。【吭】咽喉也。

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

藍田縣丞廳壁記

高而偪，同例以嫌，不可否事。文書行，吏抱成案詣丞，同卷其前，其鉗其以左手，右

手摘紙尾雁鶩，木音行以進，平立睨，音丞曰：當署。丞涉筆占位，署惟謹，目吏問可不

可？吏曰：得，則退，不敢略省，漫不知何事。官雖尊，力勢反出主簿尉下。諺數意慢必

曰丞，至以相訾，子音訾放音丞之設，豈端使然哉？博陵崔斯立，種學績文，以蓄其有。泓

涵演池，移音日大以肆。貞元初，挾其能，戰藝於京師。再進，再屈千人。元和初，以前大

理評事言得失黜官，再轉而為丞茲邑。始至，丘喟曰：官無卑，顧材不足塞職。既

際，渠飲不得施用，又喟曰：丞哉丞哉，余不負丞，而丞負余。則盡枿同去牙角，一躡

尼輒故跡，破崖岸而為之。丞廳故有記，壞漏汚不可讀。斯立易桷音與瓦，英墁字

治壁，悉書前任人名氏。庭有老槐四行，南牆鉅竹千挺，儼立若相持，水漉雀漉雀

循除鳴。斯立痛掃溉，對樹二松，日哦其間。有問者輒對曰：「余方有公事，子姑去。」

「考功郎中知制誥韓愈記。」

【鉗】劫束之義。【雁鶩行】行如雁鶩之舒而不疾。鶩，鴨也。【睨】邪視。【諺數慢二句】數，頰也。諺語頰以丞為慢人之

語。【警警】豎也。【博陵崔斯立】字立之，貞元四年進士，博陵唐置郡，治今河北定縣。【泓涵演迤】如水之宏深逶迤。

【噤】口閉不言。【拞去牙角三句】拞，伐木餘也。此作除去解。牙角，猶廉隅。踞，蹈也。崖岸，借喻高傲，此言姑爲順俗圓轉也。

【桷】椽之方者。【墁】牆壁之飾。【灑灑】水聲。【除】階也。

### 鄆州谿堂詩

并序。

憲宗之十四年，始定東平，三分其地。以華州刺史禮部尚書兼御史大夫扶風馬公爲鄆，通音曹濮節度觀察等使，鎮其地。旣一年，褻其軍號曰天平軍。上卽位之二年，召公入，且將用之，以其人之安公也，復歸之鎮。上之三年，公爲政於鄆，曹濮也，適四年矣。治成制定，衆志大固。惡絕於心，仁形於色。搏局心一力，以供國家之職。於時沂密始分而殘其帥，其後幽鎮魏不悅於政，相繼扇同變，復歸於舊。徐亦乘勢逐帥自置，同於三方。惟鄆也，截然中居，四鄰望之，若防之制水，恃以無恐。然而皆曰鄆爲虜巢，且六十年，將彊卒武。曹濮於鄆，州大而近，軍所根柢，皆驕以易怨。而公承死亡之後，掇拾之餘，剝膚椎音髓，悉委公私掃地赤立，新舊不相保。

持萬目睽音奎睽，公於此時能安以治之，其功爲大。若幽鎮魏徐之亂，不扇而變，此功反小，何也？公之始至，衆未熟化，以武則忿，以憾以恩則橫而肆。一以爲赤子，一以爲龍蛇。憊音備心罷同疲精，磨以歲月，然後致之難也。及教之行，衆皆戴公爲親父母。夫畔父母，從仇讐，非人之情，故曰易。於是天子以公爲尙書右僕射，封扶風縣開國伯，以褒嘉之。公亦樂衆之和，知人之悅，而侈上之賜也。於是爲堂於其居之西北隅，號曰谿堂。以饗士大夫，通上下之志。旣饗，其從事陳曾謂其衆曰：「公畜之此邦，其勤不亦至乎！此邦之人，曩公之化，惟所令之，不亦順乎！上勤下順，遂濟登茲，不亦休乎！昔者人謂斯何？今者人謂斯何？雖然，斯堂之作，意其有謂而暗音陰無詩歌，是不考引公德，而接邦人於道也。」乃使來請其詩曰：

帝奠九壘同，有葉有年。有荒不條，河岱之間。及我憲考，一收正之。視邦選侯，以公來尸。公來尸之，人始未信。公不飲食，以訓以徇。孰饑無食，孰呻孰歎，孰冤不問，不得分願。孰爲邦蠹音謀，節根之螟。羊很狼貪，以口覆城。吹之煦之，摩手拊同拊之。箴同箴

之石之，音膊而磔音之。凡公四封，既富以彊。謂公吾父，孰違公令。可以師征，不寧

守邦。公作谿堂，播播流水。淺有蒲蓮，深有蒹葦。音公以賓燕，其鼓駭駭。公燕

谿堂，賓校醉飽。流有跳魚，岸有集鳥。既歌以舞，其鼓考考。公在谿堂，公御琴瑟。公

暨賓贊，稽經誨音律。施用不差，人用不屈。谿有薺苳音，有龜有魚。公在中流，右

詩左書。無我敦音遺，此邦是麻。音

【憲宗】名純，順宗子。

【始定東平】唐鄆州，亦曰東平郡，領縣三，治今山東東平縣。憲宗十四年，平盧都知兵馬使劉悟殺其節

度使李師道以降，清淄十二州皆平。

【三分其地】楊於陵爲淄青宣慰使，分其地爲三道：以鄆、曹、濮爲一道，馬總鎮之；青、齊、萊

爲一道，薛平鎮之；兗、海、沂、密爲一道，王遂鎮之。鄆，見上。濮州，治今山東濮縣。曹州，治今山東曹縣。

【華州】治今陝西華縣。

【馬公】名總，字會元，系出扶風。【天平軍】憲宗十五年六月，鄆、曹、濮等處節度使，馬總天平軍。【上之二年】穆宗長慶二年。

【沂密殘帥】沂州，治今山東臨沂縣。密州，治今山東諸城縣。元和十四年，沂海將王弁殺其觀察使王遂，自稱留後。

【幽鎮魏

繼變】兩州，治今京兆薊縣。鎮州，治今河北正定縣。魏州，治今河北大名縣。長慶元年，兩州盧龍軍都知兵馬使朱克敏，因其節度使張

弘靖以反，同時成德軍大將王庭湊殺其節度使田弘正，亦反。二年，魏博節度使田布自殺。兵馬使史憲誠自稱留後。【徐遂帥】徐

州，治今江蘇銅山縣。長慶二年，武寧軍節度使副使王智興，逐其節度使崔羣。【三方】兩、鎮也。【鄆爲虜巢句】謂永泰元

年，以平盧兵馬使李正己爲本軍節度使，傳子納，納子師道，至元和十四年敗，凡五十五年。【掃地赤立】言無有也。【朕朕】

相顧貌。

【噤】不能言也。

【九壘】九州。

【河岱】黃河、泰山。

【蝨】食稻根蟲。

【螟】害稻之蟲。

【膊磔】分裂肢體。

【諛】諛也，吞事爲諛。

【蓂莢】莢，浮萍。莢，離胡，卽今菱白。

【駮】厭也。

【麻】庇也。

## 畫記

雜古今人物小畫共一卷。騎而立者五人，騎而被甲載兵立者十人。一人騎執大旗前立，騎而被甲載兵，行且下牽者十人，騎且負者二人，騎執器者二人，騎擁田犬者一人，騎而牽者二人，騎而驅者三人，執羈勒的音立者二人，騎而下倚馬臂隼而立者一人，騎而驅涉者二人，徒而驅牧者二人，坐而指使者一人，甲胄手弓矢，鈇音，鉞音，植者七人，甲胄執幟昌志植者十人，負者七人，偃寢休者二人，甲胄坐睡者一人，方涉者一人，坐而脫足者一人，寒附火者一人，雜執器物役者八人，奉壺矢者一人，舍而具食者十有一人，挹且注者四人，牛牽者二人，驢驅者四人，一人杖而負者，婦人以孺子載而可見者六人，載而上下者三人，孺子戲者九人。凡人之事，三十有二，爲人大小百二十有三，而莫有同者焉。馬大者九匹，於馬

之中，又有上者，下者，行者，牽者，涉者，陸者，翹者，顧者，鳴者，寢者，訛音禾切者，立者，人立者，齧音慈者，飲者，洩音搜者，陟者，降者，痒音同癢，磨樹者，噓者，嗅者，喜相戲者，怒相踈音弟，齧音同齧者，秣音末者，騎者，驟者，走者，載服物者，載狐兔者，凡馬之事，二十有七，爲馬大小八十有三，而莫有同者焉。牛大小十一頭。橐駝三頭。驢如橐駝之數而加其一焉。隼一。犬羊狐兔麋鹿共三十。旃音通車三兩。雜兵器弓矢旌旗刀劍矛楯弓服矢房甲冑之屬，餅孟音登，筮筐，筥，錡音技，釜，飲食服用之器，壺矢博奕之具，二百五十有一，皆曲極其妙。貞元甲戌年，余在京師，甚無事，同居有獨孤生申叔者，始得此畫，而與余彈碁，余幸勝而獲焉。意甚惜之，以爲非一工人之所能運思，蓋藂音叢集衆工人之所長耳，雖百金不願易也。明年出京師，至河陽，與二三客論畫品格，因出而觀之。座有趙侍御者，君子人也。見之戚然若有感，然少而進曰：噫！余之手模也，亡之且二十年矣。余少時，常有志乎茲事，得國本，絕人事而摹得之，遊閩中而喪焉。居閒處獨，時往來余懷也。以其始爲之勞，而夙好之篤也。今雖遇之，力不能



爲己。且命工人存其大都焉，余旣甚愛之，又感趙君之事，因以贈之，而記其人物之形狀與數，而時觀之，以自釋焉。

【羈約】羈，馬絡頭約，馬羈也。

【隼】鷹類中最小者。

【鈇鉞】斧也，大斧曰鈇。

【植】立也。

【訛】動也，聲也。

【斲】斲也。

【蹏】蹏也。

【秣】飼也。

【驟】馬疾步也。

【筮】筮之有柄可執者。

【錡】錡有足者。

【彈棊】

（柳子厚序棊云）木

局隆其中而規焉，其下方以直，置棊二十有四，貴者半，賤者半，貴曰上，賤曰下，咸自第一至十二，下者二乃敵一，用朱墨以別焉。

【陽】今河南孟縣。【國本】國手之本。

### 南海神廟碑

廟在今廣東番禺縣東南波羅江上，廟有波羅樹，大可數千圍，俗名波羅廟。

海於天地間，爲物最鉅。自三代聖王，莫不祀事。考於傳記，而南海神次最貴，在北東西三神河伯之上，號爲祝融。天寶中，天子以爲古爵莫貴於公侯，故海嶽之祝，犧幣之數，放仿同而依之，所以致崇極於大神。今王亦爵也，而禮海嶽，尙循公侯之事，虛王儀而不用，非致崇極之意也。由是冊尊南海神爲廣利王，祝號祭式，與次俱升；因其故廟易而新之。在今廣州治之東南，海道八十里，扶胥之口，黃木

之灣。常以立夏氣至，命廣州刺史行事祠下，事訖，驛聞，而刺史常節度五嶺諸軍，仍觀察其郡邑，於南方事，無所不統。地大以遠，故常選用重人。既貴而富，且不習海事；又當祀時，海常多大風，將往，皆憂感，既進，觀顧怖悸，故常以疾爲解，而委事於其副，其來已久。故明宮齋廬，上雨旁風，無所蓋障。牲酒瘠酸，取具臨時。水陸之品，狼籍籩豆。薦裸音興俯，不中儀式。吏滋不供，神不顧享。盲風怪雨，發作無節，人蒙其害。元和十二年，始詔用前尙書右丞，國子祭酒，魯國孔公，爲廣州刺史，兼御史大夫，以殿丁練切南服。公正直方嚴，中心樂易，祇慎所職。治人以明，事神以誠。內外單盡，不爲表襮。博音至州之明年，將夏，祝冊自京師至，吏以時告，公乃齋祓。音視冊誓羣，有司曰：冊有皇帝名，乃上所自署。其文曰：「嗣天子某，謹遣官某敬祭。」其恭且嚴如是，敢有不承。明日，吾將宿廟下，以供晨事。明日，吏以風雨白，不聽。於是州府文武吏士凡百數，交謁更諫，皆揖而退。公遂陞舟，風雨少弛。權同夫奏功，雲陰解駁，日光穿漏，波伏不興。省牲之夕，載暘載陰。將事之夜，天地開除，月星明。

穢。凡利切五鼓既作，牽牛正中。公乃盛服執笏，以入卽事。文武賓屬，俯首聽位，各執

其職。牲肥酒香，罇爵靜潔。降登有數，神具醉飽。海之百靈祕怪，恍惚畢出。蜿管音蜿

蛇移音，來享飲食。闔廟旋壺，祥飆標音送颿。帆同旗纛道音旄麾，飛揚掩暗同藹。鐃鼓嘲轟，

橫音高管噉叫音噪。武夫奮權，工師唱和。穹龜長魚，踴躍後先。乾端坤倪，軒豁呈露。祀

之之歲，風災息滅。人厭魚蟹，五穀胥熟。明年祀歸，又廣廟宮而大之，治其庭壇，改

作東西兩序，齋庖之房，百用具修。明年其時，公又固往，不懈益虔。歲仍大和，耄結徒

切艾歌詠。始公之至，盡除他名之稅，罷衣食於官之可去者。四方之使，不以資交。

以身爲帥，率同燕享有時，賞與以節。公藏私蓄，上下與足。於是免屬州貢逋之緡民音

錢廿有四萬，米三萬二千斛。賦金之州，耗金一歲八百，困不能償，皆以丐之。加西

南守長之俸，誅其尤無良不聽令者，由是皆自重慎法。人士之落南不能歸者，與

流徙之胄，百廿八族，用其才良而廩其無告者。其女子可嫁，與之錢財，令無失時。

刑德並流，方地數千里，不識盜賊。山行海宿，不擇處所。事神治人，其可謂備至耳。

矣。咸願刻廟石，以著厥美，而繫以詩。乃作詩曰：

南海陰墟，祝融之宅。卽祀於旁，帝命南伯。吏情不躬，正自今公。明用享錫，右我家邦。惟明天子，惟慎厥使。我公在官，神人致喜。海嶺之陬，旣足旣濡。胡不均弘，俾執事樞。公行勿遲，公無遽歸。匪我私公，神人具依。

【河伯】抱朴子馮夷於八月上庚日渡河溺死，天帝署爲河伯。

【祝融】太公金匱：南海神曰祝融，東海神曰句芒，北海神曰顛

頊，西海神曰聲收。

【廣利王】天寶十年正月，封東海廣德王，南海廣利王，西海廣潤王，北海廣澤王。

【祝號二句】武德貞觀

之制，四海年別一祭，各以五郊迎氣日祭之，祀官以當界都督刺史充，至是封王，分命卿監十三人，取三月十七日一時備設兼冊制祭。

【扶胥口】扶胥鎮，在番禺縣東南三江口。

【刺史節度五嶺諸軍】唐制，嶺南爲五府，而嶺南節度使，觀察四府事。【裸】

始祭，酌鬱鬱之酒，灌地以降神。

【盲風怪雨】盲風，疾風也。（禮月令）仲秋之月，盲風至。（山海經）符陽之山，多怪雨。

【孔公】

名賡，字君勝，巢父子，元和十二年七月，以孔賡爲嶺南節度使。【以殿南服】殿，定也。南服，猶言南方。【裸】表也，自表白於外也。

【皇帝名】唐制，岳瀆以上祝版御署，附中使送往。

【穢】猶多也。（何晏景福殿賦）穢若幽星之纏連。

【牽牛】星名。（禮月

令）季春之月，旦牽牛中。

【蜿蜿虵虵】蜿蜿，龍狀也。（張衡西京賦）海鱗變而成龍，狀蜿蜿以纏纏。虵虵，安舒貌，亦作蛇蛇。（詩小

雅）蛇蛇碩言。

【旛藹】旛旗蔽日貌。

【藹艾】老也，八十曰藹，五十曰艾。

## 泮州東西水門記

并序

南海神廟碑

泮州東西水門記

貞元十四年正月戊子，隴西公命作東西水門。越三月辛巳朔，水門成。三日癸未，大合樂，設水嬉，會監軍軍司馬賓佐僚屬，將校熊羆之士，肅四方之賓客，以落之。士女和會，鬪郭盜郭。既卒事，其從事昌黎韓愈，請紀成績。其詞曰：

維汴州河水自中注，厥初距河爲城。其不合者，誕寘至音連鎖於河。沓浮晝漲，舟不潛通。然其襟抱虧疏，風氣宣洩。邑居弗寧，訛言屢騰。歷載以來，孰究孰思。皇帝御天下，有八載。此邦之人，遭逢疾威。囂音童噉同嘯同，劫衆阻兵。慄慄栗栗，若墜若覆。時維隴西公受命作藩，爰自洛京，單車來臨。遂拯其危，遂去其疵。弗肅弗厲，薰爲太和。神應祥福，五穀穰熟。既庶而豐，人力有餘。監軍是咨，司馬是謀。乃作水門，爲邦之郭。以固風氣，以閉音輸。寇偷黃流，渾渾飛閣。渠渠因而飾之，匪爲觀游。天子之武，維隴西公是布；天子之文，維隴西公是宣。河之沄音沄，源於崑崙。天子萬祀，公多受祉。乃伐山石，刻之日月。尙俾來者，知作之所始。

【隴西公】董管也，字混成，河中虞鄉人。

【水嬉】水上嬉戲之舉。

【落】建築始成所行之禮。

【鬪】滿也。

【郭】城外大郭。

【汴州】治今河南，封縣。【誕】大也，或爲發語辭。【遭逢疾威三句】時汴有亂事。【麗】愚也。【閉】里門，此作扞禦。【渾渾】混流聲。【渠渠】深廣貌。（詩）於我乎夏屋渠渠。【云云】水轉流貌。【崑崙】亞洲最大山脈之一，河源出於青海巴顏哈喇山，即中崑崙。

## 處州孔子廟碑

自天子至郡邑守長，通得祀而徧天下者，惟社稷與孔子爲然；而社祭土，稷祭穀，句音龍與奔，同乃其佐享，非其專主；又其位所，不屋而壇，豈如孔子用王者事，巍然當座，以門人爲配，自天子而下，北面跪祭，進退誠敬，禮如親弟子者，句音龍奔以功，孔子以德，固自有次第哉。自古多有以功德得其位者，不得常祀，句音龍奔孔子，皆不得位而得常祀，然其祀事，皆不如孔子之盛，所謂「生人以來，未有如孔子者」，「其賢過於堯舜遠矣」，此其效歟？郡邑皆有孔子廟，或不能修事，雖設博士弟子，或役於有司，名存實亡，失其所業。獨處州刺史鄴音侯李繁至官，能以爲先，既新作孔子廟，又令工改爲顏子至子夏十人像，其餘六十子，及後大儒

公羊高、左邱明、孟軻、荀況、伏生、毛公、韓生、董生、高堂生、揚雄、鄭玄等數十人，

切苦何

皆圖之壁。選博士弟子，必皆其人。又爲置講堂，教之行禮，肄習其中。置本錢廩米，

令可繼處以守。廟成，躬率吏及博士弟子入學，行釋菜禮。耆老歎嗟，其子弟皆興

於學。鄴侯尙文，其於古記無不貫達，故其爲政，知所先後，可歌也已！乃作詩曰：

惟此廟學，鄴侯所作。厥初庫卑音下，神不以宇。生師所處，亦窘寒暑。乃新斯宮，神降

其獻。講讀有常，不戒用勸。揭居切揭元哲，有師之尊。羣聖嚴嚴，大法以存。像圖孔

肖，威在斯堂。以瞻以儀，俾不或忘。後之君子，無廢成美。琢詞碑石，以贊攸始。

【句龍】炎帝十一世孫，能平九州，辨土地之宜，爲顓頊土正，後祀爲后土之神。

【弃】帝嚳子，開始祖，堯時爲農師，舜時爲后稷，後

祀爲先農。

【門人爲配】開元二十七年八月，追諡孔子文宣王，南面而坐，以顏子配享。

【李繁】恂之子。

【顏子至子夏

十人】顏淵、閔子騫、冉伯牛、仲弓、宰我、子貢、冉有、季路、子游、子夏。【公羊高等】貞觀二十一年，詔左丘明、公羊高、毛萇、鄭玄、伏勝、

高堂生等廿二人，春秋行釋奠之禮，而無孟軻、荀況、韓嬰、董仲舒、揚雄等。伏生卽伏勝，毛公卽毛萇。韓生名嬰，董生名仲舒，高堂生能言

禮。見《漢書儒林傳》。【釋菜】古者士之見師，以菜爲贄，故始入學者，必釋菜以諱其先師，其學官四時之祭，乃皆釋奠，釋奠有樂，經

尸，釋菜則無樂。

衢州徐偃王廟碑

廟在今龍游縣西四十里靈山下。

徐與秦俱出栢鬻，切於計爲嬴姓。國於夏殷周世，咸有大功。秦處西偏，專用武勝，遭世衰，無明天子，遂虎吞諸國爲雄。諸國既皆入秦爲臣屬，秦無所取利，上下相賊害，卒償齊晉其國而沈其宗。徐處得地中，文德爲治。及偃王誕當國，益除去刑爭末事，凡所以君國子民待四方，一出於仁義。當此之時，周天子穆王無道，意不在天下，好道士說，得八龍騎之西遊，同王母宴於瑤池之上，歌謳忘歸，四方諸侯之爭辨者，無所質正，咸賓祭於徐，贄玉帛死生之物於徐之庭者，三十六國，得朱弓赤矢之瑞。穆王聞之，恐遂稱受命，命造父御，長驅而歸，與楚連謀伐徐。徐不忍鬪其民，北走彭城武原山下，百姓隨而從之，萬有餘家。偃王死，民號其山爲徐山，鑿石爲室，以祠偃王。偃王雖走死失國，民戴其嗣，爲君如初。駒王章禹，祖孫相望，自秦至今，名公巨人，繼跡史書。徐氏十望，其九皆本於偃王，而秦後迄茲無聞家。



天於栢翳之緒，非偏有厚薄施仁與暴同之報，自然異也。衢州故會稽太音末也。

民多姓徐氏，支縣龍邱有偃王遺廟。或曰：「偃王之逃戰，不之彭城，之越城之隅，

棄玉几研於會稽之水。」或曰：「徐子章禹既執於吳，徐之公族子弟散之徐揚

二州間，卽其居立先王廟云。」開元初，徐姓二人相屬爲刺史，帥其部之同姓，改

作廟屋，載事於碑。後九十年，當元和九年，而徐氏放，復爲刺史。放字達夫，前碑所

謂今戶部侍郎，其大父也。春行視農，至於龍邱，有事於廟，思惟本原，曰：「故制桷

粗同樸下窄，不足以揭虔妥靈；而又梁桷赤白，陀音彫剝不治。圖像之威，黜衣去昧就

滅。藩拔級夷，庭木禿黜。缺同祈眈日慢，祥慶弗下。州之羣支，不獲蔭庇。余惟遺紹，而

尸其土，不卽不圖，以有資聚，罰其可辭。」乃命因故爲新，衆工齊事。惟月若日，工

告訖功。大祠於廟，宗卿咸序。應是歲，州無怪風劇雨，民不夭厲，穀果完實。民皆曰：

「耿耿祉哉，其不可誣。」乃相與請辭京師，歸而鑿土之於石。辭曰：

秦傑以顛，徐由遜縣。秦鬼久饑，徐有廟存。婉婉偃王，惟道之耽。以國易仁，爲笑於

頑。自初擅命，其實幾姓。歷短詈長，有不償亡。課有利害，孰與王當。姑蔑之墟，太末之里。誰思王恩，立廟以祀。王之聞孫，世世多有。惟臨茲邦，廟土實守。堅嶠音之後，

達夫廓之，王歿萬年，如始祔音時。王孫多孝，世奉王廟。達夫之來，先慎詔教。盡惠

廟民，不主於神。維是達夫，知孝之元。太末之里，姑蔑之城。廟事時修，仁孝振聲。宜

寵其人，以及後生。嗟嗟維王，雖古誰亢。王死於仁，彼以曩喪。文追作誄，刻示茫茫。

【徐秦俱出栢鬻】（史記秦本紀）大梁之子曰大費，是爲栢鬻，舜賜姓顓氏。栢鬻二子，太廉之後爲秦，若木之後爲徐。【咸有大功】（秦本紀）太廉玄孫孟戲中衍，殷帝太戊以爲御而妻之，自太戊以下，中衍之世，以佐殷國，故嬴姓多顯，遂爲諸侯。若木玄孫費昌，當夏桀時，去夏歸商，爲殷御，以敗桀於鳴條。【秦處西偏】中衍曾孫曰或宵，軒生仲雍，滴生飛廉，廉生惡來，來生女防，防生旁皇，皇生大凡，凡生大駱，駱生非子，周孝王以爲附庸，邑之於秦。【周穆王】名滿，（左昭）穆王欲肆其心，周行天下，將必有車轍馬跡焉。【八龍】（列子）周穆王駕八駿之乘，西征崑崙，八駿：騶騶、騄耳、赤驥、白羲、渠黃、踰輪、盜驪、山子。【同王母宴二句】（穆天子傳）穆王見西王母，鶴於瑤池之上，母爲天子謠曰：白雲在天，山陵自出。道里悠遠，山川間之。將子無死，尙能復來。天子答曰：予

嚮東土，和治諸夏。萬民平均，吾願見汝。比及三年，將復而野。【朱弓亦矢】（博物志）偃王欲舟行上國，乃通溝陳蔡之間，得朱弓赤矢，以爲得天瑞，遂因名爲弓，自稱偃王，江淮諸侯服從者三十六國。【造父】（飛廉玄孫）【長驅而歸】（秦本紀）徐偃王作亂，造父爲穆王御，長驅歸周，與楚熊羆連謀伐徐。按偃王之滅，爲漢書以爲楚文王，而時代不符。【彭城武原山】彭城，郡名，治

衢州徐偃王廟碑

九丸

今江蘇銅山縣。武原山，在今邳縣西南，一名徐山。《元和郡縣志》：徐偃王北走彭城，武原東山之下，百姓歸之，號曰徐山。按徐山有二，一在銅山縣。【駒王】《禮檀弓》：邾婁考公之喪，徐君使容居來弔，舍曰：先君駒王西討。【章禹】《左昭》：吳滅徐，徐子章禹斷其髮以奔楚。【會稽太末】：衢州在漢時，爲會稽郡太末縣地，即春秋時姑蔑也，唐改龍游縣。【龍邱】：山名，在龍游縣東，此云支縣，即指龍游。【徐姓二人】：徐堅，字元固，徐嶠，字巨山。【陰】：墓也。【黧】：深黑也。【饒】：刻也。【姑蔑】：今龍游縣北有姑蔑故城。《國語》：勾踐之地，西至姑蔑。【耐】：祭也。《說文》：後死者合食於先祖。

### 柳州羅池廟碑

廟在廣西馬平縣，祀唐刺史柳宗元。

羅池廟者，故刺史柳侯廟也。柳侯爲州，不鄙夷其民，動以禮法。三年，民各自矜奮。茲土雖遠京師，吾等亦天氓，今天幸惠仁侯，若不化服，我則非人。於是老少相教語，莫違侯令，凡有所爲於其鄉閭及於其家，皆曰：「吾侯聞之，得無不可於意否？」莫不忖度而後從事。凡令之期，民勸趨之，無有後先，必以其時。於是民業有經，公無負租。流逋四歸，樂生興事。宅有新屋，步有新船。池園潔修，豬牛鴨雞，肥大蕃息。子嚴父詔，婦順夫指。嫁娶葬送，各有條法。出相弟<sub>同</sub>長，入相慈孝。先時民貧，以男女相質，久不得贖，盡沒爲隸。我侯之至，按國之故，以傭除本，悉奪歸之。大

修孔子廟，城郭巷道，皆治使端正，樹以名木。柳民既皆悅喜，嘗與其部將魏忠、謝寧、歐陽翼飲酒驛亭，謂曰：「吾棄於時，而寄於此，與若等好也；明年，吾將死，死而爲神，後三年，爲廟祀我。」及期而死。三年孟秋辛卯，侯降於州之後堂，歐陽翼等見而拜之。其夕，夢翼而告曰：「館我於羅池。」其月景辰廟成，大祭，過客李儀醉酒，慢侮堂上，得疾，扶出廟門，卽死。明年春，魏忠、歐陽翼使謝寧來京師，請書其事於石。余謂柳侯生能澤其民，死能驚動禍福之，以食其土，可謂靈也已！作迎享送神詩，遺柳民，俾歌以祀焉，而并刻之。柳侯，河東人，諱宗元，字子厚，賢而有文章，嘗位於朝，光顯矣，已而擯不用。其辭曰：

荔子丹兮蕉黃，雜肴蔬兮進侯堂。侯之船兮兩旗，度中流兮風泊之。待侯不來兮，不知我悲。侯乘駒兮入廟，慰我民兮不嘖以笑。鵝之山兮柳之水，桂樹團團兮白石齒齒。侯朝出游兮暮來歸，春與猿哀音吟兮秋鶴與飛。北方之人兮，爲侯是非。千秋萬歲兮，侯無我違。福我兮壽我，驅厲鬼兮山之左。下無苦溼兮，高無乾。秔庚音餘

徒晉  
充羨兮，蛇蛟結蟠。我民報事兮無怠，其始自今兮欽於世世。

【羅池】在馬平縣東。【柳侯爲州】元和十年三月，以永州司馬柳宗元爲柳州刺史，十四年十月，宗元卒。【步】水際曰步。

【三年】長慶三年。【景辰】即丙辰，以諱改此。【鵝山】在馬平縣西，（明一統志）謂山巔有石如鵝。【柳水】即柳江，在馬

平縣南。【團團】團聚貌。【齒齒】排列貌。【北方之人】柳家河東，北方人也。【稊稂】稊，稻之不黏而晚熟者，俗作稊。

稊，稊稻也。

### 袁氏先廟碑

袁公滋既成廟。明歲二月，自荆南以旂節朝京師，留六日，得壬子春分，率宗親子屬，用少牢於三室。既事，退言曰：「嗚呼！遠哉！維世傳德，龔訓集余，乃今有濟。今祭既，不薦金石音聲，使工歌詩，載烈象容，其奚以飭稚昧於長久。惟敬繫羊豕，幸有石，如具著先人名跡，因爲詩繫之語下，於義其可。雖然，余不敢，必屬篤古而達於詞者。」遂以命愈，愈謝非其人，不獲命，則謹條袁氏本所以出，與其世系里居起周歷漢魏晉拓跋魏周隋入國家以來，高曾祖考所以劬躬燾後，委祉於公。

公之所以逢將承應者有概有詳，而綴以詩。其語曰：周樹舜後陳，陳公子有爲大  
夫食國之地。袁鄉者，其子孫世守不失，因自別爲袁氏。春秋世，陳常壓於楚，與中  
國相加尤疏。袁氏猶班班見，可譜。常居陽夏，陽夏至晉，屬陳郡，故號陳郡袁氏。博  
士固，申儒，遏黃，唱業於前。至司徒安，懷德於身。袁氏遂大顯。連世有人，終漢連魏。  
晉，分仕南北。始居華陰，爲拓跋魏鴻臚，鴻臚諱恭，生周梁州刺史新縣孝侯諱穎，  
孝侯生隋左衛大將軍諱溫，去官華陰。武德九年，以大臺薨，始葬華州。左衛生南  
州刺史諱士政，南州生當陽令諱倫，於公爲曾祖。當陽生朝散大夫石州司馬諱  
知玄。司馬生贈工部尚書咸寧令諱曄，是爲皇考。袁氏舊族，而當陽以通經爲儒。  
位止縣令。石州用春秋持身治事，爲州司馬以終。咸寧備學而貫以一文，武隨用，  
謀行功從。出入有立，不爵於朝。比三世宜達而窒，歸成後人，數當於公。公惟曾大  
父大父皇考比三世，存不大夫食，歿祭在子孫，惟將相能致備物，世彌遠，禮則益  
不及，在慎德行業治，圖功載名，以待上可，無細大，無敢不敬畏。無早夜，無敢不思。

成於家，進於外，以立於朝。自侍御史，歷工部員外郎，祠部郎中，諫議大夫，尚書右丞，華州刺史，金吾大將軍，由卑而鉅，莫不官稱。遂爲宰相，以贊辨章，仍持節將蜀滑荆襄，略苞河山，秩登祿富，以有廟祀，具如其志。又垂顯刻，以教無忘，可謂大孝。詩曰：

袁自陳分，初尙蹇連。越秦造漢，博士發論。司徒任德，忍不錮人。收功厥後，五公重尊。晉氏於南，來處華下。鴻臚孝侯，用適操舍。南州勤治，取最不懈。當陽耽經，惟義之畏。石州烈烈，學專春秋。懿哉咸寧，不名一休。趨難避成，與時泛浮。是生孝子，天子之宰。出把將符，羣州承楷。數以立廟，祿以備器。由曾及考，同堂異置。柏板松楹，其筵肆肆。惟袁之廟，孝孫之爲。順勢卽宜，以諏以龜。以平其蠟，音義屋牆持持。孝孫來享，來拜廟庭。陟堂進室，親登遷鏹。刑音肩臚奴報。肅音肅音，其尊玄清。降登受胙，于慶爾成。維曾維祖，維考之施。於爾孝嗣，以報以祇。凡我有今，非本曷思。刻詩牲繫，惟以告之。

【袁滋】字德深，蔡州朗山人。德宗時，歷官彰義節度使，遷湖南觀察使，累封淮陽郡公。【少牢】羊也。【石】麗牲之碑。（禮祭義）祭之日，牽牲入廟門，麗於碑，麗，繫也。【拓跋魏】見柳子厚墓誌銘注。【周樹句】樹立也。（史記）武王克殷，求舜後，得媯滿，封之陳。【袁氏猶班班句】如袁濤塗，袁僑，濤塗，（左傳）作職。（殷梁）（法言）（釋文）皆作袁。【陽夏】今河南太康縣。【固】鞏固，漢齊人，以治詩，孝景時爲博士。贊太后好老子書，召問固，固曰：此家人言耳。太后怒曰：安得司空城且書乎？【安】字邵公，後漢汝陽人，仕終司徒。【華陰】今陝西華陰縣。【鑿】八十九皆曰鑿。【武德】高祖年號。【華州刺史】貞元十六年，滋自尙書右丞任此。【金吾大將軍】貞元二十一年，拜金吾大將軍。【辨章】分辨章明百姓之氏族，辨與便平通。（史記）便章百姓，（書）作平。【持節句】永貞元年十月，滋爲西川節度使；元和元年十月，徙義成軍節度使；八年正月，自戶部尙書出爲山南東道節度；九年九月徙荆南節度；獨謂西川，滑謂義成，襄謂山南東道，荆謂荆南。【蹇連】困難也。（易）往蹇來連。（蔡邕賦）塗迤邐其蹇連兮。【忍不鋼人】漢明帝時，袁安爲河南尹，未嘗以臧罪鞠人，嘗曰：凡舉任者，高則望宰相，下則希牧守，鋼人於聖世，所不忍爲。【五公】安章帝時，爲司徒，二子京儼，京子揚，字仲河，桓帝時太尉。揚子逢，字周陽，靈帝時司空。逢弟隲，字次陽，獻帝時太傅。京弟儼，字叔平，安帝時司空，凡四世五公。【轅】隙也。（法言）轅可抵乎？【簞】食器，編竹爲之。【鋼】盛羞之器。【肩膊胛胛】胛，臂節也。（禮少儀）其禮太宰，則以牛左肩臂胛折九箇。（儀禮）臂胛胛胛，胛也。（儀禮士喪禮）去蹄兩胛，胛者，禽獸骨也。四者皆所薦之羞。

## 烏氏廟碑

烏氏廟碑



元和五年，天子曰：盧從史始立議，用師於恆，乃陰與寇連，夸謾兇驕，出不遜言，其執以來。其四月，中貴人承瓘，七罪即誘而縛之，其下皆甲以出，操兵趨譁，牙門都將烏公重胤當軍門叱曰：天子有命，從有賞，敢違者斬。於是士皆斂兵還營，卒致從史京師。壬辰，詔用烏公爲銀青光祿大夫，河陽軍節度使，兼御史大夫，封張掖郡開國公。居二年，河陽稱治，詔贈其父工部尚書，且曰：其以廟享，卽以其年營廟於京師崇化里。軍佐竊議曰：「先公旣位常伯，而先夫人無加命，號名差卑，於配不宜。」語聞，詔贈先夫人劉氏，沛國太夫人。八年八月，廟成，三室同宇，祀自左領府君而下，作主於第，乙巳，升於廟。烏氏著於春秋，譜於世本，列於姓苑，在莒者存，在齊有餘枝，鳴皆爲大夫，秦有獲，爲大官。其後世之江南者，家鄱陽，處北者家張掖，或入夷狄，爲君長。唐初，察爲左武衛大將軍，實張掖人。其子曰令望，爲左領軍衛大將軍。孫曰蒙，爲中郎將，是生贈尚書諱承玘，此晉字某。烏氏自莒齊秦大夫以來，皆以材力顯，及武德以來，始以武功爲名將家。開元中，尚書管平盧先鋒

軍屬破奚契七音丹，從戰捺摩雜入祿，走可突干。渤海擾海上，至馬都山，吏民逃徙失

業，尚書領所部兵塞其道，塹七原壘石，縣四百里，深高皆三丈，寇不得進，民還

其居，歲罷運錢三十萬餘。黑水室韋以騎五千來屬，麾下邊威益張。其後與耿仁

智謀，說史思明降；思明復叛，尚書與兄承恩謀殺之，事發族夷，尚書獨走免；李光

弼以聞，詔拜冠軍將軍，守右威衛將軍，檢校殿中監，封昌化郡王，石嶺軍使。積粟

厲兵，出入耕戰，以疾去職。貞元十一年二月丁巳，薨於華陰告平里，年若干，卽葬

於其地。二子，大夫爲長，季曰重元，爲某官。銘曰：

烏氏在唐，有家於初。左武左領，二祖紹居。中郎少卑，屬於尚書。不償其勞，乃相大

夫。授我戎節，制有疆同墟。數備禮登，以有宗廟。作廟天都，以致其孝。右祖左孫，爰

饗其報。云誰無子，其有無孫。克對無羞，乃惟有人。念昔平盧，爲艱爲瘁。大夫承之，

危不棄義。四方其平，士有怠息。來覲來齋，以饋黍稷。

【用師於恆】元和五年三月，成德節度使王士真卒，其子承宗自爲留後，帝欲革河北世襲之弊，盧從史時爲昭義節度使，遣父喪

因左軍中尉吐突承曜說，請發本軍討承宗，由是復起從史，委其成功，十月，詔削奪承宗官爵，以承曜爲招討宣慰使，命恆州四面藩鎮

各遣兵共討。【陰與寇連】從史陰與王承宗通謀，裴垕言從史必爲亂，承瓘乃召從史入營與博，伏壯士禽縛之，馳詣京師，貶爲鹽州司馬。【烏重胤】字保君，張掖人。【張掖郡】今甘肅張掖縣。【常伯】謂工部尚書。【三室同宇】同宇，謂上同下異也。後漢以來，公私廟制，皆爲同堂異室。【世本】十五卷，錄黃帝以來帝王諸侯伯卿大夫系氏名號。【姓苑】十卷，何承天作，崔日用又有姓苑略一卷。【存】（左昭）宮子庚與，虐而好劍，烏存率國人逐之。【餘枝鳴】（左襄二十四年）齊人城郟之歲，其夏，烏餘以廩丘奔晉。（昭二十一年）冬十月，華登以吳師救華氏，齊烏枝鳴戍宋。【獲】秦武王時，有力士任鄙烏獲。【郟陽】今江西鄱陽縣。【家張掖】張掖烏氏，後魏烏洛侯之裔，貞觀初，貢獻內屬，代爲功臣。【承瓘】字德潤，重胤父。【奚契丹】唐時北狄有五種，契丹、奚、室韋、黑水、渤海，奚本東胡種，爲匈奴所破，保烏桓山，即今熱河之承德、灤平、豐寧、平泉諸縣地。契丹亦東胡種，初時甚微，保潢水之南，黃龍之北，後破奚，渤海，侵室韋，女真，取突厥故地，遂改號曰遼。【可突于】契丹將，奚契丹入寇，承瓘破於捺祿山，又戰白城，承瓘接隊出其右，斬首萬級，可突于奔北。【渤海】國名，靺鞨人大祚榮所建，其子大武藝以後，拓境日廣，奄有松花江以南，迄日本海之地，渤海王武藝出海濱至馬都山，屠陷城邑，承瓘以本營士馬防遏要害。【黑水室韋】二國名，黑水即靺鞨，唐今黑龍江地。室韋爲契丹別種，在今蒙古東境黑龍江北境一帶。【史思明降復叛】至德二年，安慶緒兵敗，志保都那，史思明判官耿仁智，說思明歸唐，思明然之，以所部十三郡及兵八萬來降，已而思明內通賊，上以承恩爲河北節度副大使，使圖思明事，洩承恩父子及支黨皆殺。【李光弼】營州柳城人，爲唐名將。

## 新修滕王閣記

愈少時，側聞江南多臨觀之美，而滕王閣獨爲第一，有瑰偉絕特之稱，及得三王所爲序賦記等，壯其文辭，益欲往一觀而讀之，以忘吾憂；繫官於朝，願莫之遂。十四年，以言事，斥守揭陽，便道取疾以至海上，又不得過南昌，而觀所謂滕王閣者。其冬，以天子進大號，加恩區內，移刺袁州。袁於南昌爲屬邑，私喜幸自語，以爲當得躬詣大府，受約束於下執事，及其無事且還，儻得一至其處，竊寄目償所願焉。至州之七月，詔以中書舍人太原王公爲御史中丞，觀察江南西道；洪江饒虔吉信撫袁悉屬治所。八州之人，前所不便及所願欲而不得者，公至之日，皆罷行之。大者驛聞，小者立變。春生秋殺，陽開陰閉。令修於庭戶數日之間，而人自得於湖山千里之外；吾雖欲出意見，論利害，聽命於幕下，而吾州乃無一事可假而行者，又安得捨己所事，以勤館人？則滕王閣又無因而至焉矣！其歲九月，人吏浹<sub>即協</sub>和，公與監軍使燕於此閣，文武賓士皆與在席；酒半，合辭言曰：「此屋不修且壞，前公爲從事此邦，適理新之，公所爲文，實書在壁，今三十年而公來爲

邦伯適及期月，公又來燕於此，公烏得無情哉！公應曰：諾。於是棟楹梁桷板檻腐黑撓折者，蓋瓦級甃之破缺者，赤白之漫漶虎玩切不鮮者，治之則已，無侈前人，無廢後觀。工既訖功，公以衆飲，而以書命愈曰：「子其爲我記之。」愈旣以未得造觀爲歎，竊喜載名其上，詞列三王之次，有榮耀焉，乃不辭而承公命。其江山之好，登望之樂，雖老矣，如獲從公遊，尙能爲公賦之。元和十五年十月某日，袁州刺史韓愈記。

【滕王閣】唐顯慶四年滕王元嬰都督洪州時建，在江西新建縣西章江門上。明景泰中，重構在章江門外，額曰西江第一樓，成化間葺治，復曰滕王閣。後再廢，清康熙中復建，凡三建焉。【揭陽】唐之潮州，漢南海揭陽地，愈以諫憲宗迎佛骨，以刑部侍郎貶潮州刺史。

史。【南昌】今江西南昌縣，唐洪州治此。

【袁州】治今江西宜春縣。

【太原王公】名仲舒，字弘中，并州祁人。元和十五年

六月，以中書舍人出爲洪州刺史，御史中丞，充江西觀察使。

【洪江饒虔吉信撫袁】洪袁州見上，江州治今江西九江縣，饒州

治鄱陽縣，虔治贛縣，吉州治吉安縣，信州治上饒縣，撫州治臨川縣。

【洪和】猶和洽也。【邦伯】州牧也。（書）命庶殷侯，甸男邦

伯。【漫漶】敝壞不可辨也。

## 科斗書後記

科斗文，謂倉頡古文，其字頭粗尾細，似科斗之蟲，故俗名之。

愈叔父當大歷世，文辭獨行中朝，天下之欲銘述其先人功行，核五取信來

世者，咸歸韓氏。於時李監陽冰，獨能篆書，而配叔父，擇木善八分，不問可知其人，

不如是者，不稱三服，故三家傳子弟往來。貞元中，愈事董丞相幕府於汴州，識開

封令服之者，陽冰子，授余以其家科斗孝經，漢衛宏官書兩部，合一卷，愈寶蓄之，

而不暇學。後來京師，爲四門博士，識歸公，歸公好古書，能通之。愈曰：「古書得其

據依，蓋可講。」因進其所有書屬歸氏。元和來，愈去夾亟夾不獲讓。嗣爲銘文，薦道

功德，思凡爲文辭，宜略識字，因從歸公乞觀二部書，得之，留月餘，張籍令進士賀

拔恕，寫以留愈，蓋得其十四五，而歸其書歸氏。十一年六月四日，右庶子韓愈記。

【叔父】名雲，唐文粹，數季子，仕終禮部侍郎。【大歷】代宗年號。【文辭獨行中朝四句】始田神功平淮碑，隸隸碑，二碑

並載姚銜，唐文粹。【李陽冰】陽冰字少溫，白之從叔，官至將作監，工篆書，舒元與謂其書不減李斯。【擇木善八分】擇

木卽李潮，代宗時官禮部尚書，杜甫李潮八分歌云：尚書李擇木，隸曹察有繇，開元以來數八分。【董丞相幕】董丞相晉，貞元中

鎮汴州，退之爲之佐。【科斗孝經】魯共王壞孔子宅，得論語孝經，皆科斗文字。【衛宏】字敬仲，光武時爲議郎，作漢舊儀四

篇，載西京雜事。【爲四門博士】在貞元六年。【歸公】歸登字沖之，累官工部尚書，有文字，工草隸，嘗慕陸象先之爲人，亦

音注韓昌黎文 卷二

一一二

以爲近之。【張籍】字文昌，烏江人，第進士，退之薦爲國子博士。【十一年】元和十二年。【右庶子】古者天子有庶子之官，秦漢因之，置中庶子，六朝以後，遂爲太子官屬，隋改爲左右庶子，唐時分掌左右春坊，擬侍中中書令。


民國廿五年十二月發行  
民國三十年一月三版

中國文學精華

◎ 音注韓昌黎文 (全二册)

實價國幣

(郵運運費另加)



輯注者 中華書局

發行者 中華書局有限公司  
代表人 路錫三

印刷者 上海 美商永寧有限公司

總發行處 昆明 中華書局發行所


分發行處 各埠 中華書局

(一〇九四五)

3. 30



註冊商標



0  
44.16  
34-13  
2

(80)  
(10945)

8.30